



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-327/22
Sarajevo, 23.02.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 12. sjednici održanoj dana 23.02.2022. godine, usvojilo je

Izvještaj o aktivnostima Grada Sarajeva u oblasti međunarodne saradnje u 2021. godini.

PREDSJEDAVAJUĆI GRADSKOG VIJEĆA

Jasmin Ademović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Izveštaj
o aktivnostima Grada Sarajeva
u oblasti međunarodne saradnje u 2021. godini

Sarajevo, februar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



SADRŽAJ

- I. Uvod**
- II. Međunarodna saradnja na nivou gradova**
- III. Međunarodni skupovi**
- IV. Saradnja s diplomatsko-konzularnim predstavništvima**
- V. Ostale aktivnosti na planu međunarodne saradnje**
- VI. Aktivnosti Grada Sarajeva u okviru međunarodnih asocijacija**
- VII. Ocjena stanja**
- VIII. Zaključna razmatranja**

I. UVOD

Programom rada Gradskog vijeća Grada Sarajeva za 2022. godinu, broj 01-GV-02-1776/21 od 29.12.2021. godine i Programom međunarodne saradnje Grada Sarajeva za 2022. godinu, broj 01-GV-02-1777/21 od 29.12.2021. godine, predviđen je Izvještaj o aktivnostima Grada Sarajeva u oblasti međunarodne saradnje u 2021. godini.

U skladu sa Programom rada Gradskog vijeća Grada Sarajeva za 2021. godinu, u oblasti *Saradnja i udruživanje*, realizovano je sljedeće:

- Izvještaj o aktivnostima Grada Sarajeva u oblasti međunarodne saradnje u 2020. godini, podnesen je na 47. sjednici Gradskog vijeća Grada Sarajeva, održanoj 24.2.2021. godine.
- Nacrt Programa međunarodne saradnje Grada Sarajeva za 2022. razmatran je na Sedmoj sjednici Gradskog vijeća Grada Sarajeva, održanoj 27.10.2021. godine te je upućen u javnu raspravu. Nakon provedene javne rasprave, Prijedlog Programa međunarodne saradnje Grada Sarajeva za 2022. godinu usvojen je na 10. sjednici Gradskog vijeća Grada Sarajeva, održanoj 29.12.2021. godine.
- Prijedlog Programa saradnje sa dijasporom za 2022. godinu razmatran je na Devetoj sjednici Gradskog vijeća Grada Sarajeva, održanoj 01.12.2021. godine te je upućen u javnu raspravu u formi Nacrta. Nakon provedene javne rasprave, Prijedlog Programa saradnje sa dijasporom za 2022. godinu usvojen je na 10. sjednici Gradskog vijeća Grada Sarajeva, održanoj 29.12.2021. godine.
- Informacija o privrednoj saradnji Grada Sarajeva sa pobratimskim i partnerskim gradovima primljena je k znanju na Desetoj sjednici Gradskog vijeća Grada Sarajeva, održanoj 29.12.2021. godine.

Gradsko vijeće Grada Sarajeva tokom 2021. godine usvojilo je sljedeće odluke:

- Gradsko vijeće Grada Sarajeva, na Šestoju sjednici održanoj 29.9.2021. godine, donijelo je Odluku o uspostavljanju saradnje između Grada Sarajeva i Grada Zürich.
- Gradsko vijeće Grada Sarajeva, na Sedmoj sjednici održanoj 27.10.2021. godine, donijelo je Odluku o davanju saglasnosti za suosnivanje Evropskog ogranka asocijacije „Gradonačelnici za mir“.
- Gradsko vijeće Grada Sarajeva, na Devetoj sjednici održanoj 01.12.2021. godine, donijelo je Odluku o davanju saglasnosti za potpisivanje Sporazuma sa Gradom Šanliurfa o postavljanju dva jarbola sa zastavom Grada Sarajeva i zastavom zvanične maskote XIV ZOI „Vučko“.
- Gradsko vijeće Grada Sarajeva, na Devetoj sjednici održanoj 01.12.2021. godine, donijelo je Odluku o uspostavljanju saradnje između Grada Sarajeva i Grada Izmir potpisivanjem Sporazuma o bratimljenju.

Aktivnosti koje su Programom međunarodne saradnje Grada Sarajeva za 2021. godinu bile planirane, ali nisu realizovane zbog okolnosti izazvanih pandemijom Covid-19, su sljedeće:

- Izložba „Exodus“, maestra Safeta Zeca koja je trebala biti održana u zgradi Ujedinjenih nacija u New Yorku (SAD), 27.1.2021. godine.
- Posjeta inostranih delegacija u povodu 5. aprila – Dana opsade grada Sarajeva i 6. aprila – Dana grada Sarajeva.

- Retrospektivna izložba djela umjetnika Safeta Zeca, koja je u okviru obilježavanja 14. godišnjice službenog prijateljstva između Sarajeva i Dubrovnika, trebala biti održana u Dubrovniku u maju ili junu 2021. godine.
- Peti Austrijski bal u Sarajevu koji je trebao biti održan u Vijećnici u junu 2021. godine.

Nadalje, u skladu sa Programom i ciljevima međunarodne saradnje Grada Sarajeva za 2021. godinu, aktivnosti su se odvijale na bilateralnom nivou u formi saradnje s pobratimskim, partnerskim i drugim gradovima i međunarodnim institucijama, na multilateralnom nivou kroz učestvovanje ili organizaciju međunarodnih skupova, u radu međunarodnih asocijacija čiji je Grad Sarajevo član, te kroz saradnju s diplomatsko-konzularnim predstavništvima u BiH i izvan nje.

U odnosu na 2020. godinu, u kojoj su aktivnosti u oblasti međunarodne saradnje bile prilično limitirane zbog pandemije Covid-19, tokom 2021. godine ostvareno je puno više direktnih kontakata sa inostranim partnerima, realizovane su službene posjete predstavnika Grada Sarajeva izvan BiH, kao i prijemi inostranih delegacija.

Također, nisu izostali ni virtualni formati koji, iako se ne mogu zamijeniti ličnom komunikacijom, ipak nude dobru priliku za redovno održavanje međunarodnih skupova, te razgovor o pitanjima na međugradskom i međunarodnom nivou, uz minimalno vrijeme i finansijska ulaganja.

Od najznačajnijih aktivnosti iz oblasti međunarodne saradnje koje su rezultirale konkretnim benefitima ili će uslijediti realizacija konkretnih aktivnosti, izdvajamo sljedeće:

- **Grad Innsbruck je donirao sanitetsko vozilo** Gradu Sarajevu u svrhu borbe protiv pandemije Covid-19. Odlukom Gradskog vijeća Grada Sarajeva sanitetsko vozilo je poklonjeno JU Dom zdravlja KS, a primopredaja je izvršena 26.1.2021. godine.
- **Lift u Domu zdravlja „Omer Maslić“**, koji je izgrađen uz **finansijsku podršku Grada Friedrichshafena i Grada Sarajeva**, pušten je u rad u martu 2021. godine.
- **Turski Grad Šanlıurfa** iskazao je spremnost da u cilju realizacije projekta postavljanja jarbola sa zastavom Grada Sarajeva i zastavom zvanične maskote XIV ZOI „Vučko“ na ulazu u grad Sarajevo, **donira Gradu Sarajevu dva jarbola visine 25 m, čija ukupna vrijednost iznosi cca 100.000,00 KM.**
- Tokom **radne posjete delegacije Grada Sarajeva Gradu Istanbulu** u julu 2021. godine, definisani su konkretni vidovi saradnje **u oblasti urbanizma i komunalne djelatnosti te je razgovarano o održavanju kulturne manifestacije „Dani Sarajeva u Istanbulu“.** Prilikom uzvratne posjete delegacije Grada Istanbula u septembru 2021. godine, u **fokusu razgovora bila je podrška Grada Istanbula infrastrukturnim projektima i zaštiti kulturno-historijskog naslijeđa grada Sarajeva.**
- Prilikom posjete delegacije Grada Sarajeva Gradu Izmiru u septembru 2021. godine, inicirano je uspostavljanje **pobratimskih odnosa između Grada Sarajeva i Grada Izmira što je u skladu sa parlamentarnom procedurom rezultiralo obostranim donošenjem odluka o bratimljenju.**
- **U Sarajevu je održana ceremonija obilježavanja uspješnog okončanja projekta „Sarajevo bez mina 2020“.** Memorandum o razumijevanju između Grada Sarajeva i američke organizacije Marshall Legacy Institute kojim će se omogućiti potpuno deminiranje

Sarajeva i susjednih općina oba entiteta do kraja 2020. godine, potpisan je u Washingtonu u oktobru 2018. godine. Projekat je uspješno je okončan uz nekoliko mjeseci kašnjenja zbog pandemije, a završetak je **ozvaničen svečanom ceremonijom koja je održana u Sarajevu 01.09.2021. godine.**

- Gradovi **Barcelona i Sarajevo** su dobili podršku Nacionalnih olimpijskih komiteta zemalja Srednje i Jugoistočne Evrope, među kojima su Slovenija, Albanija, Makedonija, Kosovo, Poljska, za apliciranje za **Zimske olimpijske igre 2030. godine.** S obzirom da bi kandidat bio poznat već krajem 2022. godine, **pred BiH i Sarajevom je godina dana lobiranja za podršku zajedničkoj kandidaturi sa Barcelonom i Španijom.**
- Grad Sarajevo u suorganizaciji sa Gradom Pekingom je organizovao **5. Forum gradonačelnika glavnih gradova Srednje i Istočne Evrope i NR Kine,** na temu „Održivi razvoj gradova: ka otpornoj saradnji u borbi protiv pandemije“ te je bio u fokusu pažnje velikog broja predstavnika gradova i institucija iz oblasti privrede, turizma, obrazovanja i zdravstva.
- **Grad Novi Pazar je donirao novčana sredstva kao pomoć za otklanjanje posljedica nastalih uslijed elementarnih nepogoda – poplava.**
- **Delegacija Grada Züricha** posjetila Grad Sarajevo sa namjerom nastavka saradnje u okviru projekta **Urbane Transformacije „Reactivate Sarajevo“ (UTPS)** te je **postignut dogovor o saradnji na konkretnim projektima u oblasti urbanog razvoja.**
- Slijedom **Memoranduma o razumijevanju između Grada Sarajeva i Grada Mannheima,** potpisanog u oktobru 2020. godine, nastavljene su aktivnosti prijenosom znanja putem virtualnih konsultacija o konkretnim projektima u oblastima lociranim u Agendi 2030, koje se tiču održivog i zelenog urbanog razvoja. **U toku je razmjena znanja i iskustava u vezi sa uspostavljanjem sistema sprječavanja i smanjenja nastajanja otpada od hrane.**
- Grad Sarajevo je učestvovao na **prvom sastanku Mreže balkanskih gradova (B40 Balkan Cities Network Summit)** na temu „Bolja saradnja, bolja budućnost“. Jedna od dogovorenih aktivnosti i obaveza gradova učesnika je **formiranje radnih grupa** sastavljenih od osoba stručnih za sljedeće oblasti: **Lokalna klimatska akcija, Lokalna demokratija i migracije, Pametni gradovi i digitalna transformacija i Lokalna ekonomska saradnja,** koje će aktivno raditi od januara 2022. godine, održavajući jednom u tri mjeseca online sastanke.
- Prilikom susreta delegacije Grada Sarajeva sa predsjednikom Skupštine Grada Zagreba, **razgovarano je o mogućnostima saradnje Gradskog vijeća Grada Sarajeva i Skupštine Grada Zagreba,** te je predloženo da se upriliči posjeta predstavnika Skupštine Grada Zagreba Gradskom vijeću Grada Sarajeva u 2022. godini. Tom prilikom bi Skupština Grada Zagreba pripremila prezentaciju na teme prema izraženim željama Gradskog vijeća Sarajeva.
- Gradonačelnica Benjamina Karić je inicirala projekat koji za cilj ima poboljšanje komunalnih usluga na području sve četiri gradske općine te je s tim u vezi potpisan **Sporazum između Njemačke razvojne agencije GIZ i KJKP „RAD“** 21.12.2021. godine, kojim je **ozvaničen dogovor nabavke 150 kanti za sitni ulični otpad u Sarajevu ukupne vrijednosti 53.925,30 KM.**

- U okviru projekta Festival RUTA Grupa Triglav, koji je inicirao Grad Podgorica, u novembru su u Sarajevu gostovali teatri iz Ljubljane, Zagreba, Podgorice, Skoplja i Beograda sa svojim vrhunskim predstavama.

Ostale aktivnosti iz oblasti međunarodne saradnje realizovanih tokom 2021. godine:

- **Gradonačelnici Sarajeva i Praga** razgovarali o uspostavljanju saradnje i povezivanju dva grada u različitim oblastima kao što su ekonomija, kultura, promocija i razvoj turizma.
- Gradu Sofiji je upućen dopis sa ciljem unaprjeđenja saradnje naša dva grada na konkretnim projektima u okviru programa **Kreativna Evropa** i drugim oblastima, te sa prijedlogom da se **zajednički razmotri način obilježavanja 30. godišnjice od priznavanja nezavisnosti BiH od strane Bugarske.**
- **Grad Sarajevo je u saradnji sa Historijskim muzejom BiH, građanima Podgorice poklonio postavku izložbe „Između fašizma i antifašizma: u 11 činova“,** koja je bila izložena u Podgorici od 13.07. do 13.08.2021. godine.
- **Kulturna manifestacija „Dani Sarajeva u Bursi“** održana je od 01. do 04.09.2021. godine.
- Započete aktivnosti u okviru pripreme za obilježavanje **45. godišnjice bratimljenja između Sarajeva i Magdeburga,** koje će se održati u septembru 2022. godine.
- Grad Sarajevo je pružio **podršku kandidaturi Grada Barcelone** za produženje mandata u **Izvršnom odboru asocijacije Eurocities.**
- **Osječko - baranjska županija i Grad Osijek** izrazili su želju za uspostavljanjem saradnje sa Gradom Sarajevom.
- U razgovoru sa **stručnim službama Grada Ljubljane** ponuđena je razmjena znanja i iskustava u procesu izgradnje ljubljanskog olimpijskog bazena, razmjena iskustava sa školama za djecu sa poteškoćama u razvoju, dogovoreno je partnerstvo na apliciranju na međunarodne fondove.
- Fokus gradske administracije bio je na jačanju **privrednih veza sa pobratimskim, partnerskim i drugim gradovima,** te uspostavljanju veza sa dijasporom sa ciljem njenog uključanja u lokalni razvoj.
- Uz podršku Grada Sarajeva i Druge gimnazije Sarajevo, učenici **Druge gimnazije Sarajevo i Prve bošnjačke gimnazije,** učestvovali su u **6. Međunarodnoj olimpijadi metropola,** koja je održana u organizaciji Vlade Grada Moskve, te osvojili treće mjesto i šest medalja.

Gradovi koji su u izvještajnom periodu iskazali želju za uspostavljanjem saradnje sa Gradom Sarajevom ili je saradnja inicirana od strane Grada Sarajeva su: Chambery, Brisel, Pariz, San Marino, Bologna, Bratislava, turska Općina Kumluca.

Grad Sarajevo su posjetile delegacije: Konye, Vlade Katalonije, Novog Pazara, Dubrovnika, Splita, Mostara, Burse, Barcelone, Istanbula, Ljubljane, Izmira i izmirske Općine Karşıyaka, Osječko-baranjske županije i Grada Osijeka, Ciriha, Magdeburga, Privredne komore IR Iran, i to kako slijedi:

- Delegacija Grada Konye, 05.04.2021.
- Predstavnik Vlade Katalonije Eric Hauck, 28.04.2021.
- Delegacije Novog Pazara, Dubrovnika, Splita i Mostara povodom svečanog otvaranja 27. Sarajevo Film Festivala, 13.08.2021.
- Delegacija Grada Burse, 18.08.2021.
- Predstavnici Grada Barcelone i Kraljevskog teniskog kluba „Barcelona 1899“, 20.08.2021.
- Delegacija Udruženja „Rallye Aéro France“, 31.08.2021.
- Uzvratna posjeta delegacije Grada Istanbula, 13.-15.09.2021.
- Delegacija Grada Ljubljane, 08.10.2021.
- Delegacija Privredne komore IR Iran, 12.10.2021.
- Delegacija Osječko - baranjske županije i Grada Osijeka, 28.10.2021.
- Delegacija Udruženja „Herbstsalon“ iz Magdeburga, 15.11.2021.
- Delegacija Grada Izmira i izmirske Općine Karşıyaka, 26.11.2021.
- Delegacija Grada Ciriha u vezi projekta Urbane Transformacije „Reactivate Sarajevo“ (UTPS), 2.12.2021.

Predstavnici Grada Sarajeva ostvarili su susrete sa gradonačelnicima Istanbula, Konye, Ljubljane, Novog Pazara, Pariza, Praga, Splita.

Grad Sarajevo je realizovao sljedeće službene posjete:

- Prisustvo obilježavanju dana sjećanja na žrtve logora Jasenovac, 22.04.2021.
- Službena posjeta Gradu Podgorici, 20.-22.05.2021.
- Službena posjeta Gradu Pragu, 14.-16.06.2021.
- Prisustvo svečanom otvaranju 69. Ljubljana Festivala, 01.07.2021.
- Radna posjeta Gradu Istanbulu, 07.-09.07.2021.
- Radna posjeta Gradu Bursi, 8.-12.07.2021.
- Prisustvo svečanom otvaranju 72. Dubrovačkih ljetnih igara, 10.07.2021.
- Prisustvo otvaranju izložbe „Između fašizma i antifašizma: u 11 činova“, povodom proslave 13. jula, Dana ustanka naroda Crne Gore protiv fašizma 1941., Podgorica, 13.07.2021.
- Službena posjeta Gradu Novom Pazaru, 19.07.2021.
- Službena posjeta Gradu Izmiru, 24.-27.09.2021.
- Službena posjeta Gradu Splitu, 25. do 26.09.2021.
- Prisustvo obilježavanju 10. godišnjice Festivala „Ja BiH u Zagrebu“, 12.10.2021.
- Prisustvo obilježavanju 832. rođendana Bosne/Povelje Kulina bana u Beču, 15.10.2021.
- Prisustvo obilježavanju Dana sjećanja na žrtvu Vukovara 1991.-2021., 18.11.2021.
- Radna posjeta Gradu Zagrebu, 30.12.2021.

Grad Sarajevo je učestvovao u međunarodnim skupovima od kojih izdvajamo sljedeće:

- Međunarodni okrugli stol pobratimskih gradova i Forum o urbanom upravljanju, Tianjin (NR Kina), 19.05.2021. /online/
- Seminar „Češka rješenja za pametne gradove“, Sarajevo, 08.06.2021.
- Obilježavanje 30. godišnjice NOK-a Slovenije, Ljubljana, 06.10.2021.
- Četvrti Pariški mirovni forum, Pariz, 09.-13.11.2021.
- Konferencija/Radionica iz sektora restauracije, konzervacije i obnove potresom oštećenih građevina, Sarajevo, 11.11.2021.
- Balkanski integracioni forum 2021, Podgorica, 26.11.2021. /online/

- 5. Forum gradonačelnika glavnih gradova Srednje i Istočne Evrope i NR Kine, 17.-19.11.2021. u organizaciji Grada Sarajeva /online/
- B40 Balkan Cities Network Summit, Istanbul, 29.-30.11.2021.

Učešće u okviru međunarodnih asocijacija čiji je Grad Sarajevo član:

- Prvi online sastanak Upravnog odbora Evropskog ogranka „Gradonačelnici za mir“, 10.06.2021.
- Online sastanak Izvršnog odbora Svjetske unije olimpijskih gradova (UMVO), 22.06.2021.
- Online sesija Smart Cities & Sport, na temu „Sportski turizam u (r)evoluciji: oblikovanje budućnosti“, 24.06.2021.
- Online 17. Svjetska konferencija Lige historijskih gradova, 24.06.2021.
- Online sastanak Izvršnog odbora Međunarodne asocijacije „Gradovi glasnici mira“ u organizaciji Grada Volgograda, 20.08.2021.
- Smart Cities & Sport Summit, Kopenhagen (Danska), 18.-24.11. i Godišnji sastanak Svjetske unije olimpijskih gradova (UMVO), Lillehammer (Norveška), 24.-27.11.2021.

Saradnja s diplomatsko-konzularnim predstavništvima i misijama:

Grad Sarajevo su posjetili ili je ostvaren kontakt sa predstavnicima diplomatsko-konzularnih predstavništava sa sjedištem u i izvan BiH, među kojima su ambasade: NR Kine, Republike Turske, Države Libije, Republike Austrije, SR Njemačke, Republike Francuske, SAD, Japana, Češke Republike, Kraljevine Nizozemske, AR Egipat, IR Iran, NR Kine, Republike Italije, Rumunije, Kraljevine Švedske, Države Kuwait, Ruske Federacije, Švicarske Konfederacije, Republike Bugarske, Republike Slovenije, Rumunije, Republike Slovačke, Misije IOM-a, Republike Irske, Republike Mali, Republike San Marino, Republike Kazahstan, te međunarodne organizacije i specijalne misije u BiH: Delegacija EU u BiH, OSCE, UNDP, Ujedinjene nacije u BiH, Ured Specijalnog predstavnika EU (EUSR).

Od susreta sa predstavnicima država izdvajamo susrete sa sljedećim diplomatama:

Delegacijom Kongresa SAD; Isabelle Dumont, savjetnicom Predsjednika Republike Francuske; Martinom Klusom, državnim sekretarom Ministarstva vanjskih i evropskih poslova Republike Slovačke; Michaelom Linhartom, ministrom vanjskih poslova Republike Austrije; Hannesom Swobodom, predsjednikom Međunarodnog instituta za mir i bivšim članom Evropskog parlamenta; Josipom Juratovićem, članom Parlamenta SR Njemačke.

Dokumenti koji su potpisani tokom 2021. godine:

- Memorandum o razumijevanju između Razvojnog programa Ujedinjenih nacija (UNDP) i Grada Sarajeva, potpisan u julu 2021. godine.
- Grad Sarajevo i Kanton Sarajevo potpisali Sporazum o izgradnji Muzeja savremene umjetnosti Ars Aevi, prema projektu Renza Piana.
- Memorandum o razumijevanju između Grada Sarajeva i Grada Züricha u okviru projekta Urbane transformacije Sarajeva.
- Deklaracija „B40 Balkan Cities Network Summit“.
- Posredstvom Grada Sarajeva potpisan je Sporazum između Njemačke razvojne agencije GIZ i KJKP „RAD“ d.o.o., Sarajevo, 21.12.2021.

II. MEĐUNARODNA SARADNJA NA NIVOU GRADOVA

Primopredaja sanitetskog vozila doniranog od strane Grada Innsbrucka, 26.01.2021.

Na inicijativu gradonačelnika Sarajeva Abdulaha Skake, Grad Innsbruck je donirao sanitetsko vozilo Gradu Sarajevu u svrhu bobe protiv pandemije Covid-19. Vozilo je donirano Ugovorom o donaciji, zaključenim 19.11.2020. između Grada Innsbrucka i Grada Sarajeva.

Odlukom Gradskog vijeća Grada Sarajeva, usvojenom na 45. sjednici održanoj 30.12.2020. godine, Grad Sarajevo je sanitetsko vozilo poklonio JU Dom zdravlja Kantona Sarajevo, a primopredaja je izvršena 26.01.2021. ispred Doma zdravlja Vrazova.

Primopredaji su pored gradonačelnika Sarajeva Abdulaha Skake prisustvovali ambasadorica Republike Austrije u BiH Ulrike Hartmann i direktor JU Dom zdravlja Kantona Sarajevo dr. Muhamed Ahmić.

Ljubljana dobila Sarajevsku ulicu, 18.01.2021.

Na inicijativu Bošnjačke kulturne zajednice Slovenije i Udruge Ljiljan sa sjedištem u Ljubljani, gradski vijećnici Grada Ljubljane su na 19. sjednici Gradskog vijeća, održanoj 18.01.2021. godine, usvojili odluku da jedna ulica u glavnom gradu Republike Slovenije dobije naziv Sarajevska ulica.

Pušten u rad lift u OJ Novo Sarajevo uz podršku Grada Friedrichshafena, mart 2021.

Lift namijenjen pacijentima i osobama sa poteškoćama u kretanju, invalidnim licima, te majkama s djecom, u OJ Novo Sarajevo (Dom zdravlja „Omer Maslić“), pušten je u rad u martu 2021. Radi se o zajedničkom projektu Grada Sarajeva, Općine Novo Sarajevo i Grada Friedrichshafena, sa ciljem rješavanja dugogodišnjeg problema pristupa osobama sa poteškoćama u razvoju i osobama u invalidskim kolicima na više spratove centralnog Doma zdravlja za građane Općine Novo Sarajevo.

Općina Novo Sarajevo je izradila glavni idejni i izvedbeni projekat za nabavku i ugradnju lifta, dok je Grad Sarajevo u partnerstvu sa pobratimskim Gradom Friedrichshafenom finansijski podržao nabavku i ugradnju lifta.

U skladu sa Sporazumom o zajedničkom finansiranju izgradnje lifta u OJ Novo Sarajevo, između Grada Sarajeva, Grada Friedrichshafena i JU Dom Zdravlja KS, potpisanim u novembru 2019., Grad Friedrichshafen je po okončanju radova učestvovao sa 40.000,00 eura, koje je uplatio 29.04.2021., dok je Grad Sarajevo 24.05.2021. godine izvršio uplatu preostalog dijela, u iznosu od 12.076,40 KM.

Nakon finansiranja ugradnje lifta, Grad Friedrichshafen je ostatak novca u iznosu od 500,00 eura, koji se nalazio na bankovnom računu namijenjenom za donacije građana Friedrichshafena izričito za Dom zdravlja „Omer Maslić“, uplatio krajem jula 2021. godine na žiro račun JU Dom zdravlja KS, putem kojeg se vrše sva plaćanja za sve OJ u okviru JU Dom zdravlja KS.

Prijem delegacije Grada Konye, Sarajevo, 05.04.2021.

Gradonačelnik Sarajeva Abdulah Skaka primio je delegaciju turskog Grada Konye, predvođenu gradonačelnikom Uğurum Ibrahimom Altayom, u Vijećnici 5.4.2021. Gradonačelnik Konye istakao je značajan napredak i razvoj bh. prijestolnice, što je bio i razlog da 2017. gradske vlasti Konye, tadašnjeg gradonačelnika Abdulaha Skaku, proglase Počasnim građaninom. Gradonačelnik Skaka je zahvalio Gradu Konyi na dosadašnjoj podršci Sarajevu, naročito u oblasti komunalne infrastrukture,

transporta i kulture, te istakao da naša dva grada imaju ogroman potencijal za intenzivniju saradnju na obostranu korist.

Razmijenjene su informacije o situaciji sa pandemijom koronavirusa, o njenom uticaju na zdravlje stanovnika, zdravstveni sistem i ekonomiju. Gradonačelnik Skaka je istakao da je u ovim izazovnim vremenima pandemije veoma važno jačati međunarodnu saradnju koja je ključni faktor razvoja gradova. Izrazio je uvjerenje da će se na taj način i naša dva grada lakše i brže oduprijeti krizi kojoj svjedočimo te inicirati i realizovati zajedničke projekte u cilju daljnjeg unaprjeđenja kvaliteta života građana Sarajeva i Konye.

Delegacija Konye boravila je u Sarajevu povodom otvaranja izložbe radova u kompleksu škole „Maarif“ u naselju Mojnilo, nastalih na edukativno-umjetničkim radionicama koje su realizovane uz podršku Grada Konye, Turske fondacije „Maarif“ i Turske agencije za međunarodnu saradnju i koordinaciju (TIKA). Tokom višednevne posjete, delegacija je posjetila Općinu Novi Grad Sarajevo, Općinu Stari Grad Sarajevo, Goražde, Foču i Travnik.

Čestitke bratskih i prijateljskih gradova povodom Dana grada Sarajeva, 06.04.2021.

Grad Sarajevo je povodom 6. aprila – Dana grada Sarajeva, primio čestitke brojnih bratskih i prijateljskih gradova. Čestitke za Dan grada građanima bh. prijestolnice uputili su gradonačelnici i predstavnici gradova Zagreba, Skoplja, Ljubljane, Podgorice, Vukovara, Tirane i Magdeburga.

S obzirom da Dan grada Sarajeva 2021. godine, zbog pandemije nije bilo moguće obilježiti u prisustvu gostiju iz bratskih i prijateljskih gradova, tadašnji gradonačelnik Skaka je putem video linka okupio kolege gradonačelnike iz regije na online sastanku, i to zamjenicu gradonačelnika Zagreba koja je obnašala dužnost gradonačelnika Jelenu Pavičić Vukičević, gradonačelnika Ljubljane Zorana Jankovića i gradonačelnika Skoplja Petre Shilegova, koji su uputili čestitke građanima glavnog grada BiH.

Online sastanak sa gradonačelnikom Podgorice Ivanom Vukovićem, Sarajevo, 15.04.2021.

Gradonačelnica Sarajeva Benjamina Karić održala je 15.04.2021. godine online sastanak sa gradonačelnikom Podgorice Ivanom Vukovićem, koji joj je čestitao i poželio uspješan mandat. Tokom razgovora gradonačelnici su istakli da su Sarajevo i Podgorica, poput drugih glavnih gradova regiona, upućeni jedni na druge.

Gradonačelnica Karić je kazala da je bilateralna saradnja između BiH i Crne Gore, te Podgorice i Sarajeva izuzetno sadržajna i dobra, ali da se može proširiti i na ostale gradove dvije zemlje. Dodala je da je međusobna saradnja veoma važna, te da je potrebno da učimo i podržavamo jedni druge, razmjenjujemo i primjenjujemo dobre prakse iniciranjem zajedničkih projekata u korist naših građana, posebno u oblasti infrastrukture i kulture.

Razgovarano je o kulturi, o Festivalu Regionalne unije teataru „Ruta Grupa Triglav“ koji podrazumijeva razmjenu gostovanja teatra iz Sarajeva, Ljubljane, Zagreba, Podgorice, Skoplja i Beograda. Sagovornici su se složili da je projekat odličan, te da će se svakako nastaviti sa realizacijom čim epidemiološke prilike to dozvole.

Vuković je uputio zvaničan poziv gradonačelnici Karić da posjeti Podgoricu 21. maja, na 15. godišnjicu obilježavanja Dana nezavisnosti Crne Gore i 13. jula na obilježavanje Dana ustanka naroda Crne Gore protiv fašizma 1941. godine, odnosno Dana državnosti Crne Gore, a gradonačelnica je prihvatila poziv.

Sastanak sa predstavnikom Vlade Katalonije Ericom Hauckom, Sarajevo, 28.04.2021.

Gradonačelnica Sarajeva Benjamina Karić održala je radni sastanak sa otpravnikom poslova Kraljevine Španije u BiH Jordi Llorensom i predstavnikom Vlade Katalonije Ericom Hauckom, u Vijećnici 28.4.2021. godine.

Eric Hauck je istakao da je Grad Barcelona, kao jedan od kandidata za domaćinstvo ZOI 2030, u svojoj kandidaturi iskazao interes da određena borilišta u Sarajevu budu u sklopu Olimpijskih igara. S tim u vezi, sagovornici su razmatrali ideju zajedničkog apliciranja za domaćina ZOI, te potpisivanja pisma namjere kao prvog koraka prema tom cilju.

Katalonska vlada bi u okviru priprema za domaćinstvo radila na obnavljanju infrastrukturnih kapaciteta neophodnih za održavanje ZOI, a poseban fokus stavljen je na bob stazu na Trebeviću. Gradonačelnica Karić je prihvatila ideju da Olimpijske igre ponovo budu održane u Sarajevu, te istakla da će Grad Sarajevo raditi na ovom projektu zajedno sa Olimpijskim komitetom BiH i svim drugim nivoima vlasti u BiH, jer je ovo jedinstvena prilika za povratak olimpijade u Sarajevo.

Grad Barcelona namjerava da 2022. godine, kada se obilježava 30. godišnjica pobratimskih odnosa između naša dva grada, zajedno sa Sarajevom aplicira za ZOI 2030. godine.

Tokom sastanka razgovarano je i o dotadašnjim, zajednički realizovanim aktivnostima, među kojima je i mural na Trgu Barcelone, kojeg su mladi umjetnici iz Sarajeva posvetili Barceloni povodom terorističkog napada koji se desio 17.8.2017. godine. Na muralu na kojem je istaknut gušter - zmaj Draco, jedan od simbola Barcelone, napisano je „Barcelona, Sarajevo esta contigo“ (Barcelona, Sarajevo je uz tebe).

Ambasada Kraljevine Španije stavlja se na raspolaganje za bilo koju vrstu pomoći i koordinacije za realizaciju zajedničkog apliciranja.

Saradnja sa općinom Aerodrom (Republika Sjeverna Makedonija), 19.05.2021.

Načelnik skopske općine Aerodrom Zlatko Marin, dopisom od 22.04.2021., predložio je Gradu Sarajevu uspostavljanje saradnje u različitim oblastima djelovanja na obostranu korist i zadovoljstvo naših građana. U svom afirmativnom odgovoru Općini Aerodrom, gradonačelnica Sarajeva Benjamina Karić se osvrnula na dugogodišnju prijateljsku saradnju sa Gradom Skopljem, koja je u novembru 2017. krunisana potpisivanjem sporazuma o bratimljenju. Preporučila je podizanje pobratimskih odnosa na veći nivo, uspostavljanjem saradnje te makedonske općine sa jednom od četiri sarajevske gradske općine: Stari Grad, Centar, Novi Grad i Novo Sarajevo.

Službena posjeta delegacije Grada Sarajeva Gradu Podgorici (Crna Gora), 20.-22.05.2021.

Na poziv gradonačelnika Podgorice Ivana Vukovića, delegacija Grada Sarajeva predvođena gradonačelnicom Benjaminom Karić, boravila je u tom gradu od 20. do 22.05.2021., povodom obilježavanja Dan nezavisnosti Crne Gore.

Ovo je, nakon imenovanja, bila prva službena posjeta gradonačelnice Karić, predsjedavajućeg Gradskog vijeća Grada Sarajeva Jasmina Ademovića i njegovih zamjenika Mirele Džehverović i Dragana Stevanovića, izvan BiH.

Gradonačelnici Karić i Vuković su razgovarali i o konkretnim projektima saradnje, prije svega na unaprjeđenju infrastrukturne povezanosti, primjeni inovativnih rješenja u oblasti green city i smart inicijative, razmjeni iskustava u korištenju evropskih fondova. Osaživanje partnerskih veza dva grada vide i u oblasti turizma i kulture.

Gradonačelnica je najavila da će Grad Sarajevo u saradnji sa Historijskim muzejom građanima Podgorice pokloniti postavku izložbe „Između fašizma i antifašizma: u 11 činova“, kao doprinos obilježavanju 13. jula – Dana ustanka naroda Crne Gore protiv fašizma 1941. godine.

Gradonačelnik Podgorice je pozdravio institucionalno učešće mladih u životu na lokalnom i regionalnom nivou, uvjeren da će saradnja dvaju gradova u svim administrativnim, privrednim, a posebno infrastrukturnim i kulturnim oblastima, u narednom periodu biti dodatno intenzivirana. Istakao je želju da gradovi budu pokretači sistema koji podrazumijeva unaprjeđenje standarda upravljanja, ali i nivoa transparentnosti i odgovornosti u radu lokalnih administracija.

Saradnja sa Gradom Wiener Neustadt (Republika Austrija), 01.06.2021.

Zamjenik gradonačelnika Wiener Neustadta Rainer Spenger, obratio se gradonačelnici Sarajeva Benjamini Karić sa prijedlogom za uspostavljanje partnerstva sa Gradom Sarajevom. Gradonačelnica Karić je sa zadovoljstvom prihvatila ideju, te se u svom odgovoru osvrnula na dugogodišnje tradicionalno prijateljstvo i saradnju između Grada Sarajeva i Grada Beča. Predložila je da Wiener Neustadt uspostavi kontakt sa nekom od sarajevskih gradskih općina sa kojima bi razmotrili potencijalne vidove saradnje, čime bi također doprinijeli jačanju prijateljstva između BiH i Republike Austrije.

Wiener Neustadt je austrijski grad sa oko 40.000 stanovnika, smješten oko 50 kilometara južno od Beča, u saveznoj pokrajini Donja Austrija.

Službena posjeta delegacije Grada Sarajeva Gradu Pragu (Češka Republika), 14.-16.06.2021.

Gradonačelnica Sarajeva Benjamina Karić sa zamjenikom Harisom Bašićem i gradskom vijećnicom Amrom Zulfikarpašić, boravila je 15.06.2021. u službenoj posjeti Pragu, gdje su im domaćini bili gradonačelnik češke prijestolnice dr. Zdeněk Hřib i ambasadorica BiH u Češkoj Republici Martina Mlinarević.

Tokom sastanka, gradonačelnici su izrazili spremnost da se angažiraju na intenziviranju saradnje dva glavna grada, koja počiva na tradicionalno historijskim i prijateljskim vezama. Razgovarali su o uvezivanju Sarajeva i Praga u različitim oblastima u interesu građana, kao što su ekonomija, promocija i razvoj turizma te kulturna razmjena. Složili su se da postoji prostor za zajedničko organiziranje velikih manifestacija u sklopu kojih bi bili predstavljeni kulturni, turistički i privredni potencijali bh. i češke prijestolnice.

Gradonačelnica Karić je istakla da je Grad Sarajevo učestvovao u velikom broju EU projekata kao sufinansijer te da bi za Grad bila jako značajna razmjena iskustava i rad na zajedničkim projektima s partnerima iz Češke Republike, iz oblasti urbanog planiranja, zaštite kulturnog naslijeđa i infrastrukture.

Prijemu je prisustvovao i predsjedavajući Povjerenstva Turističke zajednice KS Kenan Magoda koji je kazao da je potrebno pratiti trendove razvoja turizma i dobre primjere drugih evropskih gradova, u ovom slučaju veoma posjećenog grada Praga.

Čelnike Grada primila je i zamjenica ministra za EU i međunarodnu trgovinu Martina Tauberova, koja je istakla da je Češka Republika prijatelj BiH i da je oduvijek bila među zemljama koje zagovaraju njen put u Evropsku uniju.

Gradonačelnica Karić je potom zajedno sa svojim domaćinom, kolegom Hřibom, otvorila izložbu o najimpozantnijim djelima vrsnog češkog graditelja i projektanta Karla Paržika. Izložbu je

pripremila Katedra za arhitekturu u Pragu u saradnji sa Ambasadom BiH u Češkoj i udruženjem Lastavica.

Paržik je najveći dio svog rada i karijere ostavio u Sarajevu, projektujući neke od najznačajnijih građevina, uključujući Zemaljski muzej, Akademiju likovnih umjetnosti, Narodno pozorište, sinagogu, crkvu sv. Josipa, prvi projekat Vijećnice, zgradu Predsjedništva, zgradu Pravnog fakulteta, palaču Marijin dvor i mnoge druge.

Svečano otvaranje 69. Ljubljana Festivala, Ljubljana (Republika Slovenija), 01.07.2021.

Na poziv Festivala Ljubljana, zamjenica gradonačelnice Anja Margetić i gradske vijećnice Enisa Spahić i Lajla Ćosović, prisustvovala su svečanom otvaranju 69. Ljubljana Festivala, održanom na ljubljanskom Kongresnom trgu 01.07.2021. godine.

Glavna aktivnost Festivala Ljubljana je organizacija međunarodnog ljetnog festivala kojim se glavni grad Slovenije pozicionirao na mapu svjetski važnih kulturnih i umjetničkih mjesta tokom ljetnih mjeseci. Svakog ljeta Ljubljanski festival daje važan doprinos kulturnom životu Ljubljane pažljivo odabranim programom koji pokriva širok spektar žanrova, uključujući balet, operu i pozorišne produkcije, mjuzikle, kamerne i simfonijske koncerte, dječje i omladinske radionice i sl.

Tokom boravka u slovenačkoj prijestolnici, delegacija Grada Sarajeva sastala se sa zamjenicima gradonačelnika Ljubljane, Dejanom Crnekom i Tjašom Ficko, sa kojima su razgovarali o saradnji naša dva grada ozvaničenoj Protokolom o saradnji 2002. godine, a koja se odvija u oblasti privrede, kulture, turizma, sporta, infrastrukturnih projekta, univerzitetske i saradnje mladih kroz članstvo u međunarodnim asocijacijama gradova. Sagovornici su istakli spremnost za intenziviranje partnerstva u mandatu aktuelne administracije Grada Sarajeva, naročito u oblasti komunalne djelatnosti.

Na svečanom otvorenju 69. Ljubljana Festivala delegacija se susrela sa gradonačelnikom Ljubljane Zoranom Jankovićem.

Radna posjeta Gradu Istanbulu (Republika Turska), 07.-09.07.2021.

Delegacija Grada Sarajeva predvođena gradonačelnicom Benjaminom Karić, posjetila je pobratimski Grad Istanbul u periodu od 07. do 09.07.2021. Tokom ove posjete održani su radni sastanci sa ciljem definiranja konkretne saradnje u oblasti urbanizma i komunalne djelatnosti, kao i na temu održavanja kulturne manifestacije „Dani Sarajeva u Istanbulu“.

Razmjena iskustava u oblasti kulture i mogućnosti organizacije manifestacije „Dani Sarajeva u Istanbulu“, zaštita kulturno-historijskog naslijeđa, hortikulturno uređenje grada, ali i infrastrukturni projekti kao što je kompleks Bijele tabije, bile su samo neke od tema bilateralnog susreta sa gradonačelnikom Ekremom İmamoğlu.

Pored gradonačelnice, delegaciju Grada Sarajeva činili su pomoćnica gradonačelnice za obrazovanje, kulturu, sport i mlade Amina Deljković, šef Odsjeka za urbano planiranje, investicijske i stambene poslove Arijana Musić, Viši stručni saradnik u Odsjeku za komunalne poslove Tarik Zečić, stručna saradnica u Odjeljenju za međunarodnu saradnju Azra Šišman i Viši referent za protokol Denis Kovačević.

Radna posjeta Gradu Bursi (Republika Turska), 08.-12.07.2021.

Povodom organizacije kulturne manifestacije „Dani Sarajeva u Bursi“, pomoćnica gradonačelnice za obrazovanje, kulturu, sport i mlade Amina Deljković i stručna saradnica u Odjeljenju za međunarodnu saradnju Azra Šišman, boravile su u pobratimskom gradu Bursi od 08. do 12.07.2021.

Nakon obilaska lokacija predloženih od strane Grada Burse, izvršena je detaljna analiza prostora kako bi se uskladila sa potrebama programa koji će se izvoditi tokom manifestacije, te su izabrane najprikladnije lokacije. Delegacija Grada Sarajeva je sa domaćinima utvrdila program, organizacione i tehničke detalje manifestacije planirane za period od 01. do 04.09.2021. godine.

72. Dubrovačke ljetne igre, Dubrovnik (Republika Hrvatska), 10.07.2021.

Na poziv gradonačelnika Dubrovnika Mate Frankovića, svečanom otvaranju 72. Dubrovačkih ljetnih igara, koje je održano 10.07.2021., prisustvovala je delegacija Grada Sarajeva koju su činili predsjedavajući Gradskog vijeća Grada Sarajeva Jasmin Ademović i gradski vijećnik i predsjednik Komisije za međunarodnu saradnju Gradskog vijeća Grada Sarajeva Alem Logo.

Gradovi Sarajevo i Dubrovnik dugi niz godina njeguju i razvijaju prijateljske odnose, a „Povelju o prijateljskoj saradnji“ potpisali su 2007. godine. Slijedom te saradnje, predstavnici Grada Sarajeva su i prethodnih godina prisustvovali otvaranjima Dubrovačkih ljetnih igara koje su svrstane među pet najistaknutijih evropskih kulturnih festivala.

Izložba „Između fašizma i antifašizma: u 11 činova“, Podgorica (Crna Gora), 13.07.2021.

Na poziv Glavnog grada Podgorice, povodom proslave 13. jula, Dana ustanka naroda Crne Gore protiv fašizma 1941. godine, delegacija Grada Sarajeva koju su činili zamjenik gradonačelnice Haris Bašić, i gradske vijećnice Amra Zulfikarpašić i Marijela Hašimbegović, boravila je u posjeti crnogorskoj prijestolnici.

Kao doprinos obilježavanju ovog važnog datuma, Grad Sarajevo je u saradnji sa Historijskim muzejom Bosne i Hercegovine, građanima Podgorice poklonio postavku izložbe „Između fašizma i antifašizma: u 11 činova“, koja je bila izložena od 13.7. do 13.8.2021.

Na sastanku kojem su prisustvovali i gradonačelnik Skoplja Petre Shilegov, te ambasadori BiH i Sjeverne Makedonije u Crnoj Gori, Branimir Jukić i Mihajlo Trpkosti, zaključeno je da zemlje regiona moraju širiti poruke jedinstva, a lokalne uprave treba da budu posvećene građanskim vrijednostima, te da daju zajednički doprinos budućem razvoju, kako gradova, tako i regiona u cjelini.

Službena posjeta Gradu Novom Pazaru (Republika Srbija), 19.07.2021.

Gradonačelnica Sarajeva Benjamina Karić boravila je u službenoj posjeti Gradu Novom Pazaru, gdje se 19.07.2021. sastala sa gradonačelnikom Nihatom Biševcem. Tokom razgovora, gradonačelnici su se osvrnuli na povezanost i prijateljstvo dva grada, koje je potvrđeno potpisivanjem „Memoranduma o razumijevanju“ 20.04.2011. godine. Istakavši kako Sarajevo i Novi Pazar imaju mnogo potencijala za unaprjeđenje postojećih veza konkretnim projektima, razgovarano je o saradnji i razvijanju privrednih, turističkih, kulturnih, obrazovnih i drugih veza u skladu sa tradicionalnim prijateljstvom,

Inače, u aprilu 2021. godine, Grad Novi Pazar je proslavio svoj 560. rođendan, te obilježio 10. godišnjicu prijateljske saradnje sa Sarajevom.

Prisustvo delegacija gradova na svečanom otvaranju 27. Sarajevo Film Festivala, 13.08.2021.

Povodom svečanog otvaranja 27. Sarajevo Film Festivala, gradonačelnica Benjamina Karić je upriličila svečani prijem u Vijećnici 13.08.2021. Prijemu su prisustvovali predstavnici diplomatskog kora u BiH, kao i delegacije partnerskih i prijateljskih gradova, i to: gradonačelnik Novog Pazara Nihat Biševac, pročelnik Upravnog odjela za promet Grada Dubrovnika Đuro Šutalo,

gradonačelnik Splita Ivica Puljak, gradski vijećnik Grada Splita Igor Skoko i gradonačelnik Mostara Mario Kordić.

U sklopu ovog događaja, gradonačelnica je upriličila sastanak sa novoizabranim gradonačelnikom Splita Ivicom Puljkom i gradskim vijećnikom Igorom Skokom. Na sastanku je izražena obostrana želja za uspostavljanjem saradnje između Sarajeva i Splita.

Prijem delegacije Grada Burse (Republika Turska), Sarajevo, 18.08.2021.

Delegacija Grada Burse koju su činili šef Odjela za kulturu i društvene djelatnosti Hüseyin Buran, koordinator za kulturne i društvene djelatnosti Semih Kum i gradska vijećnica Mihrimah Kocabiyik, boravila je u službenoj posjeti Gradu Sarajevu u periodu od 18. do 21.08.2021.

Gradonačelnica Benjamina Karić primila je delegaciju Burse u Vijećnici 18.08.2021. Tom prilikom razgovarano je o unapređenju tradicionalno dobre saradnje dva grada koja traje preko 40 godina, te organizaciji kulturne manifestacije „Dani Sarajeva u Bursi“ od 01. do 04.09.2021., o čemu je bilo riječi i tokom posjete delegacije Grada Sarajeva ovom pobratimskom gradu u julu 2021. godine.

Gradonačelnica Karić je istakla da je cilj pretvaranje postojećih bratskih veza u konkretne međunarodne projekte kojim će se oplemeniti višedecenijska saradnja, te da će administracija Grada Sarajeva nastaviti sa jačanjem veza sa pobratimskim gradovima u Turskoj, među kojima je i Bursa.

Hüseyin Buran je poručio da jačanje veza naša dva grada znači i jačanje ekonomskih veza sa čitavom Turskom, obzirom da je Bursa, poslije Istanbula, grad sa najrazvijenijim privatnim sektorom i najjačom ekonomijom.

Grad Sarajevo je posredovao u kontaktu sa predstavnicima SFF-a s kojim je delegacija Burse imala susret tokom boravka u Sarajevu, obzirom da ovaj grad želi pokrenuti svoj filmski festival.

Prijem delegacije iz Barcelone (Kraljevina Španija), Sarajevo, 20.08.2021.

Gradonačelnica Sarajeva Benjamina Karić i predsjedavajući Gradskog vijeća Jasmin Ademović ugostili su u Vijećnici 20.08.2021. Josepa Jordi Cambra Sancheza, predsjednika Kraljevskog teniskog kluba „RTC Barcelona 1899“ i Santiago Tintorea, predstavnika gradonačelnice Barcelone i sina Juana Marie Tintorea (počasnog predsjednika „RTC Barcelona 1899“ i počasnog građanina Grada Sarajeva).

Gosti iz Barcelone boravili su u Sarajevu povodom ceremonije zatvaranja 25. teniskog turnira „Open RTC Barcelona 1899 – Sarajevo 2021“ na kojoj su pobjednicima uručili pehare kao poklon Barcelone.

Gradonačelnica Karić je izrazila zadovoljstvo održavanjem ovog renomiranog evropskog turnira koji je rezultat dugogodišnje saradnje između Kraljevskog teniskog kluba „Barcelona 1899“ i TK „Tenis Pro 1996“ Sarajevo, kao i tradicionalnog prijateljstva između dva olimpijska i pobratimska grada, Sarajeva i Barcelone.

Prijemu su prisustvovali otpravnik poslova u Ambasadi Kraljevine Španije Jordi Llorens, direktorica turnira „Open RTC Barcelona 1899 – Sarajevo 2021“ Zehra Obarčanin i predsjednik TK „Tenis Pro 1996“ Haris Kafedžić.

Obilježavanje uspješnog okončanja projekta „Sarajevo bez mina 2020“, Sarajevo, 01.09.2021.

Memorandum o razumijevanju između Grada Sarajeva i američke organizacije Marshall Legacy Institute (MLI) kojim se omogućava potpuno deminiranje Sarajeva i susjednih općina oba entiteta

do kraja 2020., potpisan je u Washingtonu u oktobru 2018. Početak projekta ozvaničen je u aprilu 2019. na ceremoniji održanoj u Vijećnici, u prisustvu američkog ambasadora i načelnika općina u kojima je projekat trebao biti implementiran.

Projekat je uspješno okončan, uz nekoliko mjeseci kašnjenja zbog pandemije, a završetak projekta je ozvaničen svečanom ceremonijom koja je održana u Sarajevu 01.09.2021., uz prisustvo predstavnika Vlade SAD, Ambasade SAD u BiH, američke organizacije MLI, ITF Enhancing Human Security, Centra za obuku pasa za otkrivanje mina u BiH, Grada Sarajeva, načelnika općina koje su deminirane u ovom projektu i žrtava mina iz FBiH i RS.

U skladu sa programom, delegacija je posjetila Trebević i lokacije koje su deminirane, a događaju su prisustvovali zamjenica gradonačelnice Anja Margetić i direktor JP Sarajevo d.o.o. Ensar Eminović. Potom je u Vijećnici uslijedio prijem koji je gradonačelnica Karić sa zamjenikom Bašićem upriličila za delegaciju Vlade SAD, Ambasade SAD u BiH, MLI-ja, ITF-a, Centra za obuku pasa za otkrivanje mina u BiH, koju su predvodili Prvi zamjenik pomoćnika državnog sekretara SAD Stanley Brown i predsjednik i izvršni direktor MLI Perry Baltimore.

Gradonačelnica je zahvalila na uspješno okončanom projektu kojim je Sarajevo sa svojim susjednim općinama očišćeno od mina u svom teritorijalnom obuhvatu, istakavši da su ovim projektom postavljeni temelji za kreiranje okruženja za nove investicije, za ekonomski, turistički i ekološki napredak sarajevske regije, za bolji život i standard građanki i građana.

U znak zahvalnosti, gradonačelnica je uručila zahvalnicu donatoru projekta koju je u ime Državnog Sekretarijata SAD preuzeo Prvi zamjenik pomoćnika državnog sekretara Stanley Brown.

U večernjim satima, Ambasada SAD-a je sa partnerima priredila svečani prijem u Zemaljskom muzeju BiH, tokom kojeg se zvaničama obratila gradonačelnica Karić nakon ambasadora Nelsona i predstavnika State departmenta Browna, dok su video poruku poslali Madeleine Albright i predsjednik i osnivač MLI-ja general Gordon Sullivan.

Kulturna manifestacija „Dani Sarajeva u Bursi“, Bursa (Republika Turska), 01.-04.09.2021.

U okviru dugogodišnje pobratimske saradnje između Grada Sarajeva i Grada Burse, u periodu od 01. do 04.09.2021., održana je kulturna manifestacija „Dani Sarajeva u Bursi“, kojoj su prisustvovali gradonačelnica Sarajeva Benjamina Karić, pomoćnica gradonačelnice za obrazovanje, kulturu, sport i mlade Amina Deljković, gradski vijećnik Almedin Miladin i stručna saradnica Azra Šišman.

Gradonačelnici Sarajeva i Konye, Benjamina Karić i Alinur Aktaş, održali su bilateralni sastanak na kojem je iskazano obostrano opredjeljenje za nastavkom kvalitetne saradnje dvaju gradova. Zahvalivši se na srdačnoj dobrodošlici i prilici da se građani Burse upoznaju sa kulturom, religijom, običajima i kulturno-historijskim naslijeđem Sarajeva i BiH, Karić je kazala da će jedan od prioriteta aktuelne administracije biti pretvaranje postojećih bratskih veza u konkretne međunarodne projekte kojim će oplemeniti višedecenijsku saradnju. Dodala je da su upravo umjetnici ti koji daju poseban pečat uzajamnoj saradnji, ovaj put prezentirajući kulturno blago, duhovni identitet, gastronomiju i sa predstavnicima TZKS turističke potencijale Sarajeva.

U okviru programa, otvorena je izložba „Portret Sarajeva“ renomiranog bh. umjetnika Irfana Hoze, upriličeni su koncert grupe Divanhana i performans folklornog kulturno-umjetničkog društva „Bašçaršija“, a na samom kraju, održana je i Noć tradicionalne bosanske hrane.

Uzvratna posjeta delegacije Grada Istanbula, Sarajevo, 13.-15.09.2021.

Gradonačelnica Sarajeva Benjamina Karić je sa zamjenicima Harisom Bašićem i Anjom Margetić te zamjenicom predsjedavajućeg Gradskog vijeća Mirelom Džehverović, ugostila delegaciju Grada Istanbula predvođenu zamjenikom generalnog sekretara Mahirom Polatom, u Vijećnici 14.9.2021.

Bio je to nastavak razgovora i dogovora postignutih tokom službene posjete gradonačelnice Karić ovom pobratimskom turskom gradu 08.07.2021. godine. Gradonačelnica Karić je istakla da su susreti naših administracija koji su se desili u roku od dva mjeseca, potvrda su spremnosti dva grada da projekte koje usaglase što prije i realizuju. Izrazila je uvjerenje da će se razmjenom iskustava i uz podršku izuzetnih potencijala i resursa dva grada osnažiti saradnja na obostranu korist građana Sarajeva i Istanbula. U fokusu prijema bila je konkretna podrška Grada Istanbula infrastrukturnim projektima i zaštiti kulturno-historijskog naslijeđa našeg grada.

Nakon prijema, delegacija Grada Istanbula je sa šeficom Odjeljenja za urbano planiranje Arijanom Musić i stručnim savjetnikom Semirom Mušinovićem, obišla lokalitet Bijele tabije u cilju upoznavanja sa historijom lokaliteta, izvedenim arheološkim istraživanjima, te sanacijom i konzervacijom otkrivenih arheoloških zidnih struktura. Prezentiran je Idejni projekat namjene i korištenja kompleksa Bijele tabije. Dogovoreno je da Grad Sarajevo dostavi postojeće podloge s kojima raspolaže za potrebe izrade projektne dokumentacije. Gosti iz Istanbula su predložili da u narednom periodu pošalju dva stručnjaka koji bi izvršili snimanje postojećeg stanja, odnosno prikupljanje geodetskih podataka u cilju dobivanja ažurnih geodetskih podloga (2D i 3D).

U okviru programa posjete, gosti iz Istanbula su imali susret sa menadžmentom KJKP „Park“ te posjetili Udruženje „Oaza“, obzirom da su iskazali interes da uredi obližnji park sa sadržajima koji će biti prilagođeni štíćenicima ovog udruženja.

Službena posjeta Gradu Izmiru (Republika Turska), 24.-27.09.2021.

Na poziv gradonačelnika Izmira Mustafe Tunç Soyera, zamjenica predsjedavajućeg Gradskog vijeća Grada Sarajeva Mirela Džehverović, gradski vijećnik i predsjedavajući Komisije za međunarodnu saradnju Gradskog vijeća Alem Logo i gradska vijećnica Danijela Šahat, boravili su u službenoj posjeti ovom gradu u periodu od 24. do 27.09.2021.

Delegacija je prisustvovala ceremoniji svečanog otvaranja tradicionalnog 15-og po redu Balkanskog festivala folkloru koji se održavao u periodu od 25.9. do 03.10.2021., te protokolarnim događajima iz programa obilježavanja ove manifestacije.

Prilikom susreta sa zamjenikom gradonačelnika Grada Izmira Mustafom Özusluom razgovarano je o intenziviranju saradnje ova dva grada, te inicijativi o potpisivanju sporazuma o bratimljenju između Grada Sarajeva i Grada Izmira.

Delegacija Grada Sarajeva se sastala i sa načelnikom izmirske općine Karsiyaka dr. Cemilom Tugayem sa kojim je razgovarano o procesima i projektima koji su u fokusu ove općine kao što su zelene politike i komunalna infrastruktura. Glavni fokus razgovora je bio na prezentaciji mjera i aktivnosti u oblasti skrbi i brige o starijoj populaciji, a kroz sistemsko rješavanje na nivou grada i gradskih opština.

Nakon ovog sureta uslijedila je razmjena nacрта Sporazuma o bratimljenju, čiji je obostrano usaglašeni tekst usvojen na sjednici Gradskog vijeća Grada Sarajeva održanoj 01.12.2021. godine, te na sjednici Gradskog vijeća Grada Izmira održanoj 15.12.2021. godine.

Službena posjeta Gradu Splitu, 25. - 26.09.2021.

Na poziv novoizabranog gradonačelnika Splita Ivica Puljka, delegacija Grada Sarajeva prevođena gradonačelnicom Benjaminom Karić, boravila je u službenoj posjeti tom gradu od 25. do 26.09.2021. godine.

Gradonačelnici Puljak i Karić razgovarali su o mogućnostima saradnje Sarajeva i Splita te razmijenili iskustva u vođenju ova dva grada koja su stekli u proteklih nekoliko mjeseci. Delegacija se susrela i s direktorom Razvojne agencije Split RaST d.o.o. Goranom Batinićem i pročelnicom Službe za međunarodne i EU projekte Radojkom Tomašević, a tema sastanka bila je povlačenje sredstava iz EU fondova.

U Staroj gradskoj vijećnici gradonačelnica Sarajeva se upisala u Spomen knjigu grada Splita, a u okviru posjete, delegacija je prisustvovala održavanju tradicionalnog Splitskog polumaratona 26.09.2021. godine.

Bilateralni sastanak sa gradonačelnikom Ljubljane i stručni sastanak sa delegacijom Grada Ljubljane, Sarajevo, 08.10.2021.

Povodom dodjele priznanja „Počasni građanin Grada Sarajeva” koje je uručeno gradonačelniku Ljubljane Zoranu Jankoviću na svečanoj sjednici održanoj u Vijećnici 07.10.2021., dana 08.10.2021. gradonačelnica Sarajeva Benjamina Karić je sa zamjenikom Harisom Bašićem upriličila prijem Jankovića sa njegovim zamjenicima Tjašom Ficko i Dejanom Crnekom.

U srdačnom razgovoru, gradonačelnici Janković i Karić su se složili da je ovaj bilateralni susret početak intenzivnije saradnje na zajedničkim projektima naših prijestolnica koje nose evropske, multikulturalne vrijednosti.

Paralelno sa ovim sastankom održan je stručni sastanak drugog dijela ljubljanske delegacije sa predstavnicima Grada Sarajeva. Delegaciju Ljubljane činili su predstavnici iz oblasti finansija, Festivala Ljubljana, Tehnološkog parka Ljubljana, Centra Janez Levec (obrazovne ustanove namijenjene obrazovanju i osposobljavanju djece i adolescenata sa posebnim potrebama, posebno učenika s intelektualnim teškoćama i autizmom), Ljubljanskog grada, Odjela za razvojne projekte i investicije, Zavoda za sport Ljubljana, Odjela za nekretnine i Kulturne ustanove ROG. Delegaciju Grada Sarajeva činili su pomoćnik gradonačelnice za lokalno poslovanje Elvir Hadžiahmetović, šefica Odsjeka za pripremu projekata u Službi za lokalnu samoupravu i razvoj grada Nermina Suljević i stručna saradnica u Službi za obrazovanje, kulturu, sport i mlade Azra Šišman.

S obzirom da je Grad Ljubljana u procesu izgradnje olimpijskog bazena, Grad Sarajevo je ponudio razmjenu iskustava i znanja iz ove oblasti. Ponuđena je i razmjena iskustava sa školama za djecu sa poteškoćama u razvoju, obzirom da Grad Sarajevo u dvorištu jedne takve škole pravi urbanu baštu/prvi senzorni park na otvorenom. Kako oba grada aktivno rade na povlačenju sredstava iz međunarodnih fondova, dogovorena je saradnja odnosno partnerstvo na apliciranju na fondove. Obzirom na aktuelnu priliku da Grad Sarajevo zajedno sa Barcelonom bude domaćin ZOI 2030. pomoć Ljubljane u tom procesu je od velikog značaja. Diskutovalo se i o turizmu za vrijeme pandemije, uređivanju grada te organizaciji događaja povodom dočeka Nove godine.

Posjeta delegacije Privredne komore IR Iran, Sarajevo, 12.10.2021.

Posredstvom Udruženja privrednika IRBA iz BiH, delegacija privrednika IR Iran posjetila je Grad Sarajevo 12.10.2021. godine. U sastavu iranske delegacije bio je predsjednik Privredne komore

Irana i potpredsjednik za razvoj fonda za inovacije prof. dr. Siavash Malekifar, te predstavnici 37 tehnoloških kompanija koje traže partnere u BiH.

Domaćin delegaciji je bio gradski vijećnik i predsjedavajući Komisije za međunarodnu saradnju Gradskog vijeća Grada Sarajeva Alem Logo, koji je sa iranskim ambasadorom Gholamrezom Ghelickhanom, iranskim privrednicima, Udruženjem privrednika IRBA na čelu sa Mensurom Hodžićem i predsjednikom Privredne komore FBiH Mirsadom Jašarspahićem, razgovarao o tradicionalno dobrim odnosima BiH i Irana, te glavnih gradova Sarajeva i Teherana.

Sagovornici su se složili da dvije prijestolnice, koje imaju uspostavljene pobratimske odnose od 2016. godine, trebaju nastaviti jačati saradnju, posebno kada je u pitanju sektor ekonomije.

Gosti su prenijeli svoja iskustva izgradnje 45 tehnoloških parkova i 6400 kompanija, preko 100 centara za razvoj, te stotinu Univerziteta na kojima studira četiri miliona studenata. Izrazili su zadovoljstvo što BiH ima priliku da započne i ostvari kontakte i saradnju sa zemljom kao što je Republika Iran, a koja je u jednom periodu bila osamnaesta u svijetu po ekonomskom razvoju.

Predsjednik Privredne komore FBiH pozvao je Republiku Iran i sve njene privrednike da koriste poznanstva i kontakte iz BiH, ističući da zadatak privrednih komora i jeste da zastupaju interese privrednika.

Tokom posjete su involvirani i Univerziteti koji su spremni da budu partneri u izgradnji saradnje partnerskih odnosa.

Obilježavanje 10. godišnjice Festivala „Ja BiH u Zagrebu“, 12.10.2021.

Na poziv predsjednika Udruženja za promicanje kulture i umjetnosti „Ja BiH...“ Ismeta Efendića, delegacija Grada Sarajeva koju su činili zamjenik gradonačelnice Haris Bašić, te gradski vijećnici Vedad Deljković i Srđan Simonović, prisustvovali su obilježavanju 10. godišnjice Festivala „Ja BiH... Pet dana Sarajeva u Zagrebu“, koje je održano 12.10.2021.

Festival je organiziralo Udruženje za promociju kulture i umjetnosti „Ja BiH“, u saradnji s Hrvatskim kulturnim društvom Napredak, Napretkovim kulturnim centrom, Bošnjačkom nacionalnom zajednicom Grada Zagreba, te Gradom Sarajevom i Gradom Zagrebom,

Tokom svečane ceremonije, zamjenik gradonačelnice Haris Bašić obratio se prisutnim zvanicama, te kazao da naše prijestolnice i dvije prijateljske države ponovo spaja kulturna saradnja koja jeste najbolji način za povezivanje i prijateljstvo ljudi i gradova. Također je istakao da se ove godine obilježava i dvadeset godina uspješnih partnerskih i prijateljskih veza Sarajeva i Zagreba ozvaničenih Sporazumom o saradnji koji datira od aprila 2001. godine.

Festival je otvoren izložbom „Plakati, crteži, ilustracije“ Dejana Slavuljice (ALU Sarajevo) i koncertom „Sve ove godine“. Zagrebačka kulturna scena odisala je duhom Sarajeva sve do 16. oktobra.

832. rođendan Bosne/Povelje Kulina Bana, Beč (Republika Austrija), 15.10.2021.

Tradicionalna centralna svečanost obilježavanja 832. rođendana Bosne/Povelje Kulina bana, koju je organiziralo Bosansko Akademsko Društvo u Austriji, održana je u diplomatskoj akademiji u Beču 15.10.2021.

Događaju je prisustvovala pomoćnica gradonačelnice za obrazovanje, kulturu, sport i mlade Amina Deljković, a među ostalim gostima bila su poznata imena u polju nauke, kulture i politike, među

kojima su Bogić Bogičević, Wolfgang Petritsch, Dževad Karahasan, Ivica Osim i Christian Wehrschütz.

Posjeta delegacije Osječko - baranjske županije i Grada Osijeka, Sarajevo, 28.10.2021.

Na poziv gradonačelnice Sarajeva, delegacija Osječko - baranjske županije i Grada Osijeka, koju su predvodili župan Osječko-baranjske županije Ivan Anušić i zamjenik gradonačelnika Osijeka Mato Lukić, boravila je u Sarajevu 28. i 29.10.2021.

Gradonačelnica Karić je zajedno sa zamjenikom Harisom Bašićem i pomoćnikom za lokalno poslovanje Elvirom Hadžiahmetovićem, primila delegaciju u Vijećnici 28.10.2021. Tokom susreta izražena je obostrana spremnost za uspostavljanjem uže saradnje između naših gradova i županija, sa ciljem razmjene iskustva i primjera dobre prakse u različitim oblastima poput primjene smart city rješenja, privrede, turizma, digitalizacije, saobraćaja, te ostalim područjima djelovanja u okviru nadležnosti gradskih uprava i županija.

Pomoć Grada Novog Pazara za otklanjanje posljedica nastalih usljed poplava, 09.11.2021.

U skladu sa Zaključkom Gradskog vijeća Grada Novog Pazara, na sjednici održanoj 09.11.2021., Gradsko vijeće Grada Novog Pazara dodijelio je novčanu pomoć gradu Sarajevu za otklanjanje posljedica nastalih usljed elementarne nepogode – poplave, u iznosu od 10.000,00 eura.

Sastanak sa delegacijom Udruženja „Herbstsalon“ iz Magdeburga, Sarajevo, 15.11.2021.

Gradovi Sarajevo i Magdeburg imaju uspostavljene pobratimske odnose od 1977. godine, tako da je obilježavanje 45. godišnjice bratimljenja planirano da se održi u septembru 2022. godine. U okviru programa obilježavanja ove značajne godišnjice, u Sarajevu će se održati izložba u organizaciji Udruženja za izložbene projekte „Herbstsalon“ iz Magdeburga i Akademije likovne umjetnosti BiH. Otvorenje izložbe bi se trebalo održati 26.09.2022., a ista bi trajala 4 do 6 sedmica.

S tim u vezi, predstavnici Udruženja za izložbene projekte „Herbstsalon“, koju su činili direktor udruženja Lothar Gunther, njegov zamjenik Joachim Heite, te PR Ursula Günther, sastali su se u Vijećnici 15.11.2021. godine sa gradskom vijećnicom Amrom Zulfikarpašić, predstavnicima Akademije likovne umjetnosti BiH, te predstavnicama Odjeljenja za međunarodnu saradnju Grada Sarajeva.

Tokom sastanka razgovarano je o tehničkim detaljima izložbe, finansijskom aspektu i mjestu njenog održavanja, a nakon sastanka delegacija je obišla prostorije Galerije Collegium Artisticum u kojoj će se održati izložba.

Obilježavanje Dana sjećanja na žrtvu Vukovara 1991. – 2021., Vukovar, 18.11.2021.

Povodom obilježavanja Dana sjećanja na žrtvu Vukovara 1991.-2021., na poziv gradonačelnika Vukovara Ivana Penave, zamjenik predsjedavajućeg Gradskog vijeća Grada Sarajeva Dragan Stevanović i gradski vijećnik Seid Škaljić boravili su u službenoj posjeti ovom gradu.

Delegacija je u okviru dvodnevnog programa obilježavanja godišnjice vukovarskog stradanja, prisustvovala i prigodnom programu „Vukovar – mjesto posebnoga domovinskog pijeteta“, u krugu vukovarske bolnice. Potom se u Koloni sjećanja uputila križnim putem dugim 5,5 kilometara do Memorijalnog groblja žrtava iz Domovinskog rata te odala počast i položila cvijeće svim poginulim i nestalim braniteljima i civilima, kao i svim nevinim žrtvama domovinskog rata.

Službena posjeta delegacije Grada Izmir i izmirske Općine Karşıyaka, Sarajevo, 26.11.2021.

Delegacija Grada Izmir i izmirske Općine Karşıyaka, koju su činili načelnik Općine Karşıyaka Cemil Tugay, zamjenik predsjednika Općinskog vijeća Karşıyaka i gradski vijećnik Grada Izmir Mehmet Atilla Baysak i predsjednik Svjetskog Saveza dijaspore BiH Hasan Šehović, boravila je u višednevnoj posjeti BiH u periodu od 23. do 28.11.2021.

Delegacija se sastala sa gradonačelnicom Benjaminom Karić, zamjenikom gradonačelnice Harisom Bašićem, predsjedavajućim Gradskog vijeća Jasminom Ademovićem, zamjenicima predsjedavajućeg Gradskog vijeća Draganom Stevanovićem i Mirelom Džehverović, te gradskim vijećnicima Alemom Logom i Danijelom Šahat.

Tokom sastanka razgovarano je o uspostavljanju pobratimskih odnosa između Sarajeva i Izmir potpisivanjem Sporazuma o bratimljenju, te realizacijom konkretnih aktivnosti u oblasti ekonomije, investicija, kulture, obrazovanja, sporta, zajedničkog učestvovanja u prekograničnoj saradnji, odnosno EU fondovima s obzirom da Izmir ima jako dobre konekcije kada su pitanju EU fondovi.

Dogovoreno je da se nakon potpisivanja Sporazuma o bratimljenju, uspostave radne grupe koje će raditi na realizaciji dogovorenih aktivnosti.

Izmir je značajan za Sarajevo s obzirom da se u Izmiru svake godine održava jedan od najvećih ekonomskih foruma, kao i Balkanski festival folklor i kulture. Oko milion ljudi bh. porijekla živi u Izmiru, što je jaka konekcija između ova dva grada i potencijalna baza za investiranje bh. dijaspore u BiH.

Na poziv gradonačelnice Karić, turska delegacija je prisustvovala Svečanoj akademiji održanoj povodom Dana državnosti Bosne i Hercegovine 25.11.2021.

Donacija Grada Šanlıurfa (Republika Turska), 01.12.2021.

Tokom zajedničkog sastanka koji je održan sa predstavnicima Grada Šanlıurfa, jedna od tema bila je iznalaženje mogućnosti, odnosno konkretnih projekata u okviru kojih bi ovaj turski Grad mogao pružiti podršku Gradu Sarajevu.

Grad Šanlıurfa iskazao je spremnost da u cilju realizacije projekta postavljanja jarbola sa zastavom Grada Sarajeva i Olimpijskom zastavom na ulaz u grad Sarajevo, kao Olimpijski grad u kojem su održane XIV ZOI, donira Gradu Sarajevu dva jarbola visine 25 m, čija ukupna vrijednost iznosi cca 100.000,00 KM.

Prijem delegacije Grada Züricha, Sarajevo, 02.12.2021.

Delegacija Grada Züricha u sastavu Anna Schindler, šefica Ureda za urbani razvoj Grada Züricha, Christina Wandeler, šefica Odsjeka za međunarodnu saradnju i Carolina Marai, projektni menadžer, boravila je u službenoj posjeti Gradu Sarajevu u okviru nastavka saradnje na projektu Urbane Transformacije „Reactivate Sarajevo“ (UTPS).

U okviru posjete održan je radni sastanak sa predstavnicima gradske Službe za urbano planiranje, investicijske, stambene i komunalne poslove, Zavoda za planiranje razvoja KS i Općine Centar.

Wandeler je izrazila zadovoljstvo saradnjom Grada Sarajeva i Grada Züricha i istakla zainteresiranost za saradnju na konkretnim projektima u oblasti urbanog razvoja, dok je Schindler predstavila nadležnosti i razvojne projekte Grada Züricha.

Nataša Tabori predstavila je rad Zavoda za planiranje KS, nadležnosti i trenutne projekte, dok je Dina Šamić predstavila projekte Općine Centar istakavši da je u fokusu njihovih aktivnosti stavljanje u funkciju i oživljavanje javnih prostora u saradnji s UNDP-om.

Semir Mušinović, savjetnik za urbanizam i investicije održao je prezentaciju o aktualnim projektima Grada Sarajeva iz oblasti urbanizma. Posebno se osvrnuo na regulacione planove „Kvadrant B“, „Vaso Miskin Crni“ i „Hastahana“, a također je predstavio pilot projekat pročišćavanja zraka na otvorenom i projekt izgradnje biciklističke staze uz glavnu saobraćajnicu duž rijeke Miljacke.

Nermina Suljević, šefica Odsjeka za pripremu projekata, predstavila je projekt park šume Hum kao jedan od mogućih projekata za saradnju. Istakla je da je to dugoročni projekt u čiju je pripremu uključeno nekoliko aktera. Navela je da je Grad Sarajevo zainteresiran za saradnju u oblasti pročišćavanja zraka, urbane mobilnosti, kreiranja banke hrane i pristupačnog stanovanja.

Tokom sastanka bilo je riječi o definiranju oblasti za saradnju između dva grada. Delegacija Züricha izrazila je spremnost za razmjenu iskustava i podršku Gradu Sarajevu tokom javnih rasprava o regulacionim planovima sa zainteresiranim stranama, posebno kada je riječ o investitorima i privatnom sektoru.

Delegacija je posjetila lokalitete „Kvadrant B“ i „Hastahana“ u pratnji predstavnika Grada Sarajeva.

Radna posjeta delegacije Grada Sarajeva Gradu Zagrebu, 30.-31.12.2021.

Na inicijativu Grada Sarajeva, a na poziv pročelnice Ureda za međugradsku i međunarodnu saradnju i promicanje ljudskih prava Grada Zagreba Vesne Šimić, delegacija Grada Sarajeva koju su činili pomoćnik gradonačelnice za lokalno poslovanje Elvir Hadžiahmetović i šefica Odsjeka za saradnju sa zdravstvenim, javnim ustanovama i organizacijama dječje i porodične zaštite u Službi za lokalno poslovanje Merima Hadžiabdić, boravili su u radnoj posjeti Gradu Zagrebu 30. - 31.12.2021. godine.

Domaćin delegaciji Grada Sarajeva bio je Dario Krnjaković, pomoćnik pročelnika za prostorno uređenje, izgradnju grada, graditeljstvo, komunalne poslove i promet koji je nadležan za ukrašavanje grada, te predstavnici Ureda za međugradsku i međunarodnu saradnju i promicanje ljudskih prava, Gradskog ureda za prostorno uređenje, izgradnju grada, graditeljstvo, komunalne poslove i promet, predstavnici Gradskog ureda za gospodarstvo, energetiku i zaštitu okoliša, predstavnici Gradskog ureda za kulturu, te predstavnici Turističke zajednice Grada Zagreba.

Tokom sastanka razgovarano je o kulturno-umjetničkom programu u gradu Zagrebu u vrijeme Adventa u organizaciji Grada Zagreba; aktivnostima Turističke zajednice grada Zagreba vezane uz projekt Advent Zagreb; organizaciji javnog dočeka Nove godine u Zagrebu; ukrašavanju grada Zagreba za božićno i novogodišnje uređenje grada; ugostiteljskoj ponudi na javnim gradskim prostorima u vrijeme Adventa 2021./2022.

Delegacija je s predstavnicima nadležnih gradskih ureda i Turističke zajednice obišla adventske lokacije u Zagrebu. Također, javni doček Nove godine u organizaciji Grada Zagreba bila je prilika za sagledavanje svih organizacionih aktivnosti, naročito s aspekta sigurnosti i odabira programa dočeka.

Delegacija se sastala i sa predsjednikom Gradske skupštine Grada Zagreba Joškom Klisovićem, s kojim je razgovarala o prednostima i nedostacima organizacije Grada Zagreba, obzirom da Grad

Zagreb ima poseban status grada i županije. Također, razgovarano je i mogućnostima saradnje Gradskog vijeća Grada Sarajeva i Skupštine Grada Zagreba, te je predloženo da se upriliči posjeta predstavnika Skupštine Grada Zagreba Gradskom vijeću Grada Sarajeva u 2022. godini. Tom prilikom bi Skupština Grada Zagreba pripremila prezentaciju na teme prema izraženim željama Gradskog vijeća Sarajeva.

Slijedom ranije uspostavljene komunikacije Odsjeka za saradnju sa zdravstvenim, javnim ustanovama i organizacijama dječje i porodične zaštite sa Savezom društava „Naša djeca“ R Hrvatske, delegacija se sastala s glavnom tajnicom Saveza Snježanom Krpeš, koja je predstavila program rada, iskustva i način vođenja Saveza na nacionalnom nivou, s naglaskom na program „Gradovi i općine - prijatelji djece“, a cilju razmatranja mogućnosti realizacije programa u gradu Sarajevu.

Savez društava „Naša djeca“ R Hrvatske nositelj je programa „Gradovi i općine - prijatelji djece“, koji zajedno s partnerima od 1999. godine provodi ovaj program. Grad Zagreb jedan je od gradova sudionika u programu, a od 2006. godine nosi status Grad Zagreb - prijatelj djece. Program Gradovi i općine - prijatelji djece u Republici Hrvatskoj već više od 20 godina postiže značajne rezultate, a trenutno je 155 hrvatskih gradova i općina uključeno u njega, a od toga 90 gradova/općina uspjelo je zadovoljiti kriterije iz Programa za dobivanje statusa.

III. MEĐUNARODNI SKUPOVI

Forum o urbanom upravljanju, Tianjin (NR Kina), 19.05.2021.

U okviru „Svjetskog obavještajnog kongresa“ koji je u organizaciji kineskog Grada Tianjina održan od 20. do 23.05.2021., dana 19.05.2021. održan je „Međunarodni okrugli stol pobratimskih gradova“ i „Forum o urbanom upravljanju“ na temu „Urbani razvoj u novom pametnom dobu“.

Općinski čelnici Tianjina, predstavnici međunarodnih organizacija, gradonačelnici gradova pobratima i predstavnici iz drugih područja prisustvovali su konferenciji na mreži i izvan nje. Gradonačelnik Tianjina je istakao da je grad središte ekonomskih, kulturnih i društvenih aktivnosti, te kako se nova naučna, tehnološka i industrijska revolucija ubrzavaju, tako i urbani razvoj počinje imati nove konotacije i zahtjeve.

Svrha foruma bila je promicanje saradnje između Tianjina i gradova pobratima. Prisustvujući online sastanku, predsjednik Kineskog narodnog udruženja za prijateljstvo sa stranim zemljama, u svom je govoru naznačio da su odnosi bratskih gradova postali važan prozor za otvaranje Kine prema vanjskom svijetu i da pomažu u ostvarivanju međunarodne i međusobne saradnje.

Gradonačelnici gradova pobratima, uključujući gradonačelnike Koebea u Japanu, Melbournea u Australiji, Wellingtona na Novom Zelandu, te gradonačelnicu Sarajeva, također su prisustvovali forumu putem interneta i održali govore.

U svom obraćanju, gradonačelnica Karić se osvrnula na 40 godina dugu pobratimsku saradnju Sarajeva i Tianjina, te tradicionalne prijateljske odnose između BiH i NR Kine. Učesnike Forumu je upoznala sa vizijom budućeg razvoja grada Sarajeva, te je ukratko predstavila aktivnosti Grada u oblasti prostornog uređenja i urbanizma. Gradonačelnica je izrazila zadovoljstvo što će bh. prijestolnica u drugoj polovini 2021. godine biti domaćin 5. Forumu gradonačelnika glavnih gradova Srednje i Istočne Evrope i NR Kine.

Seminar „Češka rješenja za pametne gradove“, Sarajevo, 08.06.2021.

U organizaciji Ambasade Češke Republike u BiH, seminar pod nazivom „Češka rješenja za pametne gradove“ održan je u sarajevskom hotelu Europe 08.06.2021., a u ime Grada Sarajeva događaju je prisustvovala Nermina Suljević, šef Odsjeka za EU Fondove.

Seminar je bio fokusiran na sljedeće teme: Upravljanje saobraćajem u gradovima; Saobraćaj u mirovanju, pametni parking; Javni prijevoz; Software rješenja; Analiza podataka sa kamera; Elektronska plaćanja u saobraćaju. Ciljevi seminara bili su: Razmjena informacija o razvoju u oblasti pametnih gradova u BiH i Republici Češkoj. Prezentacija tehnologija pametnih gradova od strane čeških kompanija. Dobivanje informacija o planovima za razvoj infrastrukture pametnih gradova u BiH.

30. godišnjica Nacionalnog olimpijskog komiteta (NOK) Slovenije, Ljubljana, 06.10.2021.

Na poziv Nacionalnog olimpijskog komiteta (NOK) Slovenije, delegacija Grada Sarajeva koju su činili Nedžad Fazlija i Azra Šišman iz Službe za obrazovanje, kulturu, sport i mlade, boravila je u Ljubljani od 5. do 7.10.2021. povodom obilježavanja 30. godišnjice NOK-a Slovenije.

Prije samog početka obilježavanja ceremonije organizovane su sesije od strane NOK-a Slovenije, a jedna od tematskih sesija je bila i pitanje zajedničke kandidature Barcelone i Sarajeva za domaćina Zimskih olimpijskih igara 2030. godine.

Predstavnici Grada Sarajeva, OK BiH i Regionalne Vlade Katalonije su predstavnicima ostalih Nacionalnih olimpijskih komiteta predstavili ideju kandidature, kao i obnove trebevičke bob staze na kojoj je planirano da se održe takmičenja iz tri discipline: bob, sanjkanje i skeleton.

Nakon prezentacije i diskusije, ideja o zajedničkom domaćinstvu ZOI 2030. godine dobila je podršku Nacionalnih olimpijskih komiteta zemalja Srednje i Jugoistočne Evrope, poput Slovenije, Albanije, Makedonije, Kosova, Poljske.

Osim podrške domaćinstvu, ideja o rekonstrukciji bob staze na Trebeviću je također dobila veliku podršku. Učesnici su se složili da je ideja o rekonstrukciji i ekonomski opravdana obzirom da bi se trenažni proces odvijao i ljeti i zimi, a osim domaće, brojne reprezentacije susjednih zemalja bi je koristile za trening. Rekonstrukcijom bi se, osim za trening, otvorile mogućnosti organizovanja raznih takmičenja što bi također predstavljalo dodatni izvor zarade.

Procjene su da bi kandidat bio poznat već krajem 2022. godine, što znači da je pred BiH i Sarajevom godina dana lobiranja za podršku zajedničkoj kandidaturi sa Barcelonom i Španijom. Do samog proglašenja kandidata, od BiH i Sarajeva se očekuje da uradi početne korake i riješi imovinsko-pravne odnose vezane za bob stazu kako bi se moglo pristupiti izradi projekta, te dobiti potrebne dozvole i naposljetku pristupiti rekonstrukciji staze.

Četvrti Pariški mirovni forum, Pariz (Republika Francuska), 09.-13.11.2021.

Na poziv predsjednika Republike Francuske Emmanuela Macrona, gradonačelnica Sarajeva Benjamina Karić je zajedno sa gradonačelnicima Mostara, Banja Luke i Bijeljine, u okviru *Studijskog boravka mladih bosanskih političkih lidera u Francuskoj*, od 09. do 13.11.2021., učestvovala u radu četvrtog izdanja Pariškog mirovnog foruma, koji je u periodu od 11. do 13.11.2021. okupio šefove država, vlada i međunarodnih organizacija iz cijelog svijeta. U fokusu ovog izdanja Forumu bilo je poticanje sveobuhvatnijeg oporavka i nuđenje inicijativa za bolje suočavanje s globalnim izazovima i globalnim zajedničkim dobrima.

Gradonačelnica se u Parizu sastala sa senatorima, održani su sastanci sa Isabelle Dumont, političkom savjetnicom francuskog predsjednika za Balkan, Martom de Cidrac, senatoricom i predsjednicom Asocijacije prijateljstva Francuska/Zapadni Balkan i Christophe Chaillou-om, generalnim direktorom francuske asocijacije Vijeća evropskih općina i regija.

Gradonačelnica Karić je sagovornicima predočila važna pitanja za naš grad, državu, ali i ono na čemu gradonačelnici žele zajednički saradivati na dobrobit naših građana.

Gradonačelnica Karić se susrela sa francuskim predsjednikom Emmanuelom Macronom u Jelisejskoj palati 11.11.2021. godine te se tom prilikom zahvalila predsjedniku Macronu i ostalim dužnosnicima prijateljske države na podršci i pozivu za učešće na ovom eminentnom skupu. Razgovarano je, između ostalog, i o trenutnoj situaciji u BiH, pri čemu je gradonačelnica istakla važnost podrške Francuske u integraciji BiH u Evropsku uniju i očuvanju teritorijalnog integriteta.

Konferencija/Radionica iz sektora restauracije, konzervacije i obnove potresom oštećenih građevina, Sarajevo, 11.11.2021.

Italijanski institut za vanjsku trgovinu – ICE Agencija iz Sarajeva i Ambasada Italije u BiH, organizirali su Konferenciju/Radionicu iz sektora restauracije, konzervacije i obnove potresom oštećenih građevina, u Vijećnici 11.11.2021.

Tri glavna italijanska udruženja iz ovog sektora, ANCE, Assorestauro i OICE, učestvovala su na konferenciji, zajedno sa delegacijom preduzetnika, kao i bh. institucija i stručnjaka (na državnom i entitetskom nivou) nadležnih za zaštitu i unapređenje kulturne baštine. Događaj je podijeljen na veliku znanstveno-seminarsku sesiju, sa bogatim panelom govornika iz dvije zemlje i dio posvećen korporativnim radionicama i poslovnim sastancima između italijanskih i lokalnih kompanija.

Zamjenici gradonačelnice Grada Sarajeva Anji Margetić ukazana je čast da pozdravnim govorom, zajedno sa ambasadorom Italije Marcom Di Ruzzom, otvori Konferenciju.

U svom obraćanju, ambasador je istakao podršku koju Italija pruža u oblasti zaštite umjetničkog i kulturnog naslijeđa, navodeći među najznačajnijim primjerima doprinos Italije u rekonstrukciji Starog mosta u Mostaru. Ambasador je također podsjetio da su nekoliko dana ranije, Grad Sarajevo i Kanton Sarajevo potpisali Sporazum o izgradnji Muzeja savremene umjetnosti Ars Aevi, prema projektu Renza Piana, koji može otvoriti dalje važne prostore za saradnju između dvije zemlje.

U razgovoru sa zamjenicom gradonačelnice Margetić, organizator događaja je istakao namjeru da pokrene pilot projekat restauracije određene građevine, a Grad Sarajevo će se po ovom pitanju konsultovati sa Komisijom za očuvanje nacionalnih spomenika BiH.

5. Forum gradonačelnika glavnih gradova Srednje i Istočne Evrope i NR Kine, 17.-19.11.2021.

5. Forum gradonačelnika glavnih gradova Srednje i Istočne Evrope i NR Kine, održan je online u organizaciji Grada Sarajeva i suorganizaciji Grada Pekinga u periodu od 17. do 19.11.2021. Glavna tema Foruma bila je „Održivi razvoj gradova: Ka otpornoj saradnji u borbi protiv pandemije“.

U sklopu ovog događaja održan je Glavni forum gradonačelnika glavnih gradova Srednje i Istočne Evrope i NR Kine i pet paralelnih sesija u okviru kojih su razmatrana moguća prihvatljiva rješenja i mjere potpore koje se odnose na poticanje privrede i trgovine, osnaživanje zdravih i urbanih gradova, te na oporavak i daljnju promociju turizma.

Glavni forum gradonačelnika glavnih gradova Srednje i Istočne Evrope i NR Kine, održan je putem Zoom platforme 18.11.2021., pri čemu su iz sarajevske Vijećnice učešće uzeli gradonačelnica Sarajeva Benjamina Karić, ministar - savjetnik i šef Odjela za Aziju i Afriku u Ministarstvu vanjskih poslova BiH Ljubo Grković, te ambasador NR Kine u BiH Ji Ping. U nastavku Foruma, obratili su se Izvršni generalni sekretar Sekretarijata za saradnju Kine i Srednje i Istočne Evrope, a potom gradonačelnici Pekinga i Beograda, zamjenica gradonačelnika Tirane za međunarodnu saradnju i održivi razvoj, zamjenik gradonačelnika Atine za javno zdravlje i općinske klinike, zamjenik gradonačelnika Podgorice, te gradski vijećnik Grada Bukurešta. Na kraju Glavnog foruma usvojena je Zajednička deklaracija.

Tokom 17. i 18.11.2021. održane su sljedeće paralelne sesije putem platforme Zoom: „Istraživački simpozij o izgradnji zdravih gradova“ održan je u organizaciji Općinske zdravstvene komisija Pekinga i Zavoda za javno zdravlje KS, u okviru kojeg je pozdravno obraćanje imao zamjenik predsjedavajućeg Gradskog vijeća dr. Dragan Stevanović.

Okrugli sto privrednih komora glavnih gradova Srednje i Istočne Evrope i Pekinga, koji je održan u organizaciji Grada Sarajeva, Privredne komore KS i Međunarodne trgovinske komore Pekinga - Kineskog vijeća za promicanje međunarodne trgovine - Peking, okupio je predstavnike privrednih komora i jedan broj privrednika iz Kine, BiH, Slovenije, Srbije, Crne Gore, Sjeverne Makedonije, Albanije, Poljske, Bugarske, Rumunije i Latvije.

Okrugli stol je bio posvećen principima međunarodnog poslovanja i trgovine u doba pandemije. Pozdravnu riječ uputila je zamjenica gradonačelnice Sarajeva Anja Margetić, a prisutnima su se obratili predsjednik Kineskog vijeća za promicanje međunarodne trgovine – Peking, zamjenik direktora „Dvije zone Peking“, direktor Asocijacije za promociju izvoza Vanjskotrgovinske komore BiH i predsjednik Privredne komore KS.

Okrugli stol o jezicima Srednje i Istočne Evrope održan je u organizaciji Univerziteta u Sarajevu - Filozofskog fakulteta i Beijing International Studies University iz Pekinga. Cilj ovog susreta bio je okupiti istaknute predavače čije istraživačko i predavačko iskustvo uokviruje područja Srednje i Istočne Evrope, ali i šire, kako bi se u akademskom dijalogu razmijenila iskustva u vezi sa učenjem jezika te planirali koraci za saradnju u budućnosti. U ime Grada Sarajeva pozdravno obraćanje imao je zamjenik gradonačelnice Grada Sarajeva Haris Bašić.

Panel sesija o otpornim gradovima i pametnom razvoju koja je održana u organizaciji Pekinškog univerziteta građevinarstva i arhitekture (BUCEA) i Sveučilišta u Mostaru (SUM), bila je usredotočena na rješavanje izazova koje donosi „slabost velikih gradova“ u prijestolnicama različitih zemalja, udruživanje snaga i razmjena iskustava za poboljšanje upravljanja gradom i promicanje zelenog i otpornog urbanog razvoja. U ime pomoćnice gradonačelnice za urbano planiranje, investicije, stambene i komunalne poslove Merime Arifhodžić, učesnicima se obratila šefica Odjela za komunalne poslove Selma Bećiragić.

4. Međunarodni seminar Saveza turističkih koledža Srednje i Istočne Evrope i Kine, održan je u organizaciji Univerziteta u Pekingu Union (BUU), a u ime Grada Sarajeva učesnicima se obratila zamjenica gradonačelnice Anja Margetić. Turistička zajednica KS uzela je učešće u ovom događaju i prezentirala svoja iskustva, turističku ponudu i potencijale Kantona Sarajevo, s posebnim akcentom na razvojne i promotivne aktivnosti u eri post-pandemije usmjerene na digitalizaciju, pomoćiju kulturno-historijskog i outdoor turizma, te predstavljanje olimpijskih planina u KS kao atraktivnih turističkih destinacija. U okviru ovog događaja potpisan je Sporazum između Kina – CEEC Tourism College Alliance i Turističke zajednice KS.

Balkanski integracioni forum 2021, Podgorica (Crna Gora), 26.11.2021.

Balkanski integracioni forum 2021, koji su organizovali Evropski pokret u Crnoj Gori i fondacija „Friedrich-Ebert-Stiftung“, održan je u Podgorici 26. i 27.11.2021. godine. Forum je počeo panelom „Izazovi za EU i evropske integracije i Zapadni Balkan“, u okviru kojeg je gradonačelnica Sarajeva Benjamina Karić, pored gradonačelnika Rijeke, Tirane i Podgorice, imala online izlaganje. Narednog dana održana su dva panela na temu EU integracija i perspektive Zapadnog Balkana.

B40 Balkan Cities Network Summit, Istanbul, 29.-30.11.2021.

Na poziv gradonačelnika Istanbula Ekrema İmamoğlu, gradonačelnica Sarajeva Benjamina Karić učestvovala je na prvom samitu Mreže balkanskih gradova (B40 Balkan Cities Network Summit), koji je na temu „Bolja saradnja, bolja budućnost“, održan u Istanbulu 29. i 30.11.2021. godine.

Mreža balkanskih gradova B40 je međugradska organizacija sa zajedničkom vizijom za evropsku budućnost i ciljem unapređenja i proširenja saradnje među gradovima regiona Balkana; Promovira uspostavljanje ravnopravnog i djelotvornog partnerstva među gradovima članicama u nadi da će podijeliti iskustva i inovativna rješenja za donosioce odluka na općinskom nivou; Prepoznaje da dobro upravljanje zahtijeva otpornu, demokratsku, transparentnu i inkluzivnu lokalnu upravu zasnovanu na podacima, nauci i zajedničkoj mudrosti. Gradovi članovi naglašavaju kritičnu važnost lokalizacije Nove urbane agende s posebnim naglaskom na Ciljevima održivog razvoja (SDG).

Prvog dana Samita, nakon pozdravnog obraćanja prvog čovjeka Istanbula gradonačelnika İmamoğlu, uslijedila su kratka obraćanja prisutnih gradonačelnika i predstavnika gradova, među kojima i obraćanje gradonačelnice Sarajeva.

Tokom dvodnevnog samita, brojne delegacije gradova Balkana i šire regije razmijenile su mišljenja, ideje i iskustva sa fokusom na aktuelne teme poput pametnih gradova i digitalne transformacije, klimatskih promjena i migracija. Ovaj događaj je bio prilika za uspostavljanje i unapređenje postojeće saradnje među gradovima država šire regije, ali i prilika gradonačelnicima da kroz diskusiju definiraju zajedničku platformu za razmjenu iskustava i jačanje saradnje između balkanskih gradova u različitim područjima.

Jedna od dogovorenih aktivnosti i obaveza gradova učesnika je formiranje radnih grupa kao pokretačke snage Mreže balkanskih gradova B40 čiji bi fokus bio na lokalnom djelovanju protiv globalnih izazova. Radne grupe koje bi se sastojale od po dvije osobe stručne iz oblasti: Lokalna klimatska akcija; Lokalna demokratija i migracije; Pametni gradovi i digitalna transformacija i Lokalna ekonomska saradnja, aktivno će početi sa radom od januara 2022., održavajući online sastanke jednom u tri mjeseca.

Prisutni gradonačelnici Sarajeva, Beograda, Atine, Podgorice, Kotora, Splita, Laktaša, Tirane, Skoplja, Patrasa, Skadra, Pule, te brojnih drugih albanskih, grčkih i turskih gradova, na kraju Istanbulske samita, potpisali su Deklaraciju kojom će se definirati zajednička platforma djelovanja ove regionalne mreže kroz jačanje lokalne demokratije i dobrosusjedskih odnosa.

Na marginama samita, gradonačelnica Karić je imala odvojene susrete sa gradonačelnicima Atine, Kotora, Beograda, Istanbula, Pule, Skoplja i bugarskog Grada Kardzhali.

6. Međunarodna olimpijada metropola u organizaciji Grada Moskve, 06.-10.12.2021.

6. Međunarodna Olimpijada Metropolu održana je u organizaciji Grada Moskve od 06. do 13.12.2021. Radi se o veoma prestižnom takmičenju u kojem je učestvovalo preko 30 svjetskih

metropola. Takmičenje je organizirano iz matematike, informatike, fizike i hemije pri čemu grad iz svake discipline predstavljaju po 2 učenika.

Učešće u ovom takmičenju uzeli su najbolji učenici Druge gimnazije Sarajevo i Prve bošnjačke gimnazije Sarajevo, i to iz matematike, informatike i fizike. Druga gimnazija Sarajevo i Grad Sarajevo omogućili su i pružili podršku ovom događaju.

Olimpijada je održana online, organizatori su nadzirali učenike preko video linka. Sarajevski srednjoškolci su radili takmičenje u prostorijama Druge gimnazije Sarajevo, a glavni lider tima bio je Amar Bašić, profesor matematike u Drugoj gimnaziji Sarajevo.

U drugom učešću za grad na ovom takmičenju učenici su postigli značajne rezultate, tako da je svih šest učenika osvojilo medalje, tri srebrne i tri bronzane.

U zbirnom plasmanu iz sve četiri discipline osjetilo se to što grad Sarajevo nije imao predstavnike iz hemije, no i pored toga sarajevski srednjoškolci iza sebe su ostavili polovinu timova i gradove poput Ljubljane, Talina, Nur-Sultana, Drezdena, Frankfurta, Bratislave i Banja Luke koji su imali predstavnike iz sve četiri discipline.

IV. SARADNJA S DIPLOMATSKO-KONZULARNIM PREDSTAVNIŠTVIMA

Sastanak sa ambasadorom BiH u Australiji Mirzom Hajrićem, Sarajevo, 15.01.2021.

Gradonačelnik Abdulah Skaka primio je 15.01.2021. ambasadora BiH u Australiji Mirzu Hajrića, sa kojim je razgovarao o mogućnostima uspostavljanja saradnje sa nekim od australskih gradova. Ambasador Hajrić je istakao da najpoznatiji australski gradovi Sydney i Melbourne uspostavljaju pobratimske veze samo sa priobalnim megagradovima, te je predložio da Grad Sarajevo uspostavi saradnju sa gradovima u kojima je jaka bh. iseljenička zajednica, poput grada Adelaide. Radi se o najnaseljenijem, petom po veličini gradu sa dva miliona stanovnika i glavnom gradu države Južna Australija. Zajednička karakteristika gradova Sarajevo i Adelaide su multikulturalnost i multietničnost.

U skladu sa dogovorom sa ovog sastanka, gradonačelnik Sarajeva je gradonačelniku Grada Adelaide uputio pismo namjere za uspostavljanje saradnje između naša dva grada.

Ceremonija obilježavanja Kineske Nove godine 2021, Sarajevo, 12.02.2021.

Povodom obilježavanja Kineske Nove godine, u Sarajevo City Centru je 12.2.2021. postavljen simbolični kutak tradicionalne kineske arhitekture, koji je gradonačelnik Sarajeva Abdulah Skaka posjetio zajedno sa ambasadorom NR Kine u Bosni i Hercegovini Ji Pingom.

Gradonačelnik Skaka je u ime Grada Sarajeva i svoje lično ime, ambasadoru Ji Pingu uputio iskrene čestitke uz želje za mir i blagostanje prijateljskog kineskog naroda. Gradonačelnik je također iskazao uvjerenje da će se prijateljski odnosi između naše dvije zemlje razvijati u interesu naroda, mira i napretka.

Tokom vrlo srdačnog i prijateljskog razgovora, razmotrena je dosadašnja uspješna saradnja Grada Sarajeva i Ambassade NR Kine, te Tianjina i Sarajeva koji su povezani 40 godina dugim pobratimskim vezama. Također, razgovarano je i o održavanju 5. Foruma gradonačelnika glavnih gradova Srednje i Istočne Evrope i NR Kine u Sarajevu u drugoj polovini 2021. godine.

Oproštajna posjeta ambasadora Republike Turske Halduna Koça, Sarajevo, 17.02.2021.

Gradonačelnik Sarajeva Abdulah Skaka primio je u oproštajnu posjetu ambasadora Republike Turske Halduna Koça, 17.02.2021. godine. Ambasador je izrazio zadovoljstvo prilikom da boravi u Sarajevu i realizuje brojne projekte i prigodne manifestacije uz podršku Grada Sarajeva i gradonačelnika Skake. Istakao je da je tokom svoje misije u Sarajevu i BiH svjedočio dobroj saradnji između naše dvije države, te da se Grad Sarajevo, koji je u tome imao značajnu ulogu, svojom izuzetnom podrškom iskazao kao dobar partner. Koç je, također, zahvalio na podršci narodu i Vladi Republike Turske osvjetljenjem Vijećnice u bojama zastave ove prijateljske zemlje.

Gradonačelnik Skaka je naglasio značaj dobrih veza Grada Sarajeva sa bratskim gradovima, među kojima su i turski gradovi, te da je ta saradnja prioritet međunarodne politike Grada Sarajeva. Sagovornici su se prisjetili dr. Kadira Topbaša, preminulog dugogodišnjeg gradonačelnika Istanbula, koji je, svojim izrazito prijateljskim djelovanjem, te razvojem međunarodnih i međuljudskih odnosa dao izuzetan doprinos u uspostavljanju saradnje i izuzetno sadržajnih odnosa između pobratimskih gradova, Sarajeva i Istanbula.

Ambasador i gradonačelnik su iskazali uvjerenje da će, uz već dokazano zajedništvo i sve moguće kapacitete kojima raspolažu, uspjeti prebroditi pandemiju COVID-19, te da će prijateljstvo između dvije zemlje i njihovih pobratimskih gradova biti još snažnije.

Prijem ambasadora UK Velike Britanije i Sjeverne Irske Matthewa Fielda, 19.04.2021.

Gradonačelnica Sarajeva Benjamina Karić upriličila je 19.04.2021. prijem u Vijećnici za ambasadora UK Velike Britanije i Sjeverne Irske Matthewa Fielda. Tokom sastanka razgovarano je o planovima gradonačelnice Karić i Grada Sarajeva za uspješniji, održiviji i inkluzivniji grad. Gradonačelnica je izrazila uvjerenje u nastavak i intenziviranje kvalitetne saradnje Grada Sarajeva sa Britanskom ambasadom i ambasadorom Fieldom. Naglasila je otvorenost Grada Sarajeva za svaki vid saradnje, za iniciranje i realizaciju zajedničkih projekata. Istakla je namjeru za stvaranje takvog okruženja u kojem bi se steklo povjerenje građana, kojima bi u svakom trenutku bile dostupne informacije o aktivnostima i projektima koje vodi Gradska uprava. Dodala je da će kroz to povjerenje i transparentnost proizaći konkretni projekti koji će kao dio Strategije razvoja grada Sarajeva biti od koristi građanima.

Ambasador Field je kazao da je njegova posjeta izraz podrške gradonačelnici Karić te da njen izbor predstavlja značajnu priliku za Grad Sarajevo i njegove građane. Najavio je punu podršku aktivnostima i projektima koje nova gradska administracija planira realizovati tokom svog mandata. Podcrtao je uspješnu saradnju Ambasade sa Gradom Sarajevom u sklopu projekta Smart City, te spomenuo uspostavu direktne linije Sarajevo - London što će predstavljati još jedan krupan i važan korak za razvoj turizma.

Govoreći o SFF-u kao jednom od najznačajnijih događaja u regionu, sagovornici su se složili da je grad Sarajevo prepoznat kao grad kreativne industrije, te su filmskom ostvarenju „Quo vadis, Aida“ dali punu podršku na putu za dodjelu Oskara.

Prijem ambasadorice Republike Austrije u BiH Ulrike Hartmann, 19.04.2021.

Gradonačelnica Sarajeva Benjamina Karić primila je 19.04.2021. godine ambasadoricu Republike Austrije u BiH Ulrike Hartmann. Gradonačelnica Karić je istakla da Grad Sarajevo njeguje tradicionalno dobre odnose sa Republikom Austrijom sa kojom BiH kroz historiju vežu posebno bliske i prijateljske veze. Potvrda tome su brojni projekti koji su zajednički realizovani sa austrijskim pobratimskim i partnerskim gradovima na svim nivoima. Posebno je podcrtala kulturnu

saradnju kroz manifestaciju „Dani Beča u Sarajevu“ s ciljem zbližavanja dviju prijestolnica, njihovih umjetnika i građana.

Gradonačelnica je predstavila svoje viđenje preustroja Grada Sarajeva, te namjeru za stvaranje okruženja transparentnosti u kojem će se steći povjerenje građana.

Razgovarano je i o Bistričkoj stanici, nekadašnjem reprezentativnom objektu velike historijske vrijednosti, koji će nakon rekonstrukcije koju je pokrenuo Grad Sarajevo, postati muzej, mjesto susreta i kulturnih događanja.

Istakavši da je EU veoma aktivna u promociji žene i uloge žene u društvu, ambasadorica Hartmann je izrazila zadovoljstvo što je na čelu Grada Sarajeva mlada, uspješna žena, te je izrazila uvjerenje da će izbor gđe Karić na funkciju gradonačelnice, sigurno ohrabriti njene sugrađanke da mogu postići značajne pozicije.

Ambasadorica je dodala da Vlada Austrije nastavlja da pomaže BiH i KS, kroz različite projekte, pri čemu je naglasila Projekat „Energetska efikasnost u javnim objektima KS“. Značaj ovog projekta se ogleda kroz zaštitu klime i okoliša, koji su uz stvaranje obnovljivih izvora energije neka od najvažnijih pitanja u EU, zbog čega je Vlada Austrije uvijek spremna podržati projekte koji imaju ovakav cilj.

Gradonačelnica je podsjetila na humane misije i partnerstvo Austrije, koja je u najtežim trenucima bila uz BiH i ostala vjeran prijatelj do danas. Zahvalila je na podršci Grada Beča sarajevskim vatrogascima i Grada Innsbrucka na sanitetskom vozilu u doba pandemije koronavirusa.

Prijemu je prisustvovala i šefica Ureda Grada Beča u Sarajevu Tijana Purgić koja je upoznala gradonačelnicu Karić sa aktivnostima tog Ureda, te ponudila svoju podršku u saradnji dva grada i realizaciji zajedničkih projekata.

Gradonačelnica je prihvatila poziv gradonačelnika Beča da posjeti austrijsku prijestolnicu.

Prijem ambasadorice SR Njemačke u BiH Margret Uebber, Sarajevo, 19.04.2021.

Gradonačelnica Sarajeva Benjamina Karić primila je u kurtoaznu posjetu ambasadoricu SR Njemačke Margret Uebber, u Vijećnici 19.04.2021. godine. Ambasadorica Uebber je čestitala gradonačelnici mandat, ističući prijateljstvo koje Njemačka oduvijek ima prema našoj zemlji, zatim dugogodišnju sadržajnu saradnju Sarajeva sa pobratimskim gradovima Friedrichshafenom, Magdeburgom i Wolfsburgom, te uspostavljanje prijateljskih veza i sa drugim njemačkim centrima.

Gradonačelnica Karić je zahvalila na svemu što je Vlada i narod Njemačke učinio za BiH i njen glavni grad. Istakavši značaj međunarodne gradske diplomatije kao važnog faktora razvoja gradova, Karić je potvrdila da će aktuelna gradska administracija nastaviti njegovati kulturnu, univerzitetsku i ekonomsku saradnju sa njemačkom ambasadom i gradovima.

Tokom susreta razgovaralo se i o projektima koje Grad Sarajevo namjerava realizovati u narednom periodu, poput izrade Strategije Grada Sarajeva, projekta „Čista rijeka Miljacka“ i obnove zgrade Vječne vatre, kao i o pomoći humanitarnim organizacijama koje pomažu osobama u potrebi i administrativnim reformama.

Sagovornice su razmijenile informacije i iskustva na temu koronavirusa, pri čemu je ambasadorica Uebber spomenula donacije kao dio njemačke podrške za suzbijanje pandemije u Sarajevu i BiH.

Prijem ambasadorice Republike Francuske Christine Toudic, Sarajevo, 20.04.2021.

Gradonačelnica Sarajeva Benjamina Karić ugostila je ambasadoricu Republike Francuske Christine Toudic u Vijećnici 20.04.2021. godine. Ambasadorica je izrazila zadovoljstvo što će saradivati sa gradonačelnicom kao mladom ženom na čelu Sarajeva te istakla da je osnaživanje žene na vlasti jako dobro za svaku zemlju.

Gradonačelnica Karić je zahvalila ambasadorici Toudic i njenoj zemlji na podršci koju pruža Sarajevu i Bosni i Hercegovini i na taj se način svrstava u red naših istinskih prijatelja. Gradonačelnica je dodala da je ponosna na postignutu saradnju u oblasti kulture, ali da još ima prostora da se ista proširi. Istakla je da razmjena zajedničkih ideja i inicijativa, kao i dobrih praksi gradova Francuske, vodi do konkretnih projekata od čije realizacije korist trebaju da imaju naši građani.

Sagovornice su podsjetile da puno zajedničkih interesa povezuje Sarajevo sa brojnim francuskim gradovima. Ovaj put razgovaralo se o uspostavljanju kontakata glavnog grada BiH sa Clermont-Ferrandom i Lyonom, u čemu će ambasadorica pružiti svoju podršku.

Ambasadorica smatra da bi sa jakom strategijom za razvoj turizma, posebno ekoturizma, Sarajevo kao odlična destinacija, moglo privući jako mnogo turista iz Francuske. Također je najavila održavanje online sastanka sa krovnom organizacijom francuskih poslodavaca, tokom kojeg će razgovarati sa 40 kompanija zainteresiranih za saradnju sa BiH, posebno sa gradom Sarajevom radi njegovih ogromnih potencijala i resursa.

Sastanak sa ambasadorom SAD u BiH Ericom Nelsonom, Sarajevo, 20.04.2021.

Gradonačelnica Sarajeva Benjamina Karić sastala se 20.04.2021. godine sa ambasadorom SAD u BiH Ericom Nelsonom, koji joj je čestitao na imenovanju. Tokom susreta u Vijećnici izraženo je obostrano zadovoljstvo zbog uspješne saradnje između Grada Sarajeva i Ambasade SAD u prethodnom periodu, kao i uvjerenje da će se ona nastaviti.

Gradonačelnica se zahvalila na nesebičnoj i kontinuiranoj podršci Vlade SAD Sarajevu i BiH, te istakla da je Ambasada SAD realizovala brojne programe i projekte u interesu građana našeg grada.

Ambasador Nelson pozdravio je aktivnosti gradonačelnice Karić koje je poduzela na samom početku svog mandata, koje ukazuju na njenu odlučnost i spremnost da rad organa Grada Sarajeva svakom građaninu, u svakom trenutku, bude transparentan. Istakao je važnost uvođenja sistema e-uprave, koja također garantuje transparentnost u radu, bržu, efikasniju elektronsku javnu upravu, naročito u vrijeme pandemije. Također je kazao da se raduje saradnji s administracijom na vladavini zakona, ekonomskim i drugim reformama koje će poboljšati život građana.

Razgovarajući o uspostavljanju saradnje Grada Sarajeva sa američkim gradovima, ambasador je podvukao značaj povezivanja sa bh. dijasporom, koja kao ambasador BiH širom svijeta, ima važnu ulogu, a time i uticaj na obnovu i razvoj, između ostalog, i lokalne zajednice.

Sagovornici su izrazili obostrano zadovoljstvo predstojećom saradnjom koja bi trebala unaprijediti život građana u glavnom gradu BiH.

Prijem ambasadora Japana Ito Makota, Sarajevo, 20.04.2021.

Gradonačelnica Sarajeva Benjamina Karić primila je ambasadora Japana Ito Makota, te Prvog sekretara ambasade Japana u BiH Saito Atsushia, u Vijećnici 20.04.2021. godine. Ambasador Makoto je gradonačelnici poželio uspješan mandat na čelu glavnog grada BiH, uz obećanje da će

Vlada Japana nastaviti sa pružanjem pomoći i jačanjem prijateljskih i bliskih kontakata. Kazao je da je siguran da će se dolaskom mlade gradonačelnice saradnja dodatno intenzivirati, te da projekti podrške na lokalnom nivou u svim oblastima neće izostati u predstojećem periodu.

Gradonačelnica Karić je izrazila zahvalnost građana Sarajeva i BiH Vladi i narodu prijateljskog Japana za sve što su učinili kao jedan od najvećih bilateralnih donatora, naročito u oblasti obrazovanja, zdravstva, zaštite okoliša i turizma. Istakla je da je Grad Sarajevo otvoren za saradnju sa japanskim gradovima, te da će gradska administracija u okviru svojih mogućnosti posredovati u daljem razvoju privredno-ekonomskih veza te još čvršćim i konkretnijim vidovima partnerstva na kulturnom, turističkom i svakako privrednom planu.

Ambasador Makoto je istakao da će učiniti sve da privuče u BiH što više poslovnih ljudi i turista, kako bi se što bolje upoznali sa historijom i bogatom kulturom i tradicijom.

Prijem šefa Delegacije EU u BiH i specijalnog predstavnika EU, Sarajevo, 20.04.2021.

Gradonačelnica Sarajeva Benjamina Karić sastala se sa šefom Delegacije EU u BiH i specijalnim predstavnikom EU ambasadorom Johannom Sattlerom, u Vijećnici, 20.4.2021. godine. Sattler je gradonačelnici čestitao mandat na čelu glavnog grada BiH, te iskazao uvjerenje da zajedno mogu konstruktivno djelovati za dobrobit građana Sarajeva, naglašavajući da je Evropska unija bila i ostaje lojalni partner kako BiH, tako i Grada Sarajeva.

Gradonačelnica je pozdravila intenziviranje saradnje koja će doprinijeti većoj transparentnosti, te primjeni reforme javne administracije kao jednog od prioriteta u radu, istakavši da će Grad Sarajevo pokazati čvrstu i trajnu opredijeljenost u zajedničkoj realizaciji projekata i prilagođavanju standardima i propisima EU.

Ambasador Sattler je spomenuo važne infrastrukturne projekte kao što su vodosnabdijevanje i uskotračna pruge Sarajevo - Pale koji će biti dodatna atrakcija za sve građane, te predložio da se u narednom periodu sastanu gradonačelnici Sarajeva, Mostara i Banja Luke, te razgovaraju o unapređenju međugradske saradnje. Jedan od prioriteta zajedničkog djelovanja je i projekat obnove zgrade Vječne vatre gdje će Evropska unija imati sjedište „Europe House”.

Razgovarano je i o obilježavanju 9. maja – Dana Evrope i Dana pobjede nad fašizmom, koji će Grad Sarajevo obilježiti u Vijećnici prigodnim programom, u okviru kojeg će se obratiti i ambasador Sattler.

Prijem ambasadorice Republike Češke Ivane Hlavsove, Sarajevo, 04.05.2021.

Ambasadoricu Češke Republike u BiH Ivanu Hlavsovu primili su gradonačelnica Benjamina Karić i njen zamjenik Haris Bašić, u Vijećnici 04.05.2021. godine. Ambasadorica Hlavsova je novom gradskom rukovodstvu poželjela uspješan mandat uz želje da se tradicionalni historijski i prijateljski odnosi BiH sa Češkom i dalje uspješno razvijaju.

Gradonačelnica se zahvalila ambasadorici, Češkoj Republici i njenom narodu na velikoj podršci BiH, te istakla da je grad Sarajevo uvijek bio historijski i prijateljski vezan za Prag i ostale češke gradove. Kazala je da je sarajevska Vijećnica, jedan od simbola glavnog grada BiH iz doba austrougarske vladavine, projekat poznatog češkog arhitekta Karla Paržika. Paržik je dao veliki doprinos urbanizaciji i izgradnji Sarajeva, a obzirom da se u junu 2022. godine obilježava 80. godišnjica njegove smrti, sagovornice su se složile da bi se ta godišnjica trebala zajednički obilježiti.

Govoreći o projektima, Hlavsova je istakla da je u fokusu djelovanja češke ambasade okoliš, kvalitet zraka, otpad i green agendu. Gradonačelnica je spomenula projekat rekonstrukcije Opservatorija na Trebeviću, za koji je ambasadorica rekla da je Češka ambasada spremna pružiti tehničku podršku. Spomenuti su i raniji zajednički projekti kao što je Smart City i ostali.

Gradonačelnica i zamjenik Bašić su istakli da će se BiH uvijek sjećati Predsjednika Havela jer je bio istinski borac za BiH i prvi državnik koji je prespavao u BiH 1995. godine.

Prijem ambasadora Kraljevine Nizozemske dr. Reinout Vosa, Sarajevo, 05.04.2021.

Ambasadora Kraljevine Nizozemske Reinout Vosa primili su gradonačelnica Benjamina Karić i njen zamjenik Haris Bašić, u Vijećnici 05.04.2021. godine. Ambasador Vos je poželio novom gradskom rukovodstvu uspješan mandat, te istakao da je transparentnost koju zagovara gradonačelnica Karić najbolji put za vraćanje povjerenja građana u vlast.

Karić je zahvalila na velikoj podršci Kraljevine Nizozemske BiH, pozdravila je interes Ambasade da doprinese razvoju bh. prijestolnice, ali i intenziviranju njenih odnosa sa Gradom Den Haagom. Kazala je da je upravo arhiva Haškog tribunala jedna od najvećih vrijednosti kojima Grad Sarajevo raspolaže.

Gradonačelnica je upoznala sagovornika sa projektima Grada Sarajeva, kao što su rekonstrukcija Opservatorija na Trebeviću i Kasarne Jajce, i projekat „Čista rijeka Miljacka“. Ambasador Vos je pozdravio planove i ideje koje zastupa gradska administracija sa gradonačelnicom Karić na čelu, te istakao važnost vladavine prava, kojom se u kombinaciji sa takvim projektima može zadržati omladina u BiH. Tokom susreta razgovarano je i o postavljanju spomen ploče na Kazanima.

Prijem ambasadora AR Egipat Yassera Abdelrahmana Ali Soroura, Sarajevo, 06.05.2021.

Gradonačelnica Benjamina Karić sa zamjenikom Harisom Bašićem upriličila je 06.05.2021. godine prijem za ambasadora AR Egipat Yassera Abdelrahmana Ali Soroura, koji je im je poželio uspješan mandat.

Tokom sastanka izraženo je obostrano zadovoljstvo dosadašnjim bilateralnim vezama između dvije zemlje, kao i njihovih prijestolnica, Sarajeva i Kaira. Ocijenjeno je da se obnovom „Sporazuma o saradnji između Grada Sarajeva i Grada Kaira“, koji je potpisan u Kairu 18.11.2006. godine, tradicionalno dobri prijateljski odnosi mogu dodatno osnažiti i proširiti, posebno u oblasti turizma, kulture, te razmjenom i promocijom autentičnih kulturno-historijskih vrijednosti dva grada. Istaknuto je da je potrebno čim prije aktuelizirati i nadograditi Sporazum.

Gradonačelnica Karić je navela da će novo gradsko rukovodstvo nastaviti raditi na povezivanju gradova iniciranjem konkretnih projekata, manifestacija i poslovnih susreta, što će omogućiti mnogo veću turističku, kulturnu i privrednu razmjenu u oba pravca. Naglasila je da će se u proces uključiti i Turistička zajednica KS, kako bi pomogla u turističkom povezivanju Kaira i Sarajeva.

U narednom periodu, kada se stvore uslovi u odnosu na epidemiološku situaciju, pored susreta gradskih delegacija, turističkih djelatnika i privrednika, planirat će se i aktivnosti na organizaciji turističkih i kulturno-umjetničkih događaja te turističkih tura.

Prijem šefice Misije OSCE-a u BiH, ambasadorice Kathleen Kavalec, Sarajevo, 06.05.2021.

Gradonačelnica Benjamina Karić i zamjenik gradonačelnice Haris Bašić primili su ambasadoricu i šeficu Misije OSCE-a u BiH Kathleen Kavalec, u Vijećnici 06.05.2021. godine.

Gradonačelnica Karić je upoznala ambasadoricu Kavalec sa aktuelnim gradskim infrastrukturnim projektima, kao i o prioritetnim i budućim razvojnim planovima u korist građana Sarajeva. Istakla je da će glavni fokus rada Gradske uprave biti na transparentnosti i izradi Strategije razvoja Grada Sarajeva, te potvrdila svoju posvećenost jačanju veza Sarajeva sa drugim gradovima u BiH.

Ambasadorica Kavalec istakla je dosadašnju uspješnu saradnju sa Grada Sarajeva. Poručila je da Misija OSCE-a u BiH ostaje posvećen partner novoj gradskoj administraciji i pružat će podršku unapređenju standarda života građana i građanki, u skladu sa svojim mandatom.

Razgovarano je i o postavljanju spomen ploče na Kazanima, natpisu na Vijećnici, o budućim projektima i saradnji na socijalnoj koheziji i pomirenju, kao i gender action planu, te je dogovorena komunikacija na te teme između OSCE-a i Grada.

Prijem predstavnika Ambasade IR Iran iz oblasti kulture i ekonomije, Sarajevo, 07.05.2021.

Pomoćnica gradonačelnice za obrazovanje, kulturu, sport i mlade Amina Deljković, održala je u prostorijama Gradske uprave Grada Sarajeva 07.05.2021. godine, sastanak sa konzulom za kulturu IR Iran Amirom Hosseini Nourijem i šefom Odjela za ekonomiju u Ambasadi IR Iran Džaberom Vasikom.

Na početku sastanka, Deljković je izrazila zadovoljstvo dosadašnjom saradnjom i prijateljskim odnosima između Grada Sarajeva i Ambasade IR Iran, te uopće između BiH i IR Iran.

Razmijenjena su mišljenja o uticaju pandemije na različite segmente života i djelovanja u obje države, sa naročitim osvrtom na kulturu, za koju je ocijenjeno da je pretrpila najveće posljedice.

Konzul za kulturu IR Iran je istakao da je i u toku pandemije kultura pronašla svoj put, te se promovirala i prezentirala u virtuelnoj formi. Tradicionalni „Dani kulture Irana“ u BiH, koji su zbog pandemije izostali 2020., a 2021. godine održani su online sa velikim brojem pratitelja putem društvenih mreža, a cilj je da se ova manifestacija naredne godine održi u prisustvu zvanica.

Razgovarano je o unaprjeđenju saradnje glavnog grada BiH sa iranskim gradovima, kao što su Teheran, sa kojim Grad Sarajevo ima uspostavljene pobratimske odnose od 2016. godine, te Isfahan sa čijim zvaničnicima je delegacija Grada Sarajeva, prilikom posjete 2019. godine, razgovarala o mogućnostima saradnje, s posebnim akcentom na kulturno-historijsko nasljeđe, turizam, zaštitu okoliša, ekonomiju, privredu i kulturnu baštinu.

Govoreći o unaprjeđenju ekonomske saradnje, Džaber Vasik je predložio da za potrebe asfaltiranja i druge potrebe BiH razmotri mogućnost uvoza bitumena iz Irana. Deljković je kazala da Grad Sarajevo nema nadležnosti u toj oblasti, ali da može taj prijedlog prenijeti drugim relevantnim subjektima.

Prijem ambasadora NR Kine u BiH Ji Pinga, Sarajevo, 07.05.2021.

Gradonačelnica Sarajeva Benjamina Karić sa zamjenikom Harisom Bašićem, upriličila je 07.05.2021. godine prijem za ambasadora NR Kine u BiH Ji Pinga, koji im je poželio uspješan mandat.

Gradonačelnica Karić se zahvalila na svemu što NR Kina čini za BiH i njen glavni grad, a tokom razgovora razmotrena je dosadašnja uspješna saradnja Sarajeva sa Pekingom i Tianjinom. Posebno su istaknute veze Sarajeva i Tianjina, koji ove godine obilježavaju 40 godina bratimljenja.

Gradonačelnica je predložila da Sarajevo proširi veze i sa drugim kineskim gradovima sličnim Sarajevu, te je upoznala ambasadora sa gradskim projektima, poput renoviranja kasarne Jajce, rekonstrukcije opservatorija na Trebeviću, projektom „Čista rijeka Miljacka“, a koje će, između ostalog, voditi nova gradska administracija.

U Paviljonu prijateljstva, kojeg je Sarajevo 2019. godine dobilo na poklon od Tianjina, planirano je i održavanje kulturnih i sportskih događaja u organizaciji Grada Sarajeva i Ambasade NR Kine. Podsjetio je da Grad Tianjin očekuje realizaciju projekta instaliranja replike sarajevskog sebilja u tom gradu, te da bi bilo dobro da se to ostvari tokom godine u kojoj dva grada obilježavaju 40. godišnjicu pobratimskih odnosa.

U fokusu ovog sastanka bila je i organizacija 5. Foruma gradonačelnika glavnih gradova Srednje i Istočne Evrope i NR Kine, planiranog za drugu polovinu 2021. godine.

Ambasador je najavio i održavanje Međunarodnog okruglog stola pobratimskih gradova i Foruma o urbanom upravljanju, koji će se u organizaciji Grada Tianjina održati online 19.5.2021. Gradonačelnica Karić je prihvatila poziv da sudjeluje u okviru Foruma o urbanom upravljanju, dok je kineski ambasador ocijenio da je od izuzetnog značaja učešće Grada Sarajeva u tom događaju.

Ambasador Ji Ping je spomenuo da je Grad Peking je izrazio želju da sadnice kineskog cvijeća budu dio prve botaničke bašte na području gradskog parka Jezero na Betaniji.

Prijem ambasadora Republike Italije Nicole Minasija, 11.05.2021.

Gradonačelnica Sarajeva Benjamina Karić sa zamjenicima Anjom Margetić i Harisom Bašićem, primila je ambasadora Republike Italije Nicolu Minasija i njegovog zamjenika Mattea Evangelistu, u Vijećnici 11.05.2021. godine. Ambasador Minasi je poželio uspješan mandat novom gradskom rukovodstvu, te prenio čestitke gradonačelnice Grada Rima Virginie Raggi, na izboru.

Na početku razgovora istaknute su tradicionalno bliske veze sa pobratimskim italijanskim gradovima, među kojima su Napulj, Ferrara, Venecija, Prato i Collegno, te želja za unaprjeđenjem istih kroz nove projekte.

Gradonačelnica Karić je upoznala ambasadora Minasija sa trenutnim projektima Grada Sarajeva. Obje strane su iskazale interes za aktueliziranjem kulturološkog projekta Ars Aevi, koji je od velikog značaja za italijansku ambasadu, a koji nova gradska administracija u saradnji sa Kantonom Sarajevo želi dodatno intenzivirati.

Minasi je predočio svoju ličnu ideju da se u Sarajevu napravi veliki spomenik/park za sve žrtve, a također je spomenuta i mogućnost finansiranja mobilnosti u Sarajevu iz EBRD-a.

Obzirom da ambasadoru mandat traje do polovine juna 2020. godine, te da je ova posjeta ujedno i oproštajna, Karić je Minasiju poželjela uspješan nastavak diplomatske karijere.

Prijem ambasadora Rumunije Antona Păcurețua, 11.05.2021.

Gradonačelnica Sarajeva Benjamina Karić sa zamjenicima Anjom Margetić i Harisom Bašićem upriličila je 11.05.2021. godine prijem za ambasadora Rumunije Antona Păcurețua, koji im je poželio uspješan mandat, te je naglasio da je Grad Sarajevo značajan Bukureštu i Rumuniji sa tri aspekta: susjedskog, regionalnog i EU aspekta.

Na početku razgovora razmotrena je dosadašnja saradnja Sarajeva sa Rumunijom, njenim glavnim gradom Bukureštom, te sa ostalim rumunjskim gradovima. Rumunija daje snažnu podršku proširenju Evropske unije, teži ka saradnji na konkretnim projektima, kao što su iskustva na području EU fondova koji su gradovi Rumunije stekli u prethodnom periodu.

Gradonačelnica je upoznala ambasadora sa aktuelnim i planiranim projektima Gradske uprave, te izrazila nadu da će Rumunija biti partner Grada Sarajeva u projektima.

Ambasador Păcurețu je upoznao gradonačelnicu sa Clujom, kao brzorastućim gradom u Rumuniji, te da ima mnogo iskustava pogotovo u IT sektoru koje bi mogao prenijeti Gradu Sarajevu. Zamjenik gradonačelnice Bašić je pozdravio tu ideju moguće saradnje, rekavši da upravo IT sektor ima najveći rast.

Sastanak sa šeficom političkog odjela EUSR Elisabet Tomasinec, Sarajevo, 17.05.2021.

Gradonačelnica Sarajeva Benjamina Karić sa zamjenikom Harisom Bašićem, primila je u Vijećnici 17.05.2021. godine delegaciju Ureda Specijalnog predstavnika EU (EUSR) koju su činili šefica političkog odjela Elisabet Tomasinec, politički savjetnik misije UN u BiH Ivan Lupis, te političke savjetnice Ureda Specijalnog predstavnika EU Sanja Stanojević i Firuze Demir.

Tokom sastanka razgovarano je o potencijalnim projektima koji bi uključivali saradnju između gradova Sarajevo, Istočno Sarajevo, Banjaluka i Mostar, sa fokusom na pomirenju i dijalogu, turizmu, ekonomiji, sportu i kulturi. Sagovornici su se složili da je uspješna organizacija Evropskog olimpijskog festivala za mlade (EYOF) 2019 pozitivan primjer doprinosa gradova Sarajevo i Istočno Sarajevo saradnji, miru i dijalogu.

Gradonačelnica je istakla spremnost i namjeru da tokom svog mandata unaprijedi saradnju sa bh. gradovima radeći na konkretnim i održivim projektima, te sa ciljem da se okupe mladi ljudi oko zajedničkih projekata u oblasti sporta, kulture i nauke.

Razgovarano je o pozitivnim efektima nedavne posjete gradonačelnice Gradu Mostaru, te o predstojećoj posjeti Gradu Banjaluci.

Politička savjetnica EUSR Sanja Stanojević predložila je saradnju u okviru programa TAIEX, gdje će Grad Sarajevo, uz podršku odgovarajućeg EUSR eksperta, poboljšati funkcionisanje gradske administracije u različitim oblastima, po uzoru na Zenicu, Bihać i Gračanicu.

Prijem ambasadorice Kraljevine Švedske Johanna Strömquist, Sarajevo, 27.05.2021.

Ambasadorica Kraljevine Švedske u BiH Johanna Strömquist, Prvi i Drugi sekretar u Ambasadi, Annelie Stiglund i Lisa Curman, bile su gošće gradonačelnice Sarajeva Benjamine Karić i njenih zamjenika Anje Margetić i Harisa Bašića, u Vijećnici 27.05.2021. godine.

Uz neupitnu solidarnost i zadovoljstvo činjenicom da je na čelu glavnog bh. grada mlada i energična žena, ambasadorica je gradonačelnici i novom gradskom rukovodstvu uputila iskrene čestitke na mandatu.

Tokom sastanka razgovarano je o transparentnosti rada nove gradske administracije, borbi protiv korupcije, o izradi Strategije razvoja Grada Sarajeva, te projektima na koje je Grad fokusiran, poput: Bistričke stanice, Vidikovca, projekta „Čista rijeka Miljacka“, rekonstrukcije opservatorija, zgrade Vječne vatre i Kasarne Jajce.

Ambasadorica je ukratko predstavila angažman Kraljevine Švedske u BiH, te projekte koje ta prijateljska država podupire u našoj državi, kao što su ekonomski razvojni projekti, zaštita okoliša, projekti energetske efikasnosti, demokratija, ljudska prava, rodna ravnopravnost, miroljubivo društvo. Istakla je značaj bh. dijaspore koja je uspješno integrirana u švedsko društvo.

Ambasadorica je napomenula da razvijena zemlja poput Švedske zasigurno vidi budućnost inovativnih rješenja i pametnih gradova u BiH, ali da razmjena iskustava i realizacija projekata treba biti usmjerena i ka boljem okolišu, smanjenju utjecaja klimatskih promjena, te jačanju demokratskih procesa i ljudskih prava.

Dobri odnosi sa Švedskom i njenim glavnim gradom datiraju još od Sporazuma o saradnji koji su čelnici Grada Sarajeva i Grada Štokholma potpisali 1997. godine. Prijateljskim odnosima dvije zemlje doprinijela je i službena posjeta prestolonasljednice Kraljevine Švedske, princeze Victorije i njenog supruga, princa Daniela Westlinga u novembru 2019. godine.

Sastanak sa predstavnicima UNDP u BiH, Sarajevo, 28.05.2021.

Gradonačelnica Sarajeva Benjamina Karić i zamjenik gradonačelnice Haris Bašić, održali su 28.05.2021. godine sastanak sa rezidentnom predstavnicom UNDP-a u BiH Stelianom Nederom, glavnim tehničkim stručnjakom i voditeljem projekta „Smart City UNDP“ Marinom Dimovom, te voditeljicom sektora za ruralni i regionalni razvoj Adelom Pozder-Čengić.

„Future (& smart) City“, „Food waste“ i digitalna transformacija, bile su samo su neke od tema razgovora, a razmijenjena su iskustva i prijedlozi za nova praktična, primjenjiva i inovativna rješenja.

Gradonačelnica Karić je istakla da će Grad Sarajevo posebnu pažnju posvetiti projektima koji imaju za cilj jačanje lokalne samouprave i aktivno učestvovanje građana u poslovima od javnog značaja, te da u saradnji sa UNDP-em leži veliki potencijal za poboljšanje kvalitete života građana. Izrazila je zadovoljstvo zajedničkom saradnjom u stvaranju „pametnog Sarajeva“.

Nedera, Dimova i Pozder-Čengić su predstavile strateške prioritete UNDP-a u BiH, te izrazile interes za potpisivanje novog Memoranduma o razumijevanju sa Gradom Sarajevo. Istakle su da bi se na taj način ubrzale i konkretizovale aktivnosti na ostvarenju Agende 2030, Strategije razvoja Grada i ciljeva održivog razvoja.

Sesija političkih direktora zemalja članica UO Vijeća za provedbu mira (PIC), 01.06.2021.

Gradonačelnica Sarajeva Benjamina Karić učestvovala je 01.06.2021. u sesiji političkih direktora zemalja članica Upravnog odbora Vijeća za provedbu mira (PIC), koja je na temu unapređenja lokalne samouprave koja značajno može doprinijeti pozitivnim procesima u cijeloj zemlji. Gradonačelnica Karić je izrazila uvjerenje da je ovo početak boljih i kvalitetnijih promjena u upravljanju bh. gradovima u čijem fokusu uvijek i prvenstveno moraju biti građanke i građani.

Otvorenje Kulturno-medijskog centra Udruženja „Orijent“, Sarajevo, 02.06.2021.

Svečanim presijecanjem vrpce, zamjenik gradonačelnice Sarajeva Haris Bašić, zajedno s vršiocem dužnosti ambasadora Kuwaita u BiH, N.J.E. Hamad bin Aidanom, otvorio je Kulturno-medijski centar Udruženja za afirmaciju moralnih, kulturnih i intelektualnih vrijednosti „Orijent“, 02.06.2021. godine.

Bašić se u svom obraćanju zahvalio na svemu što je Država Kuwait do sada uradila za BiH i njen glavni grad, te izrazio uvjerenje da će se kroz partnersko i institucionalno djelovanje nastaviti sa realizacijom konkretnih projekata uz nastavak investiranja od strane te prijateljske države.

Centar „Abdullah Mutlak el-Musejlim“ je rezultat dugogodišnjeg rada „Orijenta“ koji se temelji na izgradnji moralne, kulturne i intelektualne slike društva, ne samo u bh. prijestolnici, nego i u cijeloj BiH. Otvorenje je upriličeno uz pomoć i razumijevanje prijateljskog naroda i Ambasade Države Kuwait.

Predstavljanje prevoda knjige Jasminka Halilovića „Djetinjstvo u ratu“, Sarajevo, 03.06.2021.

Na poziv ambasadorice Republike Francuske u BiH, zamjenica gradonačelnice Anja Margetić prisustvovala je predstavljanju francuskog izdanja knjige Jasminka Halilovića „Djetinjstvo u ratu“, koje je održano u francuskoj rezidenciji 03.06.2021. godine.

U knjizi „Djetinjstvo u ratu“ autor je predstavio više od 1.000 kratkih sjećanja koje je prikupio od više od 1.000 ljudi čija je djetinjstva obilježio rat. Objavljivanje ove knjige 2013. godine prethodilo je razvoju Muzeja ratnog djetinjstva, a prije francuskog objavljena je na bosanskom, engleskom, poljskom, japanskom, njemačkom, te prevedena na italijanski jezik.

Na predstavljanju knjige obratili su se Christine Toudic, ambasadorica Francuske, Dženana Salihović, prevoditeljica knjige na francuski jezik, Jasminka Halilović, osnivač i direktor Muzeja ratnog djetinjstva, te Samir Avdić, ministar kulture i sporta Kantona Sarajevo.

Predstavljanje projekta „Odgovorna politika sa ljudskim licem“, Sarajevo, 11.06.2021.

Gradonačelnica Sarajeva Benjamina Karić je zajedno sa zamjenicima Harisom Bašićem i Anjom Margetić, te ambasadorom UK Velike Britanije i Sjeverne Irske Matthew Fieldom, 11.06.2021. godine bila domaćin sastanka sa članovima diplomatskog kora na kojem je predstavljen početak projekta „Odgovorna politika sa ljudskim licem“.

Njegovom realizacijom, Grad Sarajevo će postati prva institucija u BiH, ali i jedna od rijetkih u ovom dijelu Evrope koja će građanima u potpunosti staviti na uvid sve novčane transakcije.

Svjesna ogromnih zloupotreba javnog novca od kojih samo rijetke dobiju sudski epilog, a krivci adekvatnu sankciju, gradonačelnica je donijela odluku da omogući građanima stalno praćenje potrošnje njihovog novca i na taj način konkretizira svoje obećanje o transparentnoj gradskoj upravi. U narednom periodu će biti finalizirana i web stranica čiji će sadržaj upotpuniti sve novčane transakcije, kako prihode, tako i plaćanja iz gradskog budžeta.

Sastanku su osim ambasadora Fielda prisustvovali: ambasador Norveške Olav Reinertsen, ambasadorica Švedske Johanna Strömquist, direktorica misije USAID BiH Nancy Eslick, predstavnik UNDP-a Edis Arifagić, šef političkog odjela ambasade Švicarske Haris Lokvančić, te zastupnik u Parlamentarnoj skupštini BiH Saša Magazinović.

Sastanak sa ambasadorom Ruske Federacije Igorom Kalabuhovim, Sarajevo, 18.06.2021.

Gradonačelnica Sarajeva Benjamina Karić sa zamjenicima Harisom Bašićem i Anjom Margetić, ugostila je ambasadora Rusije u BiH Igora Kalabuhov, u Vijećnici 18.06.2021. Tokom otvorenog i konstruktivnog razgovora, ukazali su na značaj dobre bilateralne saradnje između BiH i Ruske Federacije koja je jako bitan partner za našu zemlju te su konstatairali da je saradnju potrebno nastaviti na svim poljima, posebno njegujući prijateljske odnose Sarajeva i Moskve.

Gradonačelnica Karić je kazala da je Grad Sarajevo otvoren za saradnju sa prijestolnicom, ali i svim drugim gradovima Ruske Federacije kroz realizaciju sportskih, obrazovnih, a posebno kulturnih projekata. Podsjetila je na činjenicu da ruski St. Petersburg čuva naslijeđe dokumenta koji i jeste temeljni dokaz postojanja Bosne i Hercegovine, Povelju Kulina bana.

Gradonačelnica je ambasadora upoznala sa procesima koje će aktuelna gradska administracija pokrenuti, posebno istakavši projekat čiste rijeke Miljacke, Bistričku stanicu i Vidikovac koji će uskoro biti finalizirani, rekonstrukciju zgrade Vječne vatre u saradnji sa delegacijom EU, kasarnu Jajce te uređenje spomen parka Vraca koji baštini antifašističko naslijeđe ovog grada.

Spomenuli su i svečani koncert Moskovskog kamernog orkestra „Schnittke“ održan u Vijećnici kao rezultat potpisanog Protokola o saradnji između Grada Sarajeva i Centralnog administrativnog okruga Moskva.

Ambasador Kalabuhov je pozdravio transparentan rad koji Karić njeguje, osvrnuvši se na potpisan Sporazum sa Uredom za borbu protiv korupcije, ali i važnu strategiju Grada i UNDP-a.

Sastanak sa Isabelle Dumont, savjetnicom Predsjednika Republike Francuske, 21.06.2021.

Gradonačelnica Benjamina Karić primila je 21.06.2021. Isabelle Dumont, savjetnicu francuskog predsjednika Emmanuela Macrona, koja je došla u pratnji ambasadorice Republike Francuske Christine Toudic i Guillaumea Roussona, šefa misije Direkcije za kontinentalnu Europu.

Na sastanku je bilo riječi o reformama u BiH na putu za Evropsku uniju. Gradonačelnica je izrazila zadovoljstvo dosadašnjom saradnjom između dvije zemlje i zahvalila na prijateljstvu i podršci koju Francuska pruža BiH na njenom putu prema članstvu u Evropskoj uniji. Isabelle Dumont je istakla da predsjednika Macrona zanima konkretna podrška zemljama regiona na putu prema europskim integracijama i da u budućnosti vidi zemlje regiona kao punopravne članice EU.

Gradonačelnica je rekla da će tokom svog mandata nastaviti projekte koje su započeli njeni prethodnici i započeti nove projekte, među kojima je projekt čista rijeka Miljacka. Navela je da Grad Sarajevo nema mnogo nadležnosti, ali da su one koje ima od velikog značaja za građane, poput donošenja regulacionih planova, koji direktno utiču na život građana.

Razgovarano je, također, o mogućnosti uspostavljanja saradnje s francuskim gradom Clermont Ferrandom koji ima dosta sličnosti sa Sarajevom i na čijem čelu je također žena.

Prijem ambasadora Švicarske Konfederacije Daniela Hunna, 28.06.2021.

Gradonačelnica Sarajeva Benjamina Karić primila je 28.06.2021. godine u nastupnu posjetu ambasadora Švicarske Konfederacije Daniela Hunna. Gradonačelnica je izrazila zadovoljstvo uspješnom saradnjom između Grada Sarajeva i Ambasade Švicarske Konfederacije i zahvalila na kontinuiranoj podršci koju Švicarska pruža gradu Sarajevu i BiH, te upoznala ambasadora sa aktuelnim i projektima koje ova gradska administracija planira uraditi.

Ambasador Hunn je poželio uspješan mandat gradonačelnici izrazivši zadovoljstvo što se na čelu grada nalaze mladi ljudi. Istakao je značaj povezivanja sa bh. dijasporom, koja predstavlja važnu poveznicu u kvalitetnim odnosima Švicarske i BiH, a time ima i važnu ulogu i uticaj na razvoj i lokalne zajednice, pogotovo u sektoru turizma.

Poseban naglasak je stavljen na uspješnu saradnju između Grada Sarajeva i Grada Zuricha u okviru projekta Urbane transformacije Sarajeva koji implementira Švicarski državni Institut za tehnologiju ETH Zurich.

Sastanak sa gradonačelnicima Sarajeva, Banja Luke i Mostara, Sarajevo, 04.07.2021.

Gradonačelnici Sarajeva, Banje Luke i Mostara, Benjamina Karić, Draško Stanivuković i Mario Kordić sastali su se u Sarajevu 04.07.2021. godine sa zamjenikom pomoćnika državnog sekretara SAD za Evropu i Evroaziju Matthewom Palmerom, direktoricom za Zapadnu Evropu, Zapadni Balkan, Tursku i Ujedinjeno Kraljevstvo pri Evropskoj službi za vanjske poslove Angelinom Eichhorst i šefom delegacije EU u BiH Johannom Sattlerom.

Gradonačelnici su vodećim dužnosnicima EU i SAD-a predložili važna pitanja za svoje gradove, ali i ono na čemu zajednički planiraju raditi kroz saradnju na polju kulture, sporta i turizma.

Sastanak u rezidenciji ambasadora NR Kine Ji Pinga, Sarajevo, 06.07.2021.

Na poziv ambasadora NR Kine u BiH Ji Pinga, gradonačelnica Benjamina Karić i zamjenica gradonačelnice Anja Margetić, prisustvovala su 06.07.2021. godine obilježavanju stote godišnjice osnivanja Komunističke partije Kine (KPK).

U rezidenciji ambasadora razgovarano je o globalnoj misiji koju Partija Kine zagovara jedno cijelo stoljeće. Ping je istakao da ovim obilježavanjem počinje novi historijski početak, ali i da „KPK ohrabren željom za revolucionarnim promjenama, čvrsto stoji uz svoj narod”. Zahvalio je gradonačelnici, njenoj zamjenici Margetić i premijeru KS Edinu Forti na izdvojenom vremenu, još jednom istakavši kontinuirano dobru saradnju Grada Sarajeva sa kineskim gradovima.

U sklopu obilježavanja jubileja, organiziran je i online Samit KPK sa drugim političkim strankama kojim predsjedava Si Đinping. Proteklih 100 godina, Komunistička partija Kine je od male organizacije sa pedesetak članova prerasla u veliku partiju koja danas broji preko 91 milion članova i 4,6 miliona mjesnih ogranaka.

Nacionalni praznik Republike Francuske, Sarajevo, 14.07.2021.

Na poziv ambasadorice Republike Francuske u BiH Christine Toudic, zamjenica gradonačelnice Anja Margetić, prisustvovala je svečanom obilježavanju 14. jula – Dana Republike Francuske, koje je održano u rezidenciji ambasade Francuske.

Sastanak sa državnim sekretarom Ministarstva vanjskih i evropskih poslova Republike Slovačke i ambasadorom Republike Slovačke, Sarajevo, 21.07.2021.

Gradonačelnica Sarajeva Benjamina Karić je sa zamjenicima Harisom Bašićem i Anjom Margetić ugostila delegaciju državnog sekretara Ministarstva vanjskih i evropskih poslova Republike Slovačke Martina Klusa te ambasadora Republike Slovačke u BiH Martina Kaču i njegovog zamjenika Patrika Turošika, u Vijećnici 21.07.2021. godine.

Razgovarano je o lokalnim projektima kao dijelom razvojne saradnje Slovačke i BiH te o njihovoj implementaciji u Sarajevu s ciljem osiguravanja što efikasnijeg sistema finansiranja glavnih gradova, ali i jačanja njihove uloge u procesu lokalnog, ekonomskog razvoja.

Gradonačelnica Karić je istakla da su hvale vrijedni kontinuirani naponi Republike Slovačke u podršci BiH ka EU i NATO integracijama. Također je naglasila da građane naše dvije zemlje vežu tradicionalne i duge veze, te da je zajednički cilj razvijanje bilateralnih odnosa posebno glavnih gradova Sarajeva i Bratislave.

Podsjetivši kako Grad Sarajevo dijeli članstvo sa gradovima Slovačke Republike u brojnim međunarodnim asocijacijama, gradonačelnica je istakla zadovoljstvo što je Sarajevo prepoznato kao grad koji svojom multietničkom tolerancijom može snažno utjecati na razvijanje i jačanje saradnje između građana, regija i država, te izrazila nadu da će ova članstva otvarati prostore za nove dijaloge.

Gradonačelnica je upoznala Klusa i sa administrativno-pravnim položajem Sarajeva kao glavnim gradom BiH, načinom na koji funkcionira, njegovom teritorijalnom organizacijom, nadležnostima i izvorima finansiranja te realizacijom aktuelnih, kapitalnih projekata.

Uvažavajući činjenicu da glavni gradovi trebaju biti nosioci pozitivnih utjecaja na ukupne demokratske i druge tranzicijske procese, Klus je predložio da gradonačelnica Karić dođe u službenu posjetu gradonačelniku Bratislave Matúšu Vallo.

Prijem Visokog predstavnika u BiH Christiana Schmidta, Sarajevo, 31.07.2021.

Gradonačelnica Sarajeva Benjamina Karić ugostila je u Vijećnici 31.07.2021. godine Christiana Schmidta, novoimenovanog Visokog predstavnika u BiH, koji je došao u pratnji svog prvog zamjenika Michaela Scanlana. Uz iskrenu dobrodošlicu, gradonačelnica je poželjela Schmidtu uspješnu misiju u našoj zemlji, te izrazila zadovoljstvo što je Grad Sarajevo prva institucija koju je posjetio pri dolasku u BiH i njen glavni grad Sarajevo.

Christianu Schwarz-Schillingu uručeno priznanje „Počasni građanin Grada Sarajeva“, 02.08.2021.

Christian Schwarz-Schilling, njemački političar i bivši visoki predstavnik u BiH zvanično je 02.08.2021. preuzeo priznanje „Počasni građanin Grada Sarajeva“. Ovo vrijedno priznanje uručila mu je gradonačelnica Sarajeva Benjamina Karić na prijemu upriličenom u Vijećnici.

Uručenju titule počasnog građanina Sarajeva Schwarz-Schillingu, između ostalih, prisustvovali su zamjenica ambasadorice SR Njemačke Petra Kochendörfer, novinarka Deutsche Wellea Jasmina Rose i saradnica Schwarz-Schillinga Nerma Bucan.

Nastupna posjeta ambasadora Republike Turske Sadika Babür Girgina, Sarajevo, 20.08.2021.

Gradonačelnica Sarajeva Benjamina Karić primila je u nastupnu posjetu ambasadora Republike Turske u BiH Sadik Babür Girgina, kojem je poželjela dobrodošlicu u BiH i njen glavni grad te uspjeh u novoj diplomatskoj misiji.

Tokom sastanka je razgovarano je o tradicionalno dobrim odnosima i uspješnoj bilateralnoj saradnji BiH i Republike Turske, te Grada Sarajeva sa pobratimskim gradovima Ankarom, Bursom, Istanbulom i Konyom, sa kojima se saradnja odvija razmjenom iskustava u oblasti kulture, obrazovanja, privrede, turizma, sporta, zaštite kulturno-historijskog naslijeđa, infrastrukturnih projekata, stipendiranja studenata, te univerzitetske i saradnje mladih. Sagovornici su izrazili obostranu želju da se saradnja sa turskim pobratimskim gradovima dodatno osnaži.

Gradonačelnica je upoznala ambasadora sa radnom posjetom Gradu Istanbulu u periodu od 07. do 09.07.2021., tokom koje sa gradonačelnikom tog grada razgovarala o saradnji na konkretnim projektima u oblasti komunalne djelatnosti i urbanizma, među kojima je i obnova Bijele tabije, kao i na temu održavanja kulturne manifestacije „Dani Sarajeva u Istanbulu“.

Također je govorila i o posjeti delegacije Grada Burse u periodu od 18. do 21.08.2021., sa kojom je, pored ostalog, razgovarala o organizaciji kulturne manifestacije „Dani Sarajeva u Bursi“ planiranoj za period od 01. do 04.09.2021.

Sastanak sa atašedom za zdravlje i socijalna pitanja pri Ambasadi Republike Austrije, 10.09.2021.

Gradonačelnica Sarajeva Benjamina Karić održala je sastanak sa Oliverom Hillerom, atašedom za zdravlje i socijalna pitanja pri Ambasadi Republike Austrije u BiH, u Vijećnici 10.09.2021. godine. Tokom sastanka Hiller je upoznao gradonačelnicu sa radom Ureda atašea za socijalna pitanja i zdravlje, sa aktivnostima u BiH i planovima, te je razgovarano o budućoj saradnji.

Prijem otpravnika poslova Ambasade Bugarske Nikole Nikolova, Sarajevo, 10.09.2021.

Gradonačelnica Sarajeva Benjamina Karić sa zamjenikom Harisom Bašićem primila je otpravnika poslova Republike Bugarske u BiH Nikolu Nikolova u Vijećnici 10.09.2021. godine. Razgovarajući o unaprjeđenju bilateralne saradnje, gradonačelnica Karić je iskazala interes za povezivanjem Sarajeva i Sofije preko projekata kojima se kontakti i saradnja mogu dalje osnažiti i razvijati.

Po ugledu na prijateljske veze BiH i Republike Bugarske, Karić i Nikolov su se usaglasili da je poželjno raditi na unaprjeđenju saradnje između glavnih gradova, Sarajeva i Sofije, realizacijom projekata u oblasti turizma, kulture, kao i preko IPA fondova.

Sagovornici su izrazili spremnost da 2022. godine zajedničkim aktivnostima obilježe tri desetljeća od kada je Bugarska kao prva država priznala nezavisnost Bosne i Hercegovine.

Nastupna posjeta ambasadora Republike Slovenije Damijana Sedara, Sarajevo, 12.09.2021.

Gradonačelnica Sarajeva Benjamina Karić sa zamjenicima Harisom Bašićem i Anjom Margetić, primila je u nastupnu posjetu ambasadora Republike Slovenije Damijana Sedara 12.09.2021. godine. Gradonačelnica je izrazila zadovoljstvo s dosadašnjom saradnjom između Republike Slovenije i BiH, te izrazila želju za daljim jačanjem saradnje između Grada Ljubljane i Grada Sarajeva na konkretnim projektima.

Istakla je obnovu bob staze kao projekat od posebnog interesa i zamolila da se Republika Slovenija uključi u obnovu bob staze koja bi trebala biti obnovljena 2024., kada će se navršiti 40 godina od održavanja ZOI u Sarajevu. Također je spomenula projekt „Čista rijeka Miljacka“ i navela da bi Gradu Sarajevu od velike pomoći bila iskustva Grada Ljubljane koji je proveo sličan projekt uređenja rijeke Ljubljanice.

Sastanak sa koordinatoricom UN u BiH Ingrid Macdonald, Sarajevo, 16.09.2021.

Ingrid Macdonald, rezidentna koordinatorica Ujedinjenih nacija u BiH, bila je gost gradonačelnice Benjamine Karić i njenih zamjenika Anje Margetić i Harisa Bašića, u Vijećnici 16.09.2021. godine. Ovaj susret je održan u sklopu sastanaka koje je dr. Macdonald održala sa predstavnicima vlasti u BiH, sa ciljem da se upozna sa trenutnim izazovima i prioritetima Grada Sarajeva, sa osvrtom na pandemiju COVID-19 i na socioekonomsku situaciju, te da razgovara o mogućnostima saradnje i podrške.

Gradonačelnica Karić je istakla da se u maju 2022. godine obilježava trideseta godišnjicu otkad je BiH postala članicom UN-a, te da je imperativ Grada Sarajeva i svih nivoa vlasti primjena održivih razvojnih ciljeva UN-a.

Macdonald je izrazila spremnost biti dijelom inicijativa koje provodi Grad Sarajevo na čelu sa gradonačelnicom, a koji će doprinijeti boljoj budućnosti bh. prijestolnice na svim poljima.

Sastanku su prisustvovali i savjetnica za ljudska prava Agnes Picod te savjetnik za partnerstvo u uredu rezidentne koordinatorice Aris Seferović.

Sastanak sa Davidom Moranom, ambasadorom UK COP26, Sarajevo, 28.09.2021.

Gradonačelnica Grada Sarajeva Benjamina Karić održala je 28.09.2021. godine sastanak sa Davidom Moranom, ambasadorom UK COP26 za Evropu, Srednju Aziju, Tursku i Iran, koji je došao u pratnji ambasadora UK Velike Britanije i Sjeverne Irske Matthewa Fielda.

Moran je boravio u Sarajevu u okviru posjete državama Zapadnog Balkana, uključujući i BiH, a u svrhu pripreme za najveći vanjskopolitički događaj Velike Britanije, Konferenciju o klimatskim promjenama (COP26), koja će se održati u Glazgovu od 01. do 12.11.2021. godine. Konferencija će okupiti svjetske lidere i stručnjake, potpisnike UNFCC, kako bi razgovarali o zajedničkim izazovima klimatskih promjena. Moran je istakao da UK želi da COP26 bude prekretnica u borbi čovječanstva protiv klimatskih promjena te da je njegov prioritet kao ambasadora ohrabriti učesnike da istupe sa ambicioznim državnim doprinosima.

Tokom sastanka, razgovarano je i o napretku BiH na temu klimatskih promjena, tranziciji na zelenu energiju i drugim temama.

Prijem ministra vanjskih poslova Republike Austrije Michaela Linharta, Sarajevo, 14.10.2021.

Michael Linhart, novi ministar vanjskih poslova Austrije, koji je ovu dužnost preuzeo 11.10.2021. godine, nakon što ga je na tu poziciju imenovao novi austrijski kancelar Alexander Schallenberg, u sklopu zvaničnog programa bilateralne radne posjete Sarajevu posjetio je i sarajevsku Vijećnicu, gdje ga je dočekala gradonačelnica Sarajeva Benjamina Karić.

Gradonačelnica Karić mu je poželjela uspjeh u novoj diplomatskoj misiji i dobrodošlicu u glavni grad BiH, podsjećajući na to da je mjesto njihovog susreta jedan od najljepših i najreprezentativnijih objekata iz austrougarskog perioda u BiH koji je nakon obnove, svečano otvoren upravo koncertom Bečke filharmonije. Između ostalog je istekla da Republika Austrija je osvjedočena prijateljska zemlja BiH koju uvijek rado i srdačno dočekujemo, a da kurtoaznu posjetu smatra još jednim pokazateljem dobrih bilateralnih odnosa Sarajeva i Beča.

Šef austrijske diplomatije Michael Linhart je istekao zadovoljstvo što BiH i Austrija imaju specijalne diplomatske odnose te da mogu pomoći BiH na putu Evropske unije.

Sastanak sa ambasadoricom i šeficom OSCE-a i ambasadorom SAD, Sarajevo, 15.10.2021.

Gradonačelnica Sarajeva Benjamina Karić, održala je sastanak sa ambasadoricom Kathleen Kavalec, šeficom Misije OSCE-a u BiH, i američkim ambasadorom Ericom Nelsonom, u Vijećnici 15.10.2021. godine.

Tom prilikom su ambasadori Eric Nelson i Kathleen Kavalec istaknuli da Ambasada SAD i Misija OSCE-a u BiH ostaju posvećen partner Gradu Sarajevu u izgradnji i razvoju multinacionalnog i multietničkog demokratskog društva. Razgovarano je o inicijativi gradonačelnice za izgradnju spomen-obilježja ubijenim na Kazanima, ističući da je inkluzivan proces, uz doprinos porodice žrtava, ključan za smislene korake ka pomirenju.

Sagovornici su ujedinjeni u stavu da je njihova zajednička obaveza da iskažu poštovanje prema svim nevinim žrtvama rata i saosjećaju sa pripadnicima svih naroda i građana, pozivajući i ostale u BiH da djeluju u pravcu promoviranja mira i pomirenja.

Posjeta Hannesa Swobode, predsjednika Međunarodnog instituta za mir i bivšeg člana Evropskog parlamenta, Sarajevo, 15.10.2021.

Dr. Hannes Swoboda, predsjednik Međunarodnog instituta za mir i bivši član Evropskog parlamenta sa članovima ovog instituta i predstavnikom Karl Renner Instituta susreo se sa zamjenikom gradonačelnice Harisom Bašićem u Vijećnici 15.10.2021. godine.

Swoboda se srdačno zahvalio na dočeku i istakao zadovoljstvo što se Vijećnica obnovila, napomenuvši da se sjeća kako je izgledala kada je bila uništena, a dolazio je u vrijeme mandata bivšeg gradonačelnika Ive Komšića.

Gosti iz ova dva instituta su imali priliku da obiđu Vijećnicu uz pratnju vodiča i da se upoznaju s radom Informativnog centra o Međunarodnom krivičnom sudu za bivšu Jugoslaviju.

Sastanak sa ambasadorom Republike Italije Marcom Di Ruzzom, Sarajevo, 18.10.2021.

Gradonačelnica Sarajeva Benjamina Karić sa zamjenicima Anjom Margetić i Harisom Bašićem, primila je ambasadora Republike Italije u BiH Marca Di Ruzzu i drugog sekretara u Odjelu za trgovinu i kulturu Lorenza Donatellija, u Vijećnici 18.10.2021. godine.

Na početku sagovornici su izrazili spremnost za saradnju u različitim oblastima djelovanja od obostranog interesa, a potom je razgovarano o nastavku realizacije projekta Muzej savremene umjetnosti Ars Aevi, te procedurama koje je potrebno pokrenuti prema Kantonu Sarajevo i Općini Novo Sarajevo, kako bi se dobila urbanistička saglasnost, te potom raspisivanje javnog poziva za izradu glavnog projekta.

Italijanski ambasador je istakao koliko cijeni posvećenost gradonačelnice dijalogu između Sarajeva, Mostara i Banja Luke, te da planira organizirati događaj 2022. godine, na koji bi pozvali gradonačelnike ta tri grada, sa ciljem razmjene iskustava na teme: green urbanizacija, transport, klimatske promjene i druge teme važne za gradove, a u kojima Grad Sarajevo ima kompetencije.

Gradonačelnica je zamolila ambasadora za asistenciju u uspostavljanju kontakta sa novoizabranim gradonačelnikom Rima i za organizaciju susreta u Rimu ili Sarajevu, kao i sa prethodnom gradonačelnicom Virginijom Raggi.

Gradonačelnica je prihvatila poziv ambasadora da se obrati pozdravnim govorom na Konferenciji iz sektora restauracije, konzervacije i obnove potresom oštećenih građevina, koja će se u organizaciji Instituta za vanjsku politiku - ICE Agencije iz Sarajeva i Ambasade Italije u BiH, održati u Sarajevu 11.11.2021. godine.

Također je razgovarano o uspostavljanju saradnje između Univerziteta u Veneciji i Univerziteta u Sarajevu.

Posjeta člana Parlamenta SR Njemačke Josipa Juratovića, Sarajevo, 18.10.2021.

Gradonačelnica Sarajeva Benjamina Karić sa zamjenicima Harisom Bašićem i Anjom Margetić, ugostila je u Vijećnici 18.10.2021. godine istaknutog zastupnika njemačkih socijaldemokrata u Bundestagu Josipa Juratovića, njegovu saradnicu Katarinu Pejić, te zamjenicu ambasadorice SR Njemačke u BiH Kochendörfer Petru.

Gradonačelnica Karić je istakla da je Njemačka svoje prijateljstvo prema BiH pokazala svesrdnom pomoći tokom agresije te oduvijek bila među zemljama koje zagovaraju put BiH u Evropsku uniju.

Tokom sastanka, između ostalog, razgovarano je o izazovnim vremenima pandemije koronavirusa, političkoj sceni u BiH, ali i kapitalnim projektima Grada Sarajeva. Također, gradonačelnica je naglasila da ima odlične odnose s gradonačelnicima Banja Luke i Mostara, te da teži ovu saradnju dodatno unaprijedi u budućnosti.

Juratović je pozdravio ambiciju i energiju novog gradskog rukovodstva, ističući da u svojoj misiji želi ohrabriti sve perspektivne mlade ljude.

„Welcome to Electionville“ u organizaciji Ambasade Kraljevine Švedske, Sarajevo, 20.10.2021.

Gradonačelnica Sarajeva Benjamina Karić je zajedno sa ambasadoricom Švedske u BiH Johannom Strömquist i generalnim direktorom Instituta za razvoj mladih KULT Jasminom Bešićem otvorila manifestaciju *Welcome to Electionville*, održanu na platou preko puta Vijećnice 20.10.2021. godine.

Šta je lokalna samouprava? Od čega se sastoji demokratski proces i kome on služi? Kako gradske vlasti donose odluke? To su samo neka od pitanja na koja su mladi učesnici dobili odgovore tokom edukativne, zabavne i angažirane igre *Welcome to Electionville*, održane tog dana.

Institut za razvoj mladih KULT u saradnji sa Ambasadom Švedske u BiH je organizator prvog sarajevskog izdanja ove društvene igre, kojem su prisustvovali i zamjenica gradonačelnice Anja Margetić, predsjedavajući Gradskog vijeća Jasmin Ademović sa zamjenicom Mirelom Džehverović.

Igra demokratije – *Welcome to Electionville* je originalno napravljena u Švedskoj, a bh. javnost ju je imala priliku upoznati u Mostaru u septembru 2021. godine.

Sastanak sa šeficom misije IOM-a za BiH Lauru Lungarotti, Sarajevo, 22.10.2021.

Gradonačelnica Sarajeva Benjamina Karić sa zamjenicima Harisom Bašićem i Anjom Margetić, ugostila je šeficu misije IOM-a za BiH Lauru Lungarotti, u Vijećnici 22.10.2021. godine.

Razgovarano je o mjerama koje mogu biti poduzete u lokalnim zajednicama vezanim za migrante, konstatirajući da su migracije ipak u nadležnosti državnih institucija.

Gradonačelnica Karić je pozdravila entuzijazam i društvenu aktivnost ove organizacije, te uvažavajući ljudsko dostojanstvo i dobrobit migranata, istakla je želju za jačanjem partnerstva sa IOM-om i djelovanjem u okviru mogućnosti i kapaciteta.

Lungarotti je podsjetila na misiju koju provode u osiguranju humanijeg upravljanja migracijama, promovisanju međunarodne saradnje i potrazi za praktičnim rješenjima, te predstavila iskustva i dobre prakse zemalja Evropske unije.

Nastupna posjeta zamjenika ambasadora Republike Irske, 09.11.2021.

Zamjenica gradonačelnice Sarajeva Anja Margetić ugostila je Tomasa O Habhartaigha, zamjenika ambasadora Republike Irske sa sjedištem u Ljubljani, u Vijećnici 09.11.2021. godine. Margetić se zahvalila Republici Irskoj na utočištu koje je pružila bh. izbjeglicama za vrijeme rata u BiH 1991.-1995., te predstavila rad nove gradske administracije.

Tomas je pozdravio ambiciju i energiju novog gradskog rukovodstva, zahvalio na prijemu i dobrodošlici, te prenio pozdrave ambasadora Republike Irske gradonačelnici Karić.

Tokom sastanka, zamjenica gradonačelnice i g. Habhartaigh razgovarali su o kapitalnim projektima Grada Sarajeva, kao što su rekonstrukcija Bistričke stanice, Bijele tabije, bob staza, čišćenje korita rijeke Miljacke, izgradnja biciklističke staze od Bistričke stanice do Pala, u cilju promocije rekreativnog turizma, projekat izgradnje Muzeja savremenih umjetnosti „Ars Aevi“.

Habhartaigh je istakao značajnu bh. zajednicu u Dublinu koja pomaže održavanju komunikacije Republike Irske i Bosne i Hercegovine.

Obzirom da je ambasada Republike Irske zainteresovana za saradnju sa BiH, Anja Margetić je predložila da Irska podijeli svoja znanja i iskustva u oblasti izgradnje pametnog grada, kao i u projektima iz oblasti sporta.

Prijem izaslanice generalnog sekretara UN za mlade Jayathma Wickramanayake, 16.11.2021.

Izaslanica generalnog sekretara UN-a za mlade Jayathma Wickramanayake, koja je u BiH boravila u službenoj posjeti od 16. do 19.11.2021. godine, posjetila je gradonačelnicu Sarajeva Benjaminu Karić zajedno sa predstavnicima UN agencija u BiH, 16.11.2021. godine.

Tokom susreta razgovarano je o trenutnoj situaciji u BiH i njenom uticaju na mlade ljude, njihovom školovanju, položaju u društvu i perspektivi, ekonomskom aspektu, razlozima masovnog odlaska mladih iz BiH, te kreiranjima prilika za njihov ostanak u svojoj državi.

Gradonačelnica je navela da Grad kao institucija svojim aktivnostima i radom pokušava ukazati da su mladi potrebni ovoj zemlji, te je istakla zadovoljstvo da je UN, kao međunarodna organizacija i politička organizacija u svijetu, zainteresovana i želi pomoći i pružiti podršku našim mladim ljudima.

Wickramanayake je zapazila činjenicu da je gradonačelnica prepoznala sve probleme, te da je UN primjetio da mladi zapravo žele da se njihov glas čuje, da donose rješenja, da nađu rješenje u svom ostanku, a ne odlasku, te da doprinesu miru u državi. Napomenula je kako je saradnja na lokalnom nivou jako bitna.

Gradonačelnica Karić je kazala da su po prvi put na pozicijama relativno mladi ljudi, kao što su gradonačelnici Banja Luke, Mostara, Bijeljine i Sarajeva, te da se nada da će svojim primjerom ukazati da mogu i da su dovoljno hrabri da idu naprijed i vode ovu zemlju u svjetliju budućnost.

Wickramanayake je mišljenja da se treba ići naprijed i fokusirati na ono što dolazi, kako se treba širiti priča o mladim uspješnim ljudima i tako podržati mlade i uvjeriti ih da rješenje nije napuštanje zemlje.

Ingrid Macdonald, rezidentna koordinatorica UN-a u BiH, istakla je kako rad Grada Sarajeva sa Banja Lukom i Mostarom, inspiriše i vraća vjeru i nadu, te je podržala je gradonačelnicu u njenom radu i želji za promjenama uz napomenu da je za svaku promjenu potrebno vrijeme i da je hrabro to što čini za grad.

Nastupna posjeta ambasadora Nizozemske Jana Waltmansa, 23.11.2021.

Gradonačelnica Sarajeva Benjamin Karić sa zamjenikom Harisom Bašićem, ugostila je u Vijećnici 23.11.2021. godine ambasadora Nizozemske Nj. E. Jana Waltmansa koji je došao u pratnji saradnika Nedima Hadrovića.

Nakon što se zahvalila na pomoći koju Kraljevina Nizozemska pruža BiH, gradonačelnica je upoznala ambasadora sa radom nove gradske administracije, te infrastrukturnim projektima poput Vidikovca i Bistričke stanice, te sportskim projektima i transparentnosti. Napomenula je da cilj Grada poboljšati saradnju s glavnim gradovima u Evropi i svijetu. Istakla je susrete sa gradonačelnicima Praga, Istanbula i Pariza, te da Grad Sarajevo ima uspostavljene veze s drugim gradovima u BiH. Razgovarano je o procesu pomirenja te o postavljanju spomenika na Kaznima.

Sastanak sa nerezidentnim ambasadorom Republike Irske za BiH, 26.11.2021.

Nerezidentni ambasador Republike Irske za BiH sa sjedištem u Sloveniji Myles Geiran, bio je gost gradonačelnice Sarajeva Benjamine Karić i njenog zamjenika Harisa Bašića u Vijećnici 26.11.2021.

Tokom sastanka razgovarano je o kapitalnim projektima Grada Sarajeva, aktuelnoj političkoj situaciji u BiH, integracijama naše zemlje u EU, te saradnji sa bh. dijasporom, uvažavajući zapaženu bh. zajednicu u Dublinu.

Složili su se da prijestolnice BiH i Irske imaju veliki potencijal za intenziviranje odnosa, pri čemu je ambasador Geiran istakao da se to posebno odnosi na kulturu, kazavši da želi povezati Zemaljski muzej BiH sa Historijskim muzejem iz Dablina, te bh. biblioteke obogati "irish cornerima".

Gradonačelnica je pozdravila napore koje ulaže u svojoj misiji, uvjeren da će u mandatu aktuelne gradske administracije biti još brže i efikasnije realizovani.

Posjeta novoimenovanog ambasadora Republike Mali za BiH Alyja Coulibalyja, 07.12.2021.

Zamjenik gradonačelnice Sarajeva Haris Bašić poželio je dobrodošlicu i uspjeh u diplomatskoj misiji novoimenovanom ambasadoru Republike Mali za BiH N.J.E. Alyju Coulibalyu, u Vijećnici 07.12.2021. godine. Potom je Bašić upoznao ambasadora sa aktivnostima Grada Sarajeva.

Ambasador Coulibaly je izrazio uvjerenje da će se tokom njegovog mandata unaprijediti bilateralni odnosi dvije zemlje.

Sastanak sa ambasadorom Republike San Marino, Sarajevo, 13.12.2021.

Gradonačelnica Sarajeva Benjamina Karić sa zamjenicima Harisom Bašićem i Anjom Margetić, primila je u Vijećnici 13.12.2021. godine ambasadora Republike San Marino Michelea Chiaruzzija, koji je došao u pratnji Malika Garabija i Nihada Kreševljakovića.

Gradonačelnica je upoznala ambasadora sa aktuelnim projektima kao što su Bistrička stanica, Muzej „Valter brani Sarajevo“, novi muzej u Vijećnici, rekonstrukcija Bijele tabije, te kulturnim projektima poput SFF-a, Juventa film festivala, Balet festa, podrške fudbalskim klubovima itd. Također se osvrnula na uspjeh sportista koji osvajaju nagrade, te ukazala na potrebu pružanja podrške istim.

Ambasador Chiaruzzi je u ime gradonačelnika San Marina i Bologne i u svoje ime, izrazio želju za uspostavljanjem saradnje između San Marina, Bologne i Sarajeva, naročito u projektima kulture, sporta i turizma. Glavni cilj povezivanja je da se poboljša komunikacija i dijalog.

Gradonačelnica je pozdravila ovu ideju te obećala ostvarivanje kontakata sa navedenim gradovima.

Prijem ambasadora Republike Kazahstan Tolezhana Barlybayeva, Sarajevo, 14.12.2021.

Gradonačelnica Sarajeva Benjamina Karić primila je u Vijećnici 14.12.2021. ambasadora Republike Kazahstan Tolezhana Barlybayeva koji je došao u pratnji počasnog konzula Amela Dizdarevića, te Nihada Kreševljakovića.

Gradonačelnica je upoznala ambasadora sa infrastrukturnim projektima Grada Sarajeva i funkcionisanjem Grada Sarajeva.

Ambasador Republike Kazahstan je ukratko predstavio novoizgrađeni grad Nur Sultan, te Kazahstan kao zemlju sa viškom kapitala spremnim za ulaganja u BiH. Istakao otvorenost Kazahstana za saradnju, posebno u oblasti umjetnosti, kulture i sporta.

Osim što je razgovarano o bratimljenju gradova Nur Sultana i Sarajeva, dogovoreno je da se u cilju promocije kulture i umjetnosti, organizira koncert violončeliste Eldara Saporayeva sa Sarajevskom filharmonijom, u Vijećnici u januaru 2022. godine.

Ambasador je također kazao da će se u Sarajevu otvoriti poznati KFC, američki lanac brze hrane, koji bi trebao biti otvoren

6. aprila 2022., na Dan grada Sarajeva. U Sarajevu je planirano pet do šest takvih objekata, a sveukupno 12 na teritoriji Bosne i Hercegovine.

Sastanak sa šefom Odjela za ekonomiju u Ambasadi IR Iran, Sarajevo, 28.12.2021.

Na inicijativu ambasade IR Iran u BiH, dana 28.12.2021. godine, u prostorijama Gradske uprave Grada Sarajeva, održan je sastanak šefa Odjela za ekonomiju u Ambasadi IR Iran g. Džabera Vasika sa šeficom Odjeljenja za međunarodnu saradnju Grada Sarajeva Zinaidom Čengić.

Na početku sastanka sagovornici su izrazili zadovoljstvo saradnjom između Grada Sarajeva i Grada Teherana sa željom da se ista dodatno unaprijedi u narednom periodu.

Tema sastanka, koju je inicirao g. Vasik, bila je procedura za uspostavljanje saradnje između gradskih općina Grada Sarajeva i Grada Teherana, koji imaju uspostavljene pobratimske odnose od 2016. godine.

G. Vasik je ukratko obrazložio strukturu Grada Teherana. Grad Teheran se sastoji od 22 općine na čijem čelu se nalaze općinski načelnici koji nemaju nadležnost da potpisuju sporazume na međunarodnom nivou. Naime, bilo koju aktivnost koju namjeravaju realizovati na međunarodnom nivou, dužni su realizovati posredstvom Odjeljenja za međunarodnu saradnju Grada Teherana.

Imajući u vidu da je Općina Stari Grad uputila jednoj teheranskoj općini pismo namjere o uspostavljanju saradnje, g. Vasika je zanimalo da li sarajevske gradske općine mogu samostalno odlučivati i uspostavljati saradnju sa inostranim općinama.

U skladu s tim, gđa Čengić je pojasnila sagovorniku da su gradske općine, kao i Grad Sarajevo, jedinice lokalne samouprave, koje imaju vlastite nadležnosti ustanovljene ustavom i zakonom i imaju pravo baviti se svim pitanjima od lokalnog značaja koja nisu isključena iz njihovih nadležnosti. Objasnjeno je da općine mogu sarađivati sa odgovarajućim lokalnim jedinicama drugih država u skladu sa Zakonom, te da odluku o ostvarivanju saradnje donose općinska vijeća.

G. Vasik se zahvalio na informaciji, te izrazio nadu da će gradonačelnica Sarajeva Benjamina Karić biti u prilici posjetiti Grad Teheran u skoroj budućnosti.

V. OSTALE AKTIVNOSTI NA PLANU MEĐUNARODNE SARADNJE

Sastanak sa predstavnicima Privredne komore Kantona Sarajevo, Sarajevo, 25.01.2021.

Zamjenik gradonačelnika Milan Trivić sa saradnicama iz Odjeljenja za međunarodnu saradnju, održao je sastanak sa predstavnicima Privredne komore Kantona Sarajevo Muamerom Mahmutovićem, predsjednikom i Elvirom Baždar – Kadrić, šeficom Kabineta.

Tema sastanka bio je 5. Forum gradonačelnika glavnih gradova NR Kine i Srednje i Istočne Evrope (China - CEEC), koji će se na temu „Održivi razvoj gradova“ održati u Sarajevu u drugoj polovini 2021. godine, u organizaciji Grada Sarajeva i suorganizaciji Grada Pekinga.

Sagovornici su ocijenili ovaj događaj izuzetno značajnim za uspostavljanje saradnje između Privredne komore KS i Pekinške komore za međunarodnu trgovinu, privrednika Pekinga i KS, te turističku promociju. Razgovarano je o poslovnom forumu koji će se u okviru ovog događaja održati u organizaciji Privredne komore KS i Kineskog vijeća za promicanje međunarodne trgovine - Pododbora za Beijing (CCPIT). Poslovni forum će se sastojati od okruglog stola i B2B sastanaka, tokom kojih će privrednici razgovarati o mogućnostima poslovne saradnje. Privredna komora KS će kontaktirati privredne komore glavnih gradova Srednje i Istočne Evrope, kako bi dobili informacije o kompanijama i privrednim granama za koje imaju interes za uspostavljanje saradnje.

Pismo umjetnika Michelangela Pistoletta gradonačelniku Sarajeva, 24.02.2021.

Michelangelo Pistoletto, jedan od najznačajnijih savremenih svjetskih umjetnika i dokazani prijatelj glavnog grada BiH, te dobitnik priznanja *Počasni građanin Grada Sarajeva* u 2019. godini, uputio je pismo gradonačelniku Abdulahu Skaki. Pozivajući se na veliku ljubav prema ovom gradu, te posebnu čast i zahvalu za dodijeljeno priznanje, kazao je da će Sarajevo kao mjesto susreta kulture i bogate historije, uvijek biti grad kojem će se rado vraćati.

Nedopustivo je zanemariti Pistolettove zasluge i u formiranju kolekcije Ars Aevi, što je jasan znak njegovog velikog povjerenja u budućnost BiH. On je prvi umjetnik koji je donirao Kolekciji svoje djelo, nesebično je promovirajući u svijetu kao značajan segment savremene umjetnosti i kulturnog otpora jednog grada. „Mjesto multireligijske i svjetovne meditacije“ 2018. godine je inaugurirano u Historijskom muzeju Bosne i Hercegovine, kao dijelom stalne postavke.

Delegacija Grada Sarajeva odala počast žrtvama u Jasenovcu, 22.04.2021.

Na poziv JU Spomen područje Jasenovac, delegacija Grada Sarajeva koju su činili gradonačelnica Benjamina Karić sa zamjenicima Harisom Bašićem i Anjom Margetić, te zamjenikom predsjedavajućeg Gradskog vijeća Draganom Stevanovićem, prisustvovala je obilježavanju dana sjećanja na žrtve logora Jasenovac 22.04.2021. godine. Delegacija je polaganjem vijenaca kod spomenika *Cvijet*, odala počast žrtvama u Jasenovcu.

Sarajevska Vijećnica u bojama zastave EU i BiH, 09.05.2021.

Povodom 9. maja – Dana pobjede nad fašizmom i Dana Evrope, Grad Sarajevo je organizirao direktan prijenos koncerta Gudačkog orkestra Sarajevske filharmonije i obraćanje gradonačelnice Sarajeva Benjamine Karić i šefa Delegacije Evropske unije i specijalnog predstavnika EU u BiH ambasadora Johanna Sattlera. Istim povodom, sarajevska Vijećnica je bila osvjetljena bojama zastava BiH i Evropske unije.

Sarajevska Vijećnica u bojama zastave Države Palestine, 10.05.2021.

Povodom napada izraelskih vojnika na vjernike u Al-Aksa džamiji u Jerusalemu, sarajevska Vijećnica je bila osvijetljena bojama palestinske zastave u znak solidarnosti sa svim nevinim žrtvama i njihovim porodicama.

Susret sa delegacijom Kongresa SAD, Sarajevo, 28.05.2021.

Gradonačelnica Sarajeva Benjamina Karić i predsjedavajući Gradskog vijeća Jasmin Ademović, sastali su se 28.05.2021. godine sa delegacijom Kongresa SAD koju su predvodili kongresmeni Roberta Aderholt i John Moolenaar.

Bila je to prilika za konstruktivan dijalog na temu strategije razvoja Sarajeva po ugledu na svjetske metropole. Razgovarano je i o aktuelnoj političkoj situaciji, borbi protiv posljedica pandemije koronavirusa i antikorupciji.

Povod dolaska kongresmena Aderholta i Moolenaara u BiH bio je Molitveni doručak za Jugoistočnu Evropu koji se 2021. godine održavao u Mostaru.

Sastanak sa menadžerom Kamernog teatra 55 i Festivala „RUTA Grupa Triglav“, 18.06.2021.

Pomoćnica gradonačelnice za obrazovanje, kulturu, sport i mlade Amina Deljković i stručna savjetnica za projekte kulture Grada Sarajeva Aida Koristović, održale su sastanak sa Mirzom Muzurovićem, marketing menadžerom Kamernog teatra 55 i Festivala „RUTA Grupa Triglav, u prostorijama Gradske uprave Grada Sarajeva 18.06.2021. godine.

Povod sastanka bila je organizacija regionalnog festivala „RUTA Grupa Triglav“ u Sarajevu. Festival predstavlja mrežu partnerskih teataru iz gradova zemalja regije (MGL Ljubljana, Kazalište Ulysses Zagreb, Kamerni teatar 55 Sarajevo, Gradsko pozorište Podgorica, Dramski teatar Skoplje i Beogradsko dramsko pozorište) i ima za cilj otvaranje vrata za saradnju između teataru u regiji.

RUTA je unikatna po svom modelu koji podrazumijeva da svaki teatar nastupa sa predstavom po sopstvenom izboru i sa ciljem kontinuiranog prisustva svih teataru tokom godine pred publikom u čitavom regionu. Ovo je jedinstvena prilika za promociju i uvezivanje gradova, kao i za susrete gradonačelnika Zagreba, Beograda, Skoplja, Sarajeva, Podgorice i Ljubljane, tj. regionalnih gradova koji su podržali festival.

Festival je održan u Beogradu 2019. i Podgorici 2020. godine, dok je održavanje u Ljubljani, Sarajevu, Brijunima i Skoplju odloženo zbog pandemije koronavirusa. Festival „RUTA Grupa Triglav“ u Sarajevu je održan od 07. do 13.11.2021. godine.

Sarajevska Vijećnica u bojama zastave SR Njemačke, 16.07.2021.

Sarajevska Vijećnica je 16.07.2021. bila osvijetljena bojama zastave SR Njemačke nakon što su ovu zemlju zadesile katastrofalne poplave. Tim povodom, gradonačelnica Sarajeva Benjamina Karića sastala se sa njemačkom ambasadoricom u BiH Margret Uebber te izrazila saosjećanje sa prijateljskim narodom Njemačke.

Sastanak sa delegacijom Teniskog kluba „Tenis Pro 1996“ Sarajevo, 16.08.2021.

Gradonačelnica Sarajeva Benjamina Karić sa predsjedavajućim Gradskog vijeća Jasminom Ademovićem i ministrom kulture i sporta u Vladi KS Samirom Avdićem, primila je u Vijećnici 16.08.2021. delegaciju Teniskog kluba „Tenis Pro 1996“ Sarajevo, koju su činili direktorica turnira Zehra Obarčanin, predsjednik kluba Haris Kafedžić i direktor Teniskog saveza BiH Senad Hadžimešić.

Razgovarano je o održavanju 25. turnira „Open RCT Barcelona 1899 – Sarajevo 2021“, u Sarajevu od 16. do 21.08.2021. godine te o posjeti delegacije iz Barcelone: Josepa Jordi Cambra Sancheza, predsjednika Kraljevskog teniskog kluba „RTC Barcelona 1899“ i Santiago Tintorea, izaslanika gradonačelnice Barcelone i sina Juana Marie Tintorea, počasnog predsjednika „RTC Barcelona 1899“ i počasnog građanina Grada Sarajeva.

Gradonačelnica je potvrdila da će Grad Sarajevo, kao i ranijih godina, biti domaćin delegaciji iz Barcelone, te da će obavijestiti ambasadu Kraljevine Španije o ovoj posjeti i pozvati njenog predstavnika da prisustvuje prijemu u Vijećnici 20.08.2021. godine.

Ministar Avdić je dodao da je Ministarstvo kulture i sporta KS značajnim finansijskim sredstvima podržalo organizaciju ovogodišnjeg turnira, te aktivno uzelo učešće u njegovom organizacijskom dijelu.

Predsjednik Teniskog kluba Kafedžić govorio je o značaju ovog turnira koji omogućava mladim teniserima i teniserkama iz BiH da se promoviraju i pozicioniraju na evropskim rang ljestvicama. Zahvalio je Ministarstvu kulture i sporta KS i Gradu Sarajevu, Federalnom ministarstvu kulture i sporta na podršci.

Direktor Teniskog saveza BiH Hadžimešić je naglasio važnost turnira za razvoj bh. tenisa uopšte, a direktorica turnira Obarčanin je govorila o velikom interesu za 25. turnir „Open RCT Barcelona 1899 - Sarajevo 2021“ na koji su svoje učešće prijavili takmičari iz 22 evropske zemlje.

Prijem delegacije Udruženja „Rallye Aéro France“, Sarajevo, 31.08.2021.

Francuski zračni reli – Rallye Aéro France, koji je rangiran kao prvi u Evropi, stigao je u glavni grad BiH 31.08.2021. godine. Na Međunarodni aerodrom Sarajevo sletjelo je 13 francuskih aviona sa posadom i putnicima u pratnji, koji su učestvovali na 27. izdanju Rallye Aéro France. Cilj posjete bio je da se i na ovaj način upoznaju građani Francuske sa kulturnim i turističkim atrakcijama i ponudom grada Sarajeva i njegove okoline.

Tim povodom, zamjenici gradonačelnice Grada Sarajeva Haris Bašić i Anja Margetić upriličili su prijem u Vijećnici gostima iz prijateljske Francuske, predvođenu g. Jean Michel Collineauom. Zamjenik gradonačelnice Bašić je u svom obraćanju istakao da je odluka ovog francuskog udruženja da posjete grad Sarajevo značajno priznanje i podrška daljem razvoju Sarajeva kao privlačne turističke destinacije u koju će turisti dolaziti.

Zamjenici gradonačelnice Bašić i Margetić izrazili su uvjerenje da će uvaženi gosti tokom boravka prepoznati naše prirodne, turističke i kulturne znamenitosti i potencijale, te da će ubrzo uslijediti i posjete francuskih turista našem gradu i zemlji.

Rallye Aéro France posvećen miru i solidarnosti, ima za cilj da promoviše turističke i kulturne ljepote i potencijale zemlje domaćina, poveže ljude, afirmiše zrakoplovni sport. Svake godine organiziraju putovanja na Mediteran i Evropu, a i obavili su zračne rute u zemlje Sjeverne Afrike i Bliskog Istoka.

Voda delegacije Collineau istakao je da su poslije pauze zbog pandemije, odlučili da posjete Sarajevo, te da će po povratku u Francusku, svojim sunarodnjacima predstaviti grad Sarajevo, te ih pozvati da ga posjete.

Prijemu u Vijećnici prisustvovao je i prvi savjetnik i zamjenik ambasadorice Republike Francuske u BiH Xavier Rouard.

Promocija knjige „Na strani čovječnosti”, Hag, 28.11.-02.12.2021.

U okviru saradnje sa Međunarodnim krivičnim sudom za bivšu Jugoslaviju (MKSJ), Međunarodnom komisijom za nestale osobe (ICMP) i Udruženjem „Pokret majke enklave Srebrenica i Žepa“, sekretar Gradskog vijeća Grada Sarajeva Mila Eminović prisustvovala je promociji knjige „Na strani čovječnosti“, autorice Ajše Hafizović-Hadžimešić, koja je održana u Hagu (Kraljevina Nizozemska).

Publikacija koja je 2020. godine prvi put izdata povodom 25. godišnjice genocida u Srebrenici, objavljena je na engleskom jeziku („On the Side of Humanity“), sa intervjuima svih sudija, tužitelja i istražitelja ICTY koji su od početka njegovog rada bili na strani žrtava genocida i u njihovo ime se borili za istinu i pravdu.

Sarajevska Vijećnica u bojama zastave Ujedinjenih Arapskih Emirata, 02.12.2021.

U čast 50 godina od stjecanja neovisnosti i ujedinjenja sedam emirata u jednu državu i u čast održavanja EXPO 2020 u Emiratima, sarajevska Vijećnica je osvijetljena bojama zastave Ujedinjenih Arapskih Emirata. Inače 2. decembra se obilježava i Nacionalni dan Ujedinjenih Arapskih Emirata.

Sporazum između Njemačke razvojne agencije GIZ i KJKP „RAD“, Sarajevo, 21.12.2021.

Potpisivanjem Sporazuma između Njemačke razvojne agencije GIZ i KJKP „RAD“ d.o.o. 21.12.2021. godine, ozvaničen je dogovor nabavke 150 kanti za sitni ulični otpad u Sarajevu ukupne vrijednosti 53.925,30 KM.

Imajući u vidu evidentan nedostatak korpa za odlaganje smeća na ulicama Sarajeva, gradonačelnica Benjamina Karić je inicirala ovaj projekat koji za cilj ima poboljšanje komunalnih usluga na području sve četiri gradske općine. Iste će biti postavljene na novim lokacijama, sa metalnim poklopcima koje sprječavaju širenje otpada.

Odabir lokacija izvršio je Grad sa KJKP „RAD“, čije zaduženje je montaža te redovno održavanje i pražnjenje kanti u saradnji sa nadležnim gradskim službama. Odmah nakon potpisivanja, izvršena je primopredaja kojoj je osim potpisnika Sporazuma i gradonačelnice Karić, prisustvovala i ambasadorica SR Njemačke u BiH Margret Uebber.

Priznanja Grada Sarajeva

Svečana sjednica Gradskog vijeća Grada Sarajeva, koja se tradicionalno održava 6. aprila, u povodu obilježavanja Dana grada Sarajeva, održana je u Vijećnici 07.10.2021. Tom prilikom uručene su nagrade i priznanja inostranim dobitnicima, kako slijedi:

U skladu sa odlukom Gradskog vijeća Grada Sarajeva na sjednici održanoj 30.09.2020., priznanje „Počasni građanin grada Sarajeva“ u 2020. godini uručeno je Jure Franku.

U skladu sa odlukom Gradskog vijeća Grada Sarajeva usvojenom na sjednici održanoj 27.01.2021., priznanje „Počasni građanin Grada Sarajeva“ uručeno je ambasadoru Diego Enrique Arria Salicettiju i prof. dr. Robertu J. Doniji.

U skladu sa odlukom Gradskog vijeća Grada Sarajeva usvojenom na sjednici održanoj 24.2.2021., priznanje „Počasni građanin Grada Sarajeva“ uručeno je gradonačelniku Ljubljane Zoranu

Jankoviću i Alexanderu Langeru – posthumno; priznanje „Graham Bamford“ uručeno je Ausiliji Inaudi, a „Plaketa Grada Sarajeva“ dr. Dunji Latifić – Jasnić.

VI. AKTIVNOSTI GRADA SARAJEVA U OKVIRU MEĐUNARODNIH ASOCIJACIJA

Na osnovu člana 26. stav 1. tačka 2. i člana 87. Statuta Grada Sarajeva („Službene novine Kantona Sarajevo”, broj 34/08 – prečišćeni tekst) Grad Sarajevo može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom. Odluku o pristupanju udruženjima, odnosno ostvarivanju saradnje iz navedenog stava donosi Gradsko vijeće.

Grad Sarajevo je član trinaest međunarodnih asocijacija/mreža/klubova, od čega obavezu plaćanja članarina ima prema osam asocijacija, u iznosu od cca. 30.000,00 KM godišnje:

1. Unija glavnih gradova Centralne i Jugoistočne Evrope (UCSEEC). Godina pristupanja: 2001. Asocijacija nije aktivna.
2. Mreža zdravih gradova Svjetske zdravstvene organizacije (WHO). Godina pristupanja: 2001. Godišnja članarina: 3.500,00 \$.
3. Mreža balkanskih gradova (Balcinet). Godina pristupanja: 2002. Mreža nije aktivna.
4. Evropska koalicija gradova protiv rasizma (ECCAR). Godina pristupanja: 2004.
5. Mreža „Gradonačelnici za mir“ (Mayors for Peace). Godina pristupanja: 2004. Godišnja članarina: 4.500,00 ¥.
6. Međunarodna asocijacija „Gradovi glasnici mira“ (IAPMC). Godina pristupanja: 2005. Godišnja članarina: 500,00 €.
7. Mreža evropskih gradova „Eurocities“. Godina pristupanja: 2005. Godišnja članarina: 4.390,00 €.
8. Svjetska unija olimpijskih gradova (UMVO). Godina pristupanja: 2009. Godišnja članarina: 5.000,00 €.
9. Liga historijskih gradova (LHC). Godina pristupanja: 2009. Godišnja članarina: 100,00 \$.
10. Strazburški klub koji ima za cilj oživjeti evropske vrijednosti demokratije, dijaloga između kultura i poštivanja ljudskih prava u lokalnim javnim politikama. Godina pristupanja: 2009.
11. Evropski gradovi i regije za kulturu LIKE. Godina pristupanja: 2012. Godišnja članarina: 1.380,00 €.
12. Open & Agile Smart Cities. Godina pristupanja: 2015.
13. Mreža mediteranskih gradova „MedCities“. Godina pristupanja: 2016. Godišnja članarina: 1.000,00 €.

U skladu sa pristiglim fakturama, članarina za 2021. godinu je plaćena sljedećim asocijacijama: „Gradonačelnici za mir“, „Eurocities“, Svjetska unija olimpijskih gradova, Liga historijskih gradova, Mreža mediteranskih gradova „MedCities“.

Aktivnosti koje su tokom 2021. godine realizovane u okviru međunarodnih asocijacija čiji je Grad Sarajevo član su sljedeće:

Izvršni izvještaj svjetske nevladine organizacije „Gradonačelnici za mir“, 02.02.2021.

Svjetska nevladina organizacija „Gradonačelnici za mir“, čiji je Grad Sarajevo član od 2004. godine, u oktobru 2003. godine pokrenula je „Viziju 2020“, set konkretnih smjernica za djelovanje s ciljem ukidanja nuklearnog naoružanja do 2020. godine.

Na temelju ovog dokumenta „Gradonačelnici za mir“ su promovirali razne inicijative u saradnji sa gradovima članovima i međunarodnim nevladinim organizacijama. Kako je „Vizija 2020“ okončana krajem 2020. godine, ova nevladina organizacija je sačinila Izvršni izvještaj „Vizija 2020“, rezimirajući inicijative, aktivnosti i dostignuća.

Grad Sarajevo je objavio na svojoj web stranici ovaj dokument 3.2.2021., te ga na taj način učinio dostupnim široj javnosti, sa nadom da će biti koristan za buduće aktivnosti.

Prvi sastanak Upravnog odbora Evropskog ogranka „Gradonačelnici za mir“, 10.06.2021.

Zamjenik gradonačelnice Sarajeva Haris Bašić je učestvovao 10.06.2021. godine u radu prvog online sastanka Upravnog odbora Evropskog ogranka „Gradonačelnici za mir“.

Mreža „Gradonačelnici za mir“ koju predvodi Grad Hirošima, ima za cilj promociju i ostvarenje trajnog mira u svijetu, borbu protiv gladi i siromaštva, zaštitu prava izbjeglica i čovjekove okoline, te podizanje svijesti o potrebi ukidanja nuklearnog oružja.

Grad Sarajevo je član asocijacije „Gradonačelnici za mir“ od 2004. godine, a u junu 2015. godine postao je Vodeći grad u BiH.

Evropski ogranak „Gradonačelnici za mir“ kojeg, između ostalih, čine evropski gradovi Hannover, Volgograd, Malakoff, Manchester, Ypres, Granollers, Sarajevo, Cervia, osnovan je na sastanku u Hanoveru 04.11.2019. Tom prilikom dogovoreno je da će predsjednik Ogranka biti gradonačelnik Granollersa, a potpredsjednik gradonačelnik Manchestera.

Na današnjem sastanku Upravnog odbora usvojen je Statut i Operativni plan. Obaveze Grada Sarajeva prema Statutu, pored učešća u sastancima Ogranka i učestvovanja u radu radne grupe, je i promocija aktivnosti Mreže u regiji.

Dogovoreno je da će svi zvanični predstavnici vodećih gradova učestvovati u radu online Izvršne konferencije „Gradonačelnici za mir“ 7.7.2021.

Online sastanak Izvršnog odbora Svjetske unije olimpijskih gradova (UMVO), 22.06.2021.

Zamjenica gradonačelnice Sarajeva Anja Margetić učestvovala je 22.06.2021. na sastanku Izvršnog odbora Svjetske unije olimpijskih gradova (UMVO), kojoj je Grad Sarajevo pristupio 2009., a na Generalnoj skupštini održanoj u oktobru 2020. godine, izabran za člana Izvršnog odbora.

Na sastanku Odbora, između ostalog, razmatrane su teme održavanja posebne online sesije Smart Cities & Sport na temu sportskog turizma u (r)evoluciji: oblikovanje budućnosti; najava Grada domaćina Samita Smart Cities & Sport 2021., te godišnjeg sastanka Svjetske unije olimpijskih gradova.

Primarni ciljevi Unije su razmjena iskustava i znanja između gradova organizatora olimpijskih igara i kandidatskih gradova za olimpijske igre u konsultaciji s MOK-om, pružanje znanja, iskustava i opće pomoći kandidatskim gradovima u cilju uspješne organizacije olimpijskih igara, proučavanje utjecaja olimpijskih igara na gradove domaćine u konsultaciji s MOK-om (posebno u smislu dugoročne održivosti), ali i promoviranje olimpijskih gradova kao međunarodnih centara za razvoj sportskih aktivnosti i kulture.

Svjetska unija olimpijskih gradova je neprofitna asocijacija sa sjedištem u švicarskom gradu Lozani, koji je ujedno i sjedište Međunarodnog olimpijskog komiteta.

Online sastanak Smart Cities & Sport, 24.06.2021.

Zamjenica gradonačelnice Anja Margetić uzela je učešće u online sesiji Smart Cities & Sport, koja je na temu „Sportski turizam u (r)evoluciji: oblikovanje budućnosti“, održana 24.06.2021. godine.

Ova posebna sesija bila je fokusirana na sport i turizam, dva sektora koja su teško pogođena trenutnom zdravstvenom krizom. Pandemija koronavirusa imala je neviđene ekonomske učinke na turistički sektor. Trenutna sanitarna kriza: kombinirana i pojačana dugotrajnom ekološkom krizom, vodi Smart Cities & Sport do pitanja sportskih modela i strategija.

Zbog toga se ova posebna internetska sesija bavila jednim središnjim pitanjem: kako gradovi mogu razviti strategije sportskog turizma koji mogu odgovoriti na izazove 21. stoljeća?

Učesnici su prezentirali potencijalne sinergije između sporta i turizma, dok su neki govorili o tome što su njihovi gradovi učinili ili planiraju učiniti kako bi oživjeli svoje sportske turističke aktivnosti nakon Covid-19. Cilj ove sesije bio je da pruži taktiku i inspiraciju gradovima da razviju vlastiti plan za budućnost sportskog turizma.

17. Svjetska konferencija Lige historijskih gradova, Kazan (Ruska Federacija), 24.06.2021.

Zamjenik gradonačelnice Haris Bašić učestvovao je 24.06.2021. godine, putem videolinka, u radu 17. Svjetske konferencije Lige historijskih gradova koja se održala u Kazanu (Ruska Federacija). Glavna tema konferencije bila je „Historijsko i kulturno nasljeđe kao osnova nacionalnog, kulturnog i lokalnog identiteta“.

Na Konferenciji zamjenik gradonačelnice Bašić imao je izlaganje na temu „Uticaj Covid-19 na historijsko i kulturno nasljeđe u Sarajevu“, u kojem je predstavio bogato kulturno-historijsko nasljeđe Sarajeva i trendove u oblasti turizma prije i nakon pandemije Covid-19, te strategije koje je javni i privatni turistički sektor poduzeo kako bi ublažio teret krize izazvane pandemijom. Na kraju izlaganja pozvao je učesnike konferencije da u skladu sa epidemiološkim mjerama posjete Sarajevo i lično se uvjere u ljepote grada u kojem se prepliću kulture i tradicije istoka i zapada.

Konferencija je završena usvajanjem zajedničke „Deklaracije iz Kazana“ od strane prisutnih članova Lige historijskih gradova.

(Liga historijskih gradova je neprofitna organizacija, sa sjedištem u gradu Kyoto, Japan, koja ima za cilj doprinijeti budućem razvoju historijskih gradova putem stalne razmjene vrijednih iskustava i informacija iz različitih oblasti, zajedničkih istraživanja i tehničke saradnje, promocije prijateljstva i uzajamnog povjerenja među gradovima u svijetu.

Liga historijskih gradova okuplja 119 historijskih gradova iz 66 zemalja svijeta. Grad Sarajevo je član Lige historijskih gradova od 2009. godine).

Sastanak radne grupe Evropskog ogranka „Gradonačelnici za mir“, 01.07.2021.

Sastanak je održan kao priprema za online Izvršnu konferenciju „Gradonačelnici za mir“ koja se trebala održati 07.07.2021. godine. Učesnici sastanka su izrazili zadovoljstvo organizacijom prvog sastanka Upravnog odbora Evropskog ogranka „Gradonačelnika za mir“. Dogovoreno je da će fokus rada Evropskog ogranka biti na pripremi zajedničkog webinaru sa ICAN-om na temu Konferencije zemalja potpisnica TPNW-u (Sporazuma o zabrani nuklearnog oružja), koji je predviđen za 18. oktobar.

Dogovoreno je da će se pružiti podrška novoj Viziji i akcionom planu Sekretarijata „Gradonačelnika za mir“ i da će se europski ogranak fokusirati na temu „osiguravanje otpornih i sigurnih gradova“ u okviru Akcionog plana.

Izražen je interes za podršku lokalnim mirovnim edukativnim inicijativama u školama i sklapanje partnerstava s organizacijama koje se bave provođenjem mirovne edukacije.

Dogovoreno je da će Ogranak pripremiti brošuru nakon Izvršne konferencije. Svi članovi će dostaviti informacije o aktivnostima koje provode sa fotografijama koje će se objaviti na web stranici i na društvenim medijima.

Predstavnica Grada Cervia predstavila je inicijativu „Nuke Free Europe“ čiji je cilj uklanjanje američkog nuklearnog oružja u Belgiji, Holandiji, Njemačkoj i Italiji. Dogovoreno je da će Ogranak stupiti u kontakt sa Sekretarijatom „Nuke Free Europe“ kako bi istražili načine pružanja podrške ovoj inicijativi.

Francuski ogranak je zatražio podršku za inicijativu „Deklaracija UN-a za tranziciju prema kulturi mira“. U deklaraciji se poziva na reformu Vijeća sigurnosti UN-a i zalaže za formiranje Vijeća sigurnosti gradonačelnika unutar UN-a. Od svih članova Ogranka je zatraženo da razmotre Deklaraciju i dostave povatne informacije Sekretarijatu Ogranka (Granollers).

Online 12. Izvršna konferencija „Gradonačelnici za mir“, 07.07.2021.

12. Izvršna konferencija „Gradonačelnika za mir“ održana je online 07.07.2021. godine i u njenom radu učestvovalo je 18 izvršnih gradova. Zamjenik gradonačelnice Sarajeva Haris Bašić je zbog spriječenosti ustupio svoj glas gradonačelniku Hirošime, koji je predsjedavao Konferencijom, u skladu sa Statutom organizacije. Na konferenciji je usvojena nova Vizija i novi Akcioni plan.

Izvršni odbor Međunarodne asocijacije „Gradovi glasnici mira“ (IAPMC), 20.08.2021.

Zamjenica gradonačelnice Sarajeva Anja Margetić učestvovala je 20.08.2021. na online sastanku Izvršnog odbora Međunarodne asocijacije „Gradovi glasnici mira“ (IAPMC).

Dušan Stojanović, zamjenik generalnog sekretara IAPMC-a pozdravio je prisutne članove Međunarodne asocijacije „Gradovi glasnici mira“ (IAPMC) i zahvalio što su se odazvali pozivu za online sastanak IO IAPMC-a i izrazio žaljenje što zbog pandemije COVID-19, Asocijacija nije bila aktivna u protekle dvije godine.

Sastanak je započeo video obraćanjem gradonačelnika Slovenj Gradeca Tilena Kluglera. Nakon toga su uslijedila obraćanja prisutnih predstavnika gradova članova.

Grad Plonsk je predstavio mirovne aktivnosti koje su provedene tokom prošle i tekuće godine u tom gradu – dodjela počasne zastave Gradu Plonsku od strane Evropske komisije i obilježavanje međunarodnog dana mira.

Grad Kragujevac je podnio izvještaj o 21. Salonu antiratnih crteža koji je održan u tom gradu, za što je dobio pohvale prisutnih gradova članova. Izložba radova bit će predstavljena virtualno zbog restriktivnih mjera povezanih s pandemijom.

Zamjenik generalnog sekretara predstavio je finansijski izvještaj Asocijacije za 2020. i 2021., te pozvao prisutne članove da glasaju žele li da se generalna skupština održi 2021. godine online ili da se održi 2022. godine uživo. Dogovoreno je da se ad hoc generalna skupština održi u okviru

nadolazećeg online Foruma „Dijalog na Volgi“ koji organizira Grad Volgograd od 31.10. do 01.11.2021.

Također je dogovoreno da je potrebno da Asocijacija osmisli novi logotip i da bi gradovi članovi trebali održati natječaj za grafičke dizajnere i odabrati najbolja rješenja i dostaviti ih IAPMC-u na usvajanje. Prijedlog zamjenice gradonačelnice Margetić bio je da se uputi poziv školama i da se odaberu najbolja rješenja za logotip između pristiglih radova. Dogovoreno je da će se o pitanju logotipa razgovarati na ad hoc Generalnoj skupštini tokom online foruma u Volgogradu.

Online sastanak Radne grupe Evropskog ogranka „Gradonačelnici za mir“, 16.09.2021.

Online sastanak Radne grupe Evropskog ogranka „Gradonačelnici za mir“ održan je 16.09.2021. godine. Sastanku su prisustvovali članovi Radne grupe iz Manchestera, Granollersa, Malakoffa i Grignya, Biograda na Moru, Hannovera i Sarajeva.

Glavne teme sastanka bile su webinar o TPNW-u (Sporazum o zabrani korištenja nuklearnog oružja) koji će se održati 21.10.2021., registracija Ogranka i idući sastanak Upravnog odbora. Od gradova članova novoosnovanog Evropskog ogranka zatraženo je da dostave informacije (broj lične karte gradonačelnika) kako bi se statut mogao registrirati u skladu sa španskim zakonom. Također je potrebno dostaviti dokument koji će potpisati gradonačelnik/druga ovlaštena osoba i koji će biti ovjeren pečatom od strane pravne službe/ pravne firme i preveden na španski jezik.

Predloženo je da se sastanak Upravnog odbora, koji je bio predviđen za decembar pomjeri za mart 2022. godine i pokuša uključiti u hibridni sastanak/ ili sastanak uživo Država potpisnica TPNW koji se treba održati u martu u Beču. Gradonačelnici Hirošime i Nagasakija bili bi prisutni u Beču, pa bi bilo korisno održati sastanak Upravnog odbora s njima.

Gradovi su predstavili mirovne aktivnosti/inicijative koje su se održale ili će se održati u njihovim gradovima. Dogovoreno je da predstavnici gradova prosljede informacije o mirovnim aktivnostima koje su se održale u njihovim gradovima kako bi ih postavili na službenu stanicu Evropskog ogranka.

Online sastanak Izvršnog odbora Svjetske unije olimpijskih gradova (UMVO), 06.10.2021.

Zamjenik gradonačelnice Sarajeva Haris Bašić učestvovao je na sastanku Izvršnog odbora Svjetske unije olimpijskih gradova (UMVO), koji je održan online 06.10.2021. Tema ovog sastanka bila je organizacija Samita „Smart Cities & Sport 2021“, koji će se održati u Kopenhagenu od 22. do 24.11.2021. Osim toga, razmatran je izbor novih članova Izvršnog odbora i finansijski izvještaj za 2020. godinu. Istaknuto je i to da će Budžet za 2022. godinu biti predstavljen na sastanku IO koji će se održati neposredno pred početak Samita u Kopenhagenu.

U svom obraćanju, zamjenik gradonačelnice Bašić je istakao da je aktuelna gradska administracija odlučna uvrstiti olimpijsko naslijeđe Sarajeva u urbanističku strategiju grada i upotrijebiti znanje stečeno kao dvostruki olimpijski domaćini.

Inače, Svjetska unija olimpijskih gradova je neprofitna asocijacija sa sjedištem u švicarskom gradu Lozani, koji je ujedno i sjedište Međunarodnog olimpijskog komiteta. Primarni ciljevi Unije su razmjena iskustava i znanja između gradova organizatora olimpijskih igara i kandidatskih gradova u konsultaciji s MOK-om, te njihovo promoviranje kao međunarodnih centara za razvoj sportskih aktivnosti i kulture.

Grad Sarajevo je pristupio Svjetskoj uniji olimpijskih gradova (UMVO) 2009. godine, a na Generalnoj skupštini održanoj u oktobru 2020. godine, izabran je za člana Izvršnog odbora.

Podrška kandidaturi Grada Barcelone za mjesto u IO asocijacije Eurocities, 19.10.2021.

Na zahtjev Grada Barcelone, gradonačelnica Sarajeva Benjamina Karić uputila je 15.10.2021. pismo podrške kandidaturi Grada Barcelone za produženje mandata u Izvršnom odboru asocijacije Eurocities. Grad Sarajevo je i putem online glasanja dao svoj glas za mjesto u Izvršnom odboru Gradu Barceloni 27.10.2021. godine.

Eurocities je mreža glavnih europskih gradova koji rade zajedno kako bi osigurali dobru kvalitetu života za sve. Ova mreža broji preko 190 gradova, u 38 država, a sjedište je u Briselu gdje se nalazi Ured Asocijacije.

Međunarodni forum „Dijalog na Volgi: Mir i razumijevanje u 21. stoljeću“, 31.10.2021.

Zamjenica gradonačelnice Sarajeva Anja Margetić učestvovala je u radu Međunarodnog foruma narodne diplomatije „Dijalog na Volgi: Mir i razumijevanje u 21. stoljeću“ koji je održan online 31.10.2021. godine, u organizaciji Grada Volgograda, člana Međunarodne asocijacije “Gradovi glasnici mira” (IAPMC).

Forum se tradicionalno poklapa sa Svjetskim danom gradova (31. oktobar) koji je odredila Generalna skupština UN-a, a njegova historija seže do međunarodnih foruma gradova pobratima održanih u Volgogradu 2014.-2015. godine.

„Dijalog o Volgi“ imao je za cilj jačanje saradnje, proširenje međunarodnih veza između građanskih zajednica, te na taj način doprinosi efikasnom rješavanju najhitnijih globalnih i regionalnih problema i sigurnom razvoju naroda i država.

U sklopu programa održane su rasprave i okrugli stolovi posvećeni aktuelnim pitanjima koja se tiču uticaja pandemije Covid-19, kao i temama posvećenim globalnoj politici i diplomaciji.

Smart Cities & Sport Summit, Kopenhagen (Danska), 22.-24.11. i Godišnji sastanak Svjetske unije olimpijskih gradova (UMVO), Lillehammer (Norveška), 25.-26.11.2021.

Na poziv Svjetske unije olimpijskih gradova (UMVO), zamjenica gradonačelnice Grada Sarajeva Anja Margetić prisustvovala je događaju Smart Cities & Sport Summit, održanom u Kopenhagenu (Kraljevina Danska), u periodu od 22. do 24.11.2021. i Generalnoj skupštini Svjetske unije olimpijskih gradova (UMVO), održanoj u Lillehammeru (Kraljevina Norveška) od 25. do 26.11.2021.

Fokus „Smart Cities and Sport Summit 2021“ bio je na izgradnji gradova kroz sport. Tomas Bach, predsjednik MOK-a otvorio je Samit ističući ključni značaj fizičke aktivnosti i sporta pri održivom urbanom planiranju kako bi se kreirali zdravi i aktivni gradovi. Olimpijski gradovi imaju odgovornost da promoviraju solidarnost kao istinsku vrijednost olimpizma, te značaj promocije zdravog okruženja kroz sport. Glavna obaveza gradova je da obezbijede uslove koji će omogućiti bavljenje sportom za sve svoje građane. Gradovi kroz kreiranje zaostavštine osiguravaju održivost i održivi razvoj.

Gregoire Junod, gradonačelnik Lozane i predsjednik UMVO istakao je da je zdravlje u post-covid eri i dalje osnovni izazov sa kojim se gradovi susreću, te kako gradovi mogu aktivirati virtualni krug povezujući sport i zdravlje.

Gradonačelnici manjih gradova su prezentirali kako njihovi gradovi rade na izgradnji sportskih sadržaja, organizovanju sportskih događaja i aktivnosti društvene sredine koja će imati dugoročnu zaostavštinu. Navodili su primjere kako sportski događaji mogu pozitivno uticati na lokalnu ekonomiju i turizam. Prezentirane su i 33. Ljetne olimpijske igre u Parizu 2024, a govoreći o strategiji u kreiranju zaostavštine, istaknuto je da su osnovni projekti aktivne škole, aktivni gradovi i aktivna radna sredina. Studije su pokazale da gradovi/države koje ulože 1 euro u sport uštede 6 eura u zdravstvenoj zaštiti. Osnovni elementi zaostavštine pri izgradnji sportskog objekta ili organizaciji sportskog događaja su direktan ekonomski i društveni učinak, kao i zdravstveni dugoročno.

Sport za sve u osnovnim i srednjim školama i konstantna edukacija nastavnika i profesora fizičkog odgoja je od izuzetne važnosti, kao i promocija sporta i fizičke aktivnosti od strane lokalnih vlada kako bi osigurale da sportska borilišta i tereni mogu „opstati“.

Online sastanak Radne grupe Evropskog ogranka „Gradonačelnici za mir“, 25.11.2021.

Online sastanak Radne grupe Evropskog ogranka „Gradonačelnici za mir“ održan je 25.11.2021. godine. Sastanku su prisustvovali članovi Radne grupe: Helena Aranda Mayor, (Granollers); Lorena Schlicht (Malakoff and Grigny), Jasminka Bajlo (Biograd na Moru), Sabine Meschkat-Peters (Hannover), Richard Outram (Manchester).

Glavna tema sastanka bilo je održavanje događaja na visokom nivou na kojem bi se službeno potpisao osnivački dokument Evropskog ogranka „Gradonačelnici za mir“. Predviđeno je i učešće gradonačelnika Hirošime i Nagasakija i drugih visokih dužnosnika.

Također je zatraženo od gradova koji to još nisu učinili da dostave osnivački dokument potpisan od strane gradonačelnika/nadležne osobe kako bi osnivanje asocijacije bilo formalizirano u skladu sa španskim zakonom.

Dogovoreno je da bi se sljedeći sastanak Upravnog odbora trebao održati uživo u Beču paralelno sa održavanjem prve Konferencije zemalja potpisnica Sporazuma o zabrani nuklearnog oružja, predviđene za 22.-24.03.2022. Tokom sastanka predviđeno je potpisivanje osnivačkog dokumenta Evropskog ogranka i usvajanje plana rada za iduću godinu.

17. Generalna skupština Mreže mediteranskih gradova „MedCities“, 01.-02.12.2021.

Mreža mediteranskih gradova „MedCities“ održala je 17. Generalnu skupštinu u hibridnom formatu 01. i 02.12.2021. U okviru ovog događaja, 1. decembra je održan seminar na temu „Održiva urbana mobilnost na Mediteranu: od planiranja do konkretnih rješenja“. Seminar je imao za cilj razmjenu najboljih praksi i iskustava u području urbane mobilnosti, a u ime Grada Sarajeva, izlaganje u okviru ove teme imala je Nejra Selimović, stručna savjetnica, koja je predstavila projekat SUMP - Plan održive urbane mobilnosti Kantona Sarajevo i Grada Sarajeva.

U radu 17. Generalne skupštine MedCities-a, koja je održana 2. decembra, u ime Grada Sarajeva učestvovala je zamjenica gradonačelnice Anja Margetić. Tokom Generalne skupštine, između ostalog, prezentiran je finansijski izvještaj za 2020. godinu, izvještaj o radu za 2021. godinu, prezentiran je i usvojen budžet za 2022. godinu, razgovarano je o Strateškom planu 2030 i Akcionom planu 2022.-2023., te je raspravljano o MedCities deklaraciji u korist održive mobilnosti.

Mreža mediteranskih gradova „MedCities“ osnovana je u Barceloni u novembru 1991. kao platforma za razmjenu iskustava između gradova sjeverne i južne obale Mediterana, te kao instrument za jačanje lokalnih vlasti po pitanjima održivog rasta i razvoja. Do sada je njenim

članom postalo više od 50 gradova sa područja Mediterana, a Grad Sarajevo se pridružio „MedCities-u“ 2016. godine.

Osnovni cilj asocijacije je promoviranje izrade strategije održivog rasta i razvoja gradova, te provođenje određenih gradskih projekata i promoviranje rasta uloge lokalnih vlasti. Aktivnosti MedCities-a realizuju se kroz projekte koje finansira EU i drugi internacionalni fondovi, a sastoje se u davanju tehničke pomoći i podrške, organizaciji studijskih putovanja i seminara, i održavanju političkog dijaloga.

VII. OCJENA STANJA

Fokusirajući se na razvojnu komponentu, Grad Sarajevo je značajno doprinio afirmaciji glavnog grada BiH kao političkog, privrednog, kulturnog, sportskog i turističkog centra regije i Evrope uopće.

U izvještajnom periodu međunarodna saradnja Grada Sarajeva je bila usmjerena ka uspostavljanju saradnje sa glavnim gradovima Evrope, te održavanju i unaprjeđenju postojeće saradnje s gradovima, asocijacijama ili institucijama u oblasti primjene smart city rješenja, održivog razvoja, urbane mobilnosti, klimatskih promjena, kulture, obrazovanja, sporta, zaštite i očuvanja kulturno-historijskog naslijeđa, turizma i privrede, te ostalim područjima djelovanja u okviru nadležnosti gradskih uprava.

Neophodno je još intenzivnije nastaviti kontakte sa inostranim subjektima, aktivnosti iz oblasti međunarodne saradnje i rad na projektima EU i drugih fondova, jer otvorenost i međunarodni kontakti omogućuju trajno uspoređivanje s najboljima te prilagođavanje i implementaciju evropskih i svjetskih standarda u svim oblastima.

VIII. ZAKLJUČNA RAZMATRANJA

Kao rezultat provođenja ciljeva međunarodne saradnje, pored promocije Sarajeva, u izvještajnom periodu ostvareni su i konkretni benefiti ili je u toku realizacija konkretnih aktivnosti, te su višestruko veći od uložених sredstava u provođenju aktivnosti međunarodne saradnje Grada Sarajeva za 2021. godinu. Od konkretnih benefita ostvarenih u izvještajnom periodu značajno je izdvojiti sljedeće:

Ocjenjujući međunarodnu saradnju Grada Sarajeva tokom 2021. godine uspješnom u smislu unaprjeđenja postojećih veza i uspostavljanja novih partnerskih odnosa, te realizovanih projekata, ovoj oblasti treba i dalje pristupati s posebnom pažnjom, te je izuzetno važno ohrabriti bilateralne i multilateralne projekte sa gradovima i međunarodnim institucijama.

Evropski trend regionalizacije i decentralizacije nameće ozbiljan pristup i posebno uvažavanje značaja diplomacije gradova, kao svojevrsne efikasne forme međunarodnih odnosa čiji je nosilac grad. Gradovi putem svojih višestrukih odnosa koji često nadilaze institucionalne forme saradnje, doprinose rješavanju zajedničkih problema, stvarajući tako trajne strukture, odnosno internacionalni dijalog, ne samo u okviru regije, nego i šire.